


المجموعة الكاملة

شعر شعبي



كاظم اسماعيل الكاطع

دار الجواهري

كاظم اسماعيل الكاطع

المجموعة الكاملة

منشورات دار الجواهرى

٢٠١٠

جميع الحقوق محفوظة لدار الجواهري للطباعة والنشر والتوزيع

كاظم اسماعيل الكاطع - المجموعة الكاملة

الطبعة الاولى ٢٠١٠

منشورات دار الجواهري

بغداد - شارع المتنبي

هـ : ٠٧٧٠٢٩١٠٠٩٠

تنضيد وتصميم الغلاف

ربيع الموسوي ٠٧٧٠٤٥٧٥١٦٠

الاهداء

منذ البداية عرفت طريق النهايه .
لقد اضاءت اقمار روعي العتمه في دروب الشعر .
بعد ان فقدت تاج الصحة بقي تاج الشعر في رأسي
لكم احبتي القراء
هذا الجهد عبر مسيرة اربعين عاما ، ليبقى امضاء
للتواصل بيننا
مع حبي واعتزازي .

كاظم

مقدمة لابد منها

بقلم : جواد الخطاب

لا يمتلك الشعر الشعبي الحديث دراسات نقدية متميزة من الممكن الركون اليها او الافادة منها عندما يريد الباحث الكتابة عن شاعر ما ، لذلك بقي اغلب الشعراء خارج الاضواء ، وان كانوا لا يحتلون مساحة واسعة من الحضور في هموم الناس ، ولعل النقاد يبتعدون عن الخوض في هذا المضمار حفاظاً على سلامة اللغة العربية ولكن الشعر الشعبي لا ينافس الفصحى وليس هو ابنها العاق ، وكل ما يريده هو ان يعترف بشرعيته باعتباره الوعاء الشفاهي الذي استوعب اغلب احداث حارتها وشوارعها الخلفية وكأنه لسان حالها القريب ومن عامة الناس وربما هذا السبب هو الذي دفع بعض الشعراء الى استخدام المفردات الشعبية في لقصيدة الشعبية كالسياب وسعدي يوسف وحسين مردان وعبد الرزاق عبد الواحد لنقل العاطفة

بصدقها العفوي بعيداً عن التقعر اللغوي ، ولا يظن ان
بساطة المفردة الشعبية متأّت من فقرها البلاغي لان قريتها
من دواخلنا وجعلها مشحونة بالصور والدلالات المرتبطة
بلاوعي المتلقي وجعل مفرداتها ذات كثافة عاطفية . وهذا
هو " عنق الزجاجة " الذي ساهم في اختناق العديد من
المتشاعرين الذين اعتقدوا ان القصيدة الشعبية التي تحتاج
الى قواعد او صرفية هي مجال شهرتهم كما بقي من الشعر
الشعبي العراقي والعربي اسماء لا يمكن اغفال حضورها
مثل مظفر النواب وكاظم الكاطع " العراق " وبيرم التونسي
واحمد فؤاد نجم " مصر " ومحمد بلخير " الجزائر " ونوح
ابراهيم " فلسطين " وآخرون .

الكاطع وهموم القصيدة :

تشكل قصائد كاظم اسماعيل الكاطع في عموم مجموعته الكاملة مناسبة غنية لفتح عوالم القصيدة الشعبية والتجول في مملكتها الساحرة ، فكاظم الكاطع مستفيداً من دراسته للغة الانكليزية لقد وظف ثقافته العالية لخدمة القصيدة الشعبية واغنائها وما زلت انكر كيف ان الشاعر حاول ترجمة قصائد شكسبير الى العامية ونشر هذه المحاولات ، أهى مغامرة ام انها محاولة لسبر غور اللهجة المحكية ؟ وهل بإمكانها ان تتحمل نصاً شكسبيرياً ؟ اعتقد انهما الاثنان معاً ، وشاعر يمتلك مثل هذه الروح المغامرة ويраهن على ادواته التي يعرف امكانياتها معرفة الخبير لا شك انه سيعطيها المدهش والمثير وهذا ما تحقق فعلاً وسيلمسه القاريء بعد الانتهاء من قراءة المجموعة الكاملة الطافحة بالجمال والقسوة والجنون ، هنا يمكن ان نحيل قصائد الشاعر بعد تشذيب مفرداتها الى قصائد الشعر العربي الحديث لانه لا يلجأ الى " الحسجة " ولا يستخدم للكلمات

المنقرضة التي وضعت على الرف منذ زمن ، فاللغة تتطور
حالتها حال الانسان ، بل يأخذ المفردة الشعبية الطازجة
المتداولة ويجلسها على ركبتيه وبعد ان ينظف ملابسها ويقلم
اضافرها ويمشط جدائلها الطويلة يسمح لها ان تخرج للناس
متباهية بثوبها الجديد الذي البسه اياها الشاعر ولنقرأ :

ولكيت مرسى بجروف بحر العيون الزرك

ولكيت فيّ وعطر عند الشعرها فرك

بس مالكيت الوفه والله عشكنا عشك

وقصائد اخرى سيجدها القاريء كما سيجد القضية الحورية
في هذه المجموعة التي اعتمدها الشاعر محطة انطلاق دائمة
له هي الانسان وكان في منتهى الذكاء عندما وضع نماذج
من القصائد الغنائية في هذه المجموعة كمحطة استراحة لان
سفر الكاطع مثقلاً بالهموم والاحزان لذلك من الممكن تأويل
اكثر من قصيدة خارج سياقها والامساك بالامنية التي يمكن
البوح بها مباشرة لكن الذي نجده يكفي للدلالة.

حالة الجرح من يزحك على السجين
تتكسر بدمه وينقطع كل شد
حالة المهره لو شافت نعش خيالها
اعله الكاع
مثل اخته العزيزه وياه تتمدد

ان كاظم اسماعيل الكاطع يعي تماماً الخطاب السياسي
اليومي لذا سحب البساط من تحت اقدام الخطاب النقابي
وتقدم عليه باشواط نحتاج الى عقود لاجتياز هوتها ، ويعي
كذلك ازمة القصيدة المنبرية التي يدوم تاثيرها لفترة الالقاء
فقط فنراه في هذه المجموعة يعتمد الهمس والبوح الخفي
مستفيداً من النفس الحكائي في " سواف " الامهات القرويات
، وقد الشاعر في هذا الجانب في قصيدة " الليله اموت "
كما ينتقل في الوقت ذاته من لون شعري الى آخر ، ومن
هنا يُخيل لي ان تأتي معجزة الكاطع فرغم تحليقه في

سماوات القصيدة الا ان ريش جناحيه يلامس الارض هكذا
تفتح القصيدة على ذاتها تلقائياً مثل حلزون انها مفتوحة
الابواب والشبابيك لان الناس الذين يتنفسهم الشاعر ويعيش
معهم ويؤسس الموجودات ويشحنها بطاقة جديدة ورغم عدم
اهتمام الاعلام العراقي وعلى عكس الاعلام المصري
واللبناني فقد حصد الشاعر الكاطع الجوائز في مهرجانات
عربية عديدة وكذلك مهرجانات عالمية وقامت الكثير من
دور النشر بطبع مجاميعه الشعرية ومثال ذلك مجموعة
شفاعات الوجد المشتركة مع شعراء اخرين منهم الشاعر
الكبير مظفر النواب ووجد الاستجابة من قراء الشعوب
الاخرى ويحتل شاعرنا الصدارة في كل مكان يقرأ فيه تماماً
كما فعل الشاعر " لوركا " .

في بداية السبعينيات انتشرت الاسطورة في الشعر
العراقي الشعبي والفصيح وكان الكاطع واحد من فرسان هذه
الموجة في مجموعته " شمس بالليل " او كما ورد في قصيدة
" الليله اموت " التي تضمنتها مجموعته " نعش النهر " :

يا سنيني الراحات وداعة الله

انطيني بوسه

موادع الخل الخليله

اوف نعشي اشلون اوصله الباب اهله

ومن يكابني عليه ونشيله

وينتهي بأمنية مرة هي الامتداد الطبيعي للحالة والمؤسس

عليها منذ البداية وهذه الظاهرة المتفردة نجدها في جميع

مجاميعه الشعرية ابتداء من قصائد دامعة التي كانت لا

تمتلك الهوية الوطنية بل الحس الوجداني العالي

القصيدة :

الليله اموت الليله آخر ليله

الغيم مد ايده اعله راسي

والمطر شد حيله

الليله ليله

يمه دخيلج اترجاج

ضميني بسواد الشيله

من المؤكد ان الحس الشعبي المليء بالخوف وغدر الاخرين
هو الذي شحن بحوارية جميلة

وين صبح

مدري والله

بليل مظلم فاركيته

اوين مسى ؟

- من طلع ما سد وراه الباب

لاجن بالدرب هم بمشيته

حتى اذا ما خرج المفتشون عن حبيبها نراها تقول :

زين ما شافو ازنودي

وفطنو السلة امتاعك

زين محد منهم اشم ريحة البوسه اعله خدي

وعالصدر دفو المكان البيه ذراعك

جازماً اعتقد ان هذه القصيدة وحدها تحتاج الى دراسة
مستفيضة اما الخوض في التفاصيل النقدية " سفرة مجانيين "

" ما مرتاح " اعتقد ان زمانه لم يات حيث سبق جواد الكاطع
اقرانه في مضمار الابداع بمسافة كبيرة دون لهات .

نموذج من الصور الشعرية

يمكن التحدث عن الصور الشعرية عند كاظم الكاطع دون
التطرق الى بناء قصيدته ككل لانه يحبكها بطريقة " كاطعية"
متفردة خاصة به ولا يلتقي فيها مع شاعر آخر .

حلاتك يا نهر عمرك سفر تمشي به

لا ترتاح لا تكعد ولا تتمدد

حلاة المهره لو شافت نعش خيالها

اعله الكعاع

مثل اخته العزيزه وياه تتمدد

او:

وياك آنه حرب وكلمن يشيل اسلاح

تكتلني لو اكلتك

بالحالتين ارتاح

او :

شيفيد تمر نهر بولايه مهجوره

اشيفيد اتمر محابس !!!

بيد مبتوره

ولو استعرضنا مجاميعه الشعريه جميعها لكنا قد احتجنا الى
كتاب يحوي ابداع هذا الشاعر المتفرد الذي داهمه المرض
فجأة وعكف على طبع المجموعة الكاملة .
فشكراً للشاعر الذي امتعنا وشكرنا للناشر .

جواد الحطاب

شاعر واعلامي

قصائد دامعة

قام بتحويل الكتاب الى نسخته الكترونية
سامر الربيعي

وكيفت ...

طكن ايامي ، وخضرن وركات بعروك السنين
أوكلت نشت الماي بيدي ...
ولن كطعت الخيط بيه .. ولولحت كلبي الحزين

طلع رمليه وداك يالحسبتك خوش طين !!!
وخضرت بس شوج يالكلكك جزيره ..
وروحي شوك امدلهمه وتمطر حنين
فزت اعيون الليالي ...
ولن سوالفنه حلم !! مر اعله عين النايمين ..

وذاك أنه ..

وجرحي اعله حاله !!
اينام ويندهه الونين ..

وتالي يالمالك رفيج ..

اتهدمت اسنيني ..

وطحت بجفاك ..

وفراكك غميح ..

لا جرف ونساك بيه ..

او لا على غيرك يوديني الطريح .!؟

او لا هذاك انتة الوفي ..

ابكلبك نداوة شوك وطلع غريج ..

وجنت اظن الماي كيش ..

وحسبيت الماي كيش ..

وجانت اسنيني حمامه !!

ولن هواك اغراب يفرسها ابسمة الهجران

وينزلها ريش .!!؟

وجنت دم اليجري بيه ..

ورحت مني ..

ابغير دم اشلون اعيش ؟!

تايه ودولابي يفتّر ..

امشي بالحسبه وضيع ..

وأصبر ابلا صبر - وأنبل - شجره ما مر بيه ربيع

وهم الف يا ريت أمل ومثل ما بعتوني أبيع ..

هونك ..

تهذه أويه كلبي .. وبسك اتمرّج ..

تره خويطه رفيع

حملته اهواي .. فوك امحبته ..

وحمل الونين

وانته ..

وفراكك مناجل تشلع اعروك السنين

طلع رمليه وداك يالحسبتك خوش طين

يالحسبتك خوش طين

انتهينه

انتهينه ..

وانتهه الما ينتهي وخلص حجينه ..

انتهينه ..

وبكت كطرات الوفه المذبوح تتناثر عليه

وبكت للمجفين كوم اسرار عد روجي الامينه

وكون نستاهد عتبه ايفيد بيهم ..

عائينه ..

وكون يسوون البجي ..

جا بثعش ناظر بجينه ..

غافلونه .. وباكوا العشره غفل من بين ادينه

وباكوا من ايد العمر سنتين وبودهم رضيينه..

تالي نزعو شوكنه امن كلوبهم !!..

كالو عوض عنكم لكينه ..

تالي سدو بابهم ..

من شافو اعله الباب اجينه ..

وشككو مكتوبنه وبلا خجل نبوه عليه ..

انتدمينه ..

وجينه نسحل شوكنه ابرجل الندامه ..

وآيسينه

وابتعدنه ابعيد..

لاجن طيفهم ظل يعتينه ..

ظلت احجاياتهم عالبال - ما جلمه نسينه -

يااما لسعته الشمس وبقي كصايهم غفيه !!

ياما ذنبه العطش يمهم .. وبجدح جفهم روينه ..
 ياما فيضنه الوفه ..
 وحطولنه المهجه سفينه ..

تالي ..؟!
 طبكو بابهم وبنار فثلتنا انجوينه ..
 تالي ..؟!
 نكرو شوكنه وسجة اسنينه
 وسالمو غربه ونسو لويات ادينه !!
 اتندمينه...

اشلون ؟! قشمرنه الكلب والههم مشينه ..?
 اشلون ؟ ما تبنه ابجرح .. واعله الجروح اتعودينه
 شتلو ادروب العشك عثرات !! وشلون انعمينه
 اتندمينه...

وجينه بجنابة عشكنه المات غفله .. وآيسينه

وهذا حدنه اويه الهوه ..

وطاري الوفه ..

" وشوك المدينة "

انتهينه ..

وكون يسون الدمع جابثتتش ناظر بجينه

انتهينه ..

انتهينه ..

ليـره

كف يجف افراكهـم .. كف لا تَعْتِي ..

كفني من جنه وجنت ..

ويام ناسيهـه ونستتي ..

لا تكحلني ابصورهـم ..

وك مر اودهـم عمتتي ..

وعيني ..!؟

عيني لوحه مشر كه ..

بالك تدك وتبسمـر الطيف اعله جفني ..

وانه ما عايز حزن ..

عاين ..!! بعدني بثوب حزني ..

كفني .. باعوني رخيـص او غيرهم وادم شرتتي ..

رخصوني ..

ضيعوني ..

جنت ليره اعله الدرب و عيونهم ما وجدنتي !!

جنت ليره .. اتلوح اعله اصدورهم ..

لاجن كلايدهم شبه .. وما والمنتني ..

كف يجف افراكم .. عين العشت بيهه انكرتني

كربوني ...

ذبو الشص و نتل كلبي الجرفهم والسوالف دللتني

سمجه خطار اعتنت

واعله - الزهر - شصهم عزمني ..

ذبلوني

وجفلو من عيني حتى النوم ..

طار وما خفك جنحه اعله جفني

يوم المواعع نسوني ..
وحته روحي المشت وياهم نست ما ودعتني !!
لا ترد بيه الدربهم ..
جيت منه او حيد بس دمعي يزتني ..

جيت من درب العشك مكسور خاطر
سحكو اسنين المودة ..
ومشو اكليبي الوفي ابسجة خناجر ..
لبسو دنياي غيم ..
او فورو اعليه الحزن داير مداير
كون اشك كلبي واشوفك !?
جا كلت عفيه اعليك اشلون صابر !?

جنت شمعہ اضويلهم لاجن عواصفهم طفتني
وجنت ليره اعله الدرب وعيونهم ما وجدنتي
وعيونهم ما وجدنتي !!..

ما صبرتي؟! "

ما صبرتي؟!

صمتي رمضان العشك وبزاد شماتي فطرتي

والف آية شوك رتلته الكلب ..

لعيونج أو بيه كفرني ..

وانذبح بيدج عشك سنتين عمره وما نغرتي

ما صبرتي؟!

ها .. وصلتني اسبعطعش؟!

وبعين المراه كبرتي ..؟

وانتي غيمه اتبخرت بدموع عيني ..

وابزرع شامت مطرتي ..

وسرج ابكلي اندفن ..

وانتي العله سرج حفرتي

ما صبرتي ؟!

وج فجت بيج البحر ..

شو ساجيه بيه ما عبرتي ؟!

وبعد ليلي باوله .. لا غاب نجمه ..

ولا نظرتي ..

اشحسبتي ..؟

تلتجت نار الموده وبعد ما تلسع جمرتي ..

لو نشف سيل المحنه ..؟!

وذاك كيظ الشوك ما شفتج عطشتي ..

ما ذكرتي ..؟

لا درب !! لا ليل .. لا مكتوب بحروفه انجبرتي

لا حلم وعاج ..

لا فكرج مشه ابحسبه وعثرتي ..

والله خجلني العشك وبعين اليبج زغرتي

والله ما تسوين ذاك امكالي ..

ابليل السهر ...

يالماسهرتي ..

روحي ما تسوين دمه اتلممت كوه ابعبرتي ..

بعتي كل ود ابرخص .. وانتي الخسرتي

ما صبرتي ؟!

ها.. تلاكه وياج شامت وبوجه غيضة ابتشرتي ..

لو حله ابعينج رسم غيري ونكرتي !..

لو وصلتني اسبعتعش ؟!

وهنانه حدج بالعشك وبعين المرايه كبرتي

ما صبرتي ؟!

ما صبرتي ؟!

دعوه

كطريت ابحك عمرك مي شبابي الجان صافي
وبجزيرة شوج كلبي الخاطرك مشيته حافي ..
شابكت فكري وخيالك بالليالي ..
وفزرت تنكار غافي ..

وتلجت عيني ابشتاك وما اجيت ابطيف دافي ..
واني تلث اسنين اتاني ..
اهجس ابروحي الصبر ياكل واكله اشبع عوافي
غازلت طيف المحبه ..
ركصتك بالدواوين الخضر كل القوافي ..

واملت روحي ابوصالك ..
كلت ينكرني ويجيني ..
واظن من ادموعي ترتاح الجفافي

وقلت ببيان سمعي ..

ابوجه حجي الناس والكالوا يجافي ..

جذبتهم ..

لجن اني الجذبت .. من كنت اعرفنه ويوافي

ونام كلبي ابليل شوكدك على زنود الوهم غافي

وساعه ظلمه !!

فزرن كلبي الهلاهل .. وشلكيت ؟؟

الكيت شمع العشره طافي ..

وحزمو شماتي مية خبر .. ذبوهن ابداري ..

انخطب .. باجر يعرس .. وزعو ريحه وجفافي

وبوكاحة عين اجت منك بطاقه :

" ادعوكم الحفلة زفافي "

وموش صوجك ..

صوج كلبي .. الیظن هاي الناس مثله

لاکط ابکلبي الوفه ..

لو یطلع امن الیوم اغسله ..

ولو یکفیني الندم ..

جا غصبین اعله الروح احمه ..

لجن فشله ..

لجن فشله ..

ینرمي اجناح الوفه ویحل علی الصایود جتله ..

والله فشله ..

امن الشماته ..

امن النهوني ..

امن الجفن من جانت اطيوفك تجفله

ولو یکفیني الندم جا غصبین اعله الروح احمه

بخور اهنود

يا عطور العيد يا عرس العماره
يا بخور هنود وبيوم الزياره
حلو مرك جان
وبهجر ك صدك ضكنه المراره

ليش ؟ اليه وشالة الهجران
والغيري الوفه اتكته ابغزاره
-ونفس لو نفسين - بيهه - اروحتي وبيدك جكاره
شابن العشرين من نارك
يهل تاجرت بسنيني تجاره

ظلع يهفت .. ظلع غيره ايبوك ناره
واحترك بهواك يا ورده الهوى اكلبي غرسه
وشلت عيني الدموع
وسيل تذكارك ترسه

يا سراج ايامي .. يا غنوة ونسه
روحي بجو يريد وعيونك شمسه
روحي " بت اربطعش "
يا شوكة وفرحة عرسه

يا فجر ليل المدامع .. ليل هجرانك خساره
رد واخذني العين حسادك شراره
ونفس

لو نفسين بيه

ارويحتي

وبيدك جكاره

الى مبحر في دمي

مالي خلك الطيف

لو بسط على جفوني ابغذابي

ومالي حيل ايلوي الوحشه امن اغني

وانه

لو تسمع زنين اغناي تنسل الربابه

ما فرحت " اينايلك " ساعة وصل

وسنين بجنتي " العتابه "

وما جرعت موادك

وموادك علىكم شرابه

من قفلت الباب روي اتبسمرت !!

ووداعتك بجت اخشابه

وتدري

عاشك من يدك باب الولى

ينهظم لو محد يرد للذك جوابه

وتدري

ابحال الكلب

كون الخذاه طول غيابه

يا عذابه

وانى ما عندي كلب يجرع ونين الشوك

من يذكر احبابه

لا تنل روى بودادك

واليزله الشوك اظن محد يهابه

لا تخيليني ابدر بفركاك

مثل التايه ابليلة مطر

والعرف سد ابوجهه بابيه

يلتهى ابظيم الدرب ؟!
لو يلتهى ايضمد اصوابه

يالنويت اتشيل !!
من هسه العمر سب احسابه
لو وراك ايشيل وينبل شبابه
لو يظل بجفوف شماته لعبه
او لو صدك وتشيل !!
شيلة اجنازة العشره الطويله
اواسي كلب متيمك وابجي المصابه

لجن كلي شلون ؟!!
لو عن الهوه

ومريت ، ولكه البيت يتتاثر اترابه ؟

من قفلت الباب ..

روحي اتبسمرت ..

وبنار هه التهبت اخشابه

لا تخايني بايـالي اجفاك اغني

وآني لو تسمع ونين اغناي تنسل الربابه

موش أنه الك

موش أنه الك ..؟!

موش انتة الي ..؟!

موش انتة شنرة جنجلي ..

موش انتة ..

انتة ..

ابتوت كلبك رجن صهوة هلي ..

موش انتة ورده .. انسفك دممه

ابمنجلي ؟!

بيك ابتليت وفرحت ..

بيه اشعجب !! ما تبلي

وانت الكلت .. وياك " للوقواق " حدي

وما وصلت " المندلي "

جنت اني اظن

جنت اني اظن

زنجار كلبك ينجلي

جا ليش ؟!

ليش ؟! اعرف ووشل غيظ كلبك

هم يرد وينملي

مربوطه روعي ابحضرتك

ترضه دخيلك ينولي

موش أنه الك .. ؟!

موش انتة الي .. ؟!

وديتك صوغه العمر .. طرزته ياقوت وحلي

ضميت سري ابشيمتك

وتريد ؟! تسله وتتسلي

وانته السند

وانته الخيم شوكي وتد

ماين ودوس ابمشتلك

همانته دوس ابمشتلي ؟

وشتنسه عينك من سواف عيني

رد يمدلي

موغيم عيني نكط ابدربك وفه

رد .. رد .. الي ..

موش أنه الك ..!؟

موش انته الي ..!؟

موش انته ..

موش انته ..

ابتوت كلبك رجدن صهوة هلي

واتمنه ..

اتمنه لو زنجار كلبك ينجلي

يا شوك أمس

يا شوك أمس

جرح الليالي ابصم ملح داويته

يكتاب أمس

خلصني ليالينه ورق

وآخر حرف ختميته

رديت من درب الوفه

وباب الضنون الماصدك سديته

حاسبت روعي اعله المضه

لن ماي وبغريل عمري

اعله الرمل بديته

هفتن ليالي محبتي .. ورمادهن طشيتہ
ضيعت تعب اسنين
يا تعب السنين ارماد
وبهوية هجر ذريته

كلبي الربہ ابحضن العشج
ينزف ندم رديته
حتہ ضعت لجله وتہت
ضيعني من لاكيته

لا يا فسلتي امن الكمر بسمہ اشكتر ناجيته
عاكول يطلعلي الورد !!
لو ادري ما تنيته
كلبي الشبك شوكة وغفه
ابصیحت ندم وعيته

وافلست من طيف الحزن عيني عمر ربيته
مات الوفه ..

وحفريت جرحي ابخنجر ودفنيته

يا شوك امس ..

شمعة هوانه اتعالج ابآخر نفس

شد حيل ياجدم الندم

واردس على

الجلوه ردس

مات العشج وتحول اسبايه العرس

جذاب يا طير الوفه الغنيته

حاسبت روجي اعله المضه

لن ماي

وبغربيل عمري

وعالرمل بديته

أنشد عليك

بعده - ولف الضيعيته ابديرتك
ينشد عليك
بعده عمري الغريكيته ابيـر
يترجه عليه اتمد ادبك

بعده كلبي الثكله الشوك -
وخسف بيه الوكت
يتنخه بيـك
ونيجه روعي الكصكصيت اجناحه
- اتحوم -
واون تكدر تجبك
ها .. ولولبنك تسلس .. بس كشر ..
هم اشتھيك

ها .. واتمنى روحى .. اتصير حنه
اتنام ليله ابضن اديك
آه يا سلعه انبعت !!
لو تحصل ابروحي اشتريك

ياالشئتك .. واربطت عمري
اعله عودك
خفت من الهوه ايطيحه
يا غصن هزوك
يالوردك يتيم ابغير ريحه
يالهاوك ايمام لو ستين عمري ايصير
ما هدن ضريحه

يالبعادك خنجر ابحدن وسنيني ذبيحه
وذرت جبدي المحنه
ابفركتك مية شريحه

وشوكك اشابك اويه كلبي

اشلون توصله النصيحة ..؟

اشلون ؟ يالشوكك جبل بالروح

يا جلمه التزيحه

وشوج بجفوفي شتلتك

ما حصل خابط بديه وغيري غركان ابزلالك

ما ألي ضنه ابوصالك

ما ألي ضنه ابوصالك

لاجن :

اشما تبعد اعله العين يدنه خيالك

تارس الدنيه سواف

انساه وينكرني شرجي

واغفه يندهني شمالك

واحلم اوجن انتّه يمي
واكعد - وبس الوفه ايدور اويه دمي
اتوكر الحسبه اعله بالي
اتحط حمل هم .. فوك همي

واعتني ليامنه ..
ولكاهه مذبوحه بديك

ها .. ولو لبك تسلس
بس كشر .. هم اشتھيك
بس كشر .. هم اشتھيك

شمعة عيد

اجه العيد .. وما اجيت
اشعلت للملّكه عمري
وآيست تالي انطفيت
وانتظرتك
شمعه موعني الصبر لمن كظيت

شمعه
كطرنى الصبر فوك الصواني
وخيط ..
بس الخيط يمعود صفيت
وآنه كل شعرة رمش حضنت عشر دمعات
لمن ايسيت

اجه العيد وما اجيت
هم اجه وما جاب روجي
عائش ابلا روح من يوم المشيت
هم اجه ..
ودك باب تذكارك عليه العيد
وبوجهه بجيت

مبتلي .. وحمل السوالف ما يشيله البال
وشكد ويه نفسي ابليل عنك سولفيت ..؟
وهذا عيد الله الجبير
درت عن الفرحة وجهي ..
بس لك وانتة
بعيد تباركيت

بس خيلك عايداني وخذ فكري .. وما دريت
وعشت جن العيد اليه
ونتبهت

وحدي اهزري !! غير دمعي ما لكيت
آه يا عيدي الجفيت
آه يا عيدي الجفيت

وانتظرتك
شمعه موعني الصبر لمن كضيت
شمعه

كطرنى الصبر فوك الصواني
وخيط ... !!

بس خيط ... !!

يمعود صفيت

سواجي الروح

الى حلم مجهول ..

لكيتج دنيه مليانه وفه وراحه

ولكيتج

طير ..

شايل فرحة ايامي على اجناحه

لكيتج .. يالعله اعيونج

تموت اسنيني مرتاحه

نده .. ومورد ربيع ابجفن قداحه

ولكيتج يالعكب شوکج

يظل عيد الجهال ابغير مرجاحه

غصن .. مد بسواجي الروح سباحه

يما ادري شكولن ..
يا دفو الجوري ..
وشتہ البستان ما لاحه..
قفل بابه الفرحة مده ..
ولكيتج
ونتي مفتاحه

يخبعون النسيم ليشبك ازلوفج
يبربين الشواطي ونبعه فواحه
لكيتج طير شائل فرحة ايامي على اجناحه

وعبر دنيه الحزن بيه ..
بعد ما ضاكة الدنيه ..
لكيتج نسمة منتجيه على الريه
يلنج لا يكه الكلبي ..
كحل بعيون بدويه ..

يا مزنه ..

وحنينج سيل ..

اخذ كلبي اويه جاريه ..

خلينه ابهوانه اتقيض ..

يا غيمة كلب فرحان ..

كت روجات حنيه ..

يا مزنه حنينج سيل ..

اخذ كلبي اويه جاريه

يا حفنة شذر طرز وجنة الليل ..

يا ضحكات مصباحه ..

لكيتج يالعله اعيونج تموت اسنيني مرتاحه ..

غصن مد ابسواجي الروح ..

سباحه ..

شمس بالليل

..... حلمت

.....

وقد اشرقت الشمس في غير عادتها .

كان ذلك في منتصف ليلة لا اعرف تاريخها بالضبط

فاللحلم

والحب

وعيون

قصائد

رسالة ام

آب / ١٩٦٧

يبي خنكوا كل ضواي

وذبحوا بصينيني شمعہ

ونجمك اليضحك ييمہ

امغنتب

وما بيه لمعہ

والکمر شد نكلہ .. جاي ايشيل

ظل ابلا ضوہ

جاشنهي نفعہ ...؟

يبي والبستان ذاك

امصوفر

ومسلول زرعه

ودم ضحايانا ينز ابكل مضيف

وما بكت للزلم ربعه

والخبز من مديوف بالدم ..

كلي ..

كلي ..

كلي خبز اليايس الينداف بالدم من يجرعه ؟؟!

يبني ..

جاعت المهاد وديسها كامت ترضعه

والسلف ياكل لحم موتاه يبني

ما لكه الخبزه التشبعه

وذني حلوات السلف باكو كهلين

والرمد طش ..

وترس كل عين وسعه

والعجارب ينكط بكل درب سمها
وعدنا محسود التسعه فرد لسعه
والسهم نام اعله جبد الكاع يمه
وحشمت وين الينزعه ؟
ها.. ها .. هالولاد ؟..
جاوين الينزعه ؟!

والمراجيح التغني ابعيدنا
صارت مشانق
والحبل محد يقطعه
والمزابل .. حولوها الله مكابر
يمه يوميه الفجر توصلها دفعه
اويه كل سوط اليشك ظهرهك سواجي
ايشك مهجتي
وتتشلع روعي
اويه كل اظفر - نذل منهم - يشلعه

حدو ابضلعك خناجر

وانته كلبك

جم شهيد العبر الثوره اعله ضلعه

ييني جلاد السجن ساطوره جايغ

ييني جلاد السجن ساطوره جايغ

كصله من زندك واشبعه

كون اشوفك

كون اجيك بنار كلبى

جا حديدك كله اموعه

يمه تشجيك ظلمهم :

من اجينه انواجهك مصباح جمعه

جينه ... واحدنه ايتطوه

الريح لو هبت تدفعه

ويم سجنهم ...

صارت اعلينه " البنادق " يبني فزرعه

واحد ابعيني يحط يايمة اصبعه

واحد اينعل حزبكم واني اسمعه

واحد ايجر شبلة اختك

راسها ابشارع يفرعه

وتهمل ادموعي ..

وتصب رايه اعله خدي

دمعه تبجي الحال دمعه

يبني :

ماخلوني اجيك

اوغر عليه منشوركم يوليدي بالعلاكه ارجعه

يبيني صبرك ..

خلي بسمار الدرب نابت بجدمك

لا تشلعه

يمه ظل لابس حديدك

لا تمل منه وتزعجه

نارك الحمره

التوجهها الناس

باول ليل

هيّه اللي تكطعه

وخلي عكربهم ابداري

وكل وكت تلسعني لسعه

ما اكلن آخ منهم

لا ... وحك كلمن كضه

وما دلى عدوانه اعله ربعه

لما صوت الدنيا يدوي
وللعشيره اتصير فزعه
اهناك راسي وبيرغي المصبوغ بالدم
عالي ارفعه

اهناك ...

وحش الغاب ما يحميه شرعه

اهناك ...

اردن للعرس حننه وشمعه

حننه وشمعه

اوين المجرعني مر

مرين اجرعه

صفارة الحارس

الى انسان الهزيمة ، صوت الرفض

حزيران / ١٩٧٢

تكلي اضحك !!

تكلي اضحك !!

تريد اضحك ؟

جيب اشوي فرح

واقطع نفس جرحك

حتّه انسه العذر ... واضحك

سن الما ضحك بالعيد

جا ؟ يوم الطبك يضحك !!

نهر بالروح يا جرحك

نهر شيدفنه يا جرحك

يمر اعلاه العمر

ويغرك اسنينه

بوكت ضيع ضواه وصاحب افراكه

وكت اخرس

جزاه الصوت

ما ندري اشيريد ايكول :

طاحت جربة العباس ...؟

لو كسرى انتحر طاكه ...؟

وكت غركان

حتّه الماي بيه غركان

حتّه الفوج مشلول

ولكوه غركان

غرکان

اویہ غرکان

ابحلم یا کاع یتلاکه !!

لفینه الشته البردان

خطینه عالیہ عنره

ومدری بیا زمان تصیر....

حتہ الصیف ما مش بیه مشراکه !!

ومدری ابیا زمان اتصیر ...

..... ما کولن

حرامی ایحلف المبیوک ؟

والمبیوک یتعنر امن الباکه !!

وتكلي اضحك ؟

تواعدنه ابدر ب نضحك

وفاركنه البجي امن اسنين

ما جدحت شراره ابعين رازونه

ولا

كال الدرب هاليوم نتلاكه

تكلي : اعبر لوحديك

وانتجي اعله الماي

هوّه الماي عبرّمن بلايا زنود ؟

هوّه السيف خومن بلايا زنود ؟

هوّه الينقطع زنده ..

تدجله ازنود ؟

ما مكطوع زندي

بس أنه مشدود

مشدود

مشدود

زندي ابلا حبل مشدود

فكني ..

وفك جثير زنود

ما غمض سهرها

امتانيه الحراس تصفر

والسواد ايطيح

وتشوف الظلام

امكحله اعيونه بضوه البارود

فكني ..

وفك جثير زنود

سوينه جفاقي اغيوم

واعصرنا

ابسمه الكالو : ييسنه

وباكنه الصيهود

فك طير الشتلته ابصلرك اجناحه

كبر جنحه

يريد ايطير

فك باب السمه المسدود

خله ايطير

يوكع ؟! .. ميه غيره ايطير

واحنه اشما نكصنه انزود

واحنه اشما نكصنه انزود

حتّه اضحك

ووصل الضحكه للباچين

حتّه اعدل

واقصل اعمار للميتين

حتّه اظفر فرح من كذلة النجمات

واغسل وجنة الدنيا

الوصلها الطين

واغسل كذلة المهره

العكرها الطين

فكني ..

وفك ضواك ..

وبدل الشمعه العتيجه

الجافله امن الليل

وتخاف الهوه

ادفن الشمعه المريضه

فك درب محبوس

واطيني كمر مجروح ينزفلي ضوه
اطيني جسر

ما يشرّد امن الروح
ويدفنه مطر

وييوس ادين الماي
لو ضكه الهوه

اطيني جرح
ما يشتري ابشعبه دوه
اطيني درب
مثل الجديد ايمر عدل

..... مو

بس دعم تفكه التوه

حتّه امشي يا درب الشمس

ما دنك امن الموت لو فوكي خطف

ولا اكمز الليفوك لو جدمي انجوه

هو طريقين العمر

هو طريقين العمر :

واحد :منله ومزبلة تاريخ

والثاني : شمس

وشتينهن : يتلاكن ابهلك الكبر

هو طريقين العمر !!..

كان يغني

ياهيـه

نيسان / ١٩٦٨

ياهيـه ...

يا طور الحزن

موالك اغرز حنين الروح ويبجيني

ياهيـه ...

ذبوني طفو

هفتوا جمر اسنيني

ريشه وتهت بالريح

هاي اسنين

اني الوي الهوه ويلويني

زوهـر

طفح بيه الدمع

لا شجيه

لا فالة رحم تخطيني

ما فادن اسدود الصبر

فاضن سواجي اونيني

ياهيہ ...

مر اعلہ الجرف

واطلع وجيك ابطيني

وافرش حمل شوکي ابشايك

حتّه

اطلعلک سواف کفرني ابديني

عبيدين مرن عالعشج

واته الحزن جاسيني

صوف ابحك مغزل صرت

وشما فرغ

يطويني

ياهيہ ...

لو نام الجفن

وتوسد الدمعات

سالوفة هوى توعيني

واكعد ...

واجر ياهيه

نبوني طفو هفتوا جمر اسنيني

بس جمرة التذكار

ظلت واجه وتجويني

مطار يا غيم الجفن

ليليه ابيضن

واسبح ابمي عيني

خشبه ..

ويزتني السبل
والحسره ابحزن تحديني
عود وشرب مايه الصبر
واتغربلت بالظيم
يرياح الهجر
نسفيني

طشينني ويه الريح
بلجي انزل ولم اسنيني

يا هبه ...

دينت العمر
واشلون اردن ديني

ومرصوص ..

غني ابلا حرج
اطرب على الحسرات اظن تدريني

لا تحترک وياي

خليني

احترک خليني

ريشه وتهت بالريح ...

هاي اسنيني

وانه الوي الهوه و يلويني

ما فادن اسدود الصبر

فاضن سواجي اونيني

رسالة من بريد الغرباء

كانون الثاني / ١٩٧٢

تهت ...

نبنى سمه اجناحي ابشبح غربه

طحت بولاية الغربه

اجر عمري ابجدم حيران

اعت روعي ابجدم تعبان

ينكلني

ونكله

ابهمة الفحطان

شايل غربتي ابجفي

وشايل دنيتي ابجتفي

وشايل غايتي ابكلبي

ادورلهن حياة اتلوك للانسان

تأيه ...

والدرب ما يندل ادروبه

وصفن مثلي

ورمح شائل الخوف ابقطعه مكتوبه :

الحجي ممنوع ..!

اهل هذا الدرب خرسان

الومي ممنوع ..!

اهل ذاك الدرب عميان

وبوجهي الضوه قفل شبابيجه

وظلام الليل غلف وحشة الحيطان

ذبانني ابدرب شائل رصيفه اسيوف

وسيوف الرصيف

اوساده التعبان

وافتر ...

والعمر بكرة خسارة ايلف

وانه ودربي ...

احس ثكل التعب

حية جزيره اعله الجدم تلتف

احس باجي العزم

... كطره ابهبوب

وما رضت تتشف

وشوف الناس بس اوجوه

متخيظ خالكها ابخوف

ومشبكه الحجي ابزنجيل

والدنيا اركصت للطاح بيده الدف

لاجنها نست

من جلب هذا الدف !!

منهو العاش مية طف

منهو العلكو راسه

وبكت روجه نبع

سباحها ابكلب الزمن يزحف

بعد عين السواجي ايصب على خدود الرمل دمها

وجرحها امن الكبر ينزف

وانه وليلي

وعمر

بكرة خسارة ايلف

انتحلم بالضوه

وننخه الشمس

بلجن تجي ابهل ليل

وتخلي الوكت يكشف

وآنه ودربي ..

فرد سجه

وقطار العشكته اميسر

فرد طاسه غريبه

ومايها امطشر

تعايب غيمها الغايب ...

يجان الغيم مهره امجنحه

ابطاري العطش تعثر

جان الطيف ... يشتم الجفن البعيد

وايمام الجرح

كبل الندب يحضر

وآنه وكلبي ...

بعدنه ابشبكة الغربه

انتحلم بالعلم الابيض على السده

نربي اذنون

وتصلي الدموع افروض كل رده

انه وليلي الكبر ذنبه

خنك كل الضوه ابعيني

ولا فركس ضوه ابخده

وبعدني ابظنة ارده

اصبر بالعمر : تاني

اصبر بالعطش : تاني

اصبر بالدرب : تاني

ثكل ذنب الظلام

وكاعه جاي ادوس

جاي اتهب مساحي الريح

وتكسر عناد الباب

وتفك الضوه المحبوس

جاي اتهب هلاهل ليل المعرسين
وترد الجسمها الروس

يمته

اتهب هلاهل ليل المعرسين
وترد الجسمها الروس ??

عتاب لقمر الشاطيء

نيسان / ١٩٦٧

يا كمر لابد عشقتك ابدنيتهك نجمه
وعذاب الليل شفته

يا كمر ...

لابد صفارك

من هجر وفراكت عشته

يا كمر ...

لابد تتطرت الدرب

والطيفها جفنتك فرشته

با كمر لابد لكيت ايام ظلمه

او تعرف الليل اوحشته

يا كمر ...

لمن تغيب

انكول خيعونه الكمر راح النجمته

وآنه

انه هم عاشك خذوا نجمة ودادي

وعرست من غير بسته

يا كمر ...

صلفه المراكب

خلت الشاطي ابحسرتة !!

جا ...

كمر يرضيك شاطينه الحلو تغركك فرحته

ويصعد الكلبي الونين

يا كمر جدم الموادع

جر وراه اربع اسنين

واهجس ابطيف البكالي

يكطر ابعيني حنين

يا كمر تركص على خاطر صورها

وتنزف اعيوني على الشاطي الحزين

آه بالشاطي الحزين ...

يا كمر ...

كلما اصعد لاثار رجليه عله رمل الشاطي

يخنكني الحنين

آه بالشاطي الحزين

طلع شوك الياسمين

منشار الورق

تموز / ١٩٧١

يا شراع مهاجر

وعين الشواطي

امتانيه اليوم البعيد

انتظر بعيد ؟

انتظر بعيد ؟

وتبخل اعله الصايمين ابلا صبر

بهلال عيد

انسيت ؟

لو راضي ابغربتك ؟

ما سمعته الطاح غفله

وفرّج ابحلكه النشيد

ولا نده نومك عتبتّه

ولا جبت بيدك نصر

جبرة حزن لام الشهيد

انتظر بعيد ؟

انتظر بعيد ؟

" وخفنه "

خفنه يتوكح نجم بسمالك لو مات العيد

" وخفنه "

خفنه لنك تتسي

وتعتك

يهل بعدك جديد

وهذا وكت البيه :
منشار الورق كص الحديد
وهذا وكت البيه :
مر الصيف
متكبع جليد

ودنيئك
سالوفه خرسه
ومنبر اسود
واذان طرشه
وكاع مشتوله منايا
وغصن ميت
سمه هرشه

دنيتك ...

قطع الجزيره ابعود يابس

واليموت :

اتريده بيده ايشيل نعشه

ودنيتك مغزل ..

طوه الطيبين

طويات الحيايا

اعله الزنود

الماتت ابيده تخيلها الظلام بليله وحشه

والوكت مثل الوشيعه امخلبصه

وضايح توالي الخيط

وجفوف اتعمت من غير عرفه

... اترید جف الناظر اودان الضمير

وصلی للمیتین غبشه

... اترید جف ابيض

مثل جف الشمس

مثلك

مثل لیلو البحر

محد يغشه

اتريد

.....

واحنه انريدك اتشك الجفن

ياالجفناك السانهم وانتة عدل

اغسل ظلام الليل من وجه الشمس

دمنه اللقط بالكاع لا

لا

لا ما ينغسل

لاجن :

لاجن ننشدك ؟

لو ضحك خبير سنة سبعين

شنطلع عنر ؟

حيدر عجز ؟

لو ما اجه وياه النصر ؟

ونرد ننشدك :

لو ضحك جنكيز خان

الطلع بالسودان

تحت ادين ابدم شفيع الشيخ

شنطلع عنر ..؟

يكفي ابعدر عذرين نخصمها

ونرد نكتب شعر

وندرى بالماتو بنهر الموت

سوولك جسر

لاجن كبلها اشجم جسر ؟

جم سجه من اضلوع

بس ما مش قطار اليسحك الخوف

ويجي بساعة صفر

ما مش قطار ليخط دخانه على وراق السمه

احجاية نصر

والحجي النكل مكاتيب العتب

كله انجالك

الحجي النكل مكاتيب العتب

كله انجالك

غرك الديره الحزن

من باكو الشرجي امن ادين الريح

وتيتم شمالك

والوكت عينه زغيره

و..... تزغر ابعين الوكت ؟

ياكلبل مية عين

ما شالن خيلك !!

وانته صافي ...

انته صافي ..

وروجه عميه

اتمغطت من نومها

وخبطت زلالك

انتّه صافي

وجفئك الابيض

لوه اجفوف الحديد

لجن وكتك بيه :

منشار الورق كص الحديد !!

هذا وكت البيه : !!.....!!

منشار الورق ؟!!

كص ؟!!

الحديد !!

نذر ملكه

ايلول / ١٩٦٩

نذر لعلك اسنيني ابجيتك اشموع

واشتل

كل سمه الهجران

نجمات

اغيم بالوفه وامطرلك اسبوع

ويصير الوفه

ابملكاك

روجات

وانته بالكلب ريحان مزروع

تتحسر عليك

اشكتر نسمات

نسمات

يا لطيفك رسم وبجفني مطبوع
لإليه يتوسد
جفني ... ويبات

لو جابك وفاك أبهاي اليم
وتشوف اشكر ناذرك
انذور

اشم طيفك بخور ابحضرة ايمام
واترس دنيتي من زلفك
اعطور

مل صبره الكلب ما بعد ينلام
وبحبال الصبر سنتين
مشرور

ولو تدري عليك اشكتر محتام
جا سابكت جدمك ويه
الطيور

اخافن بدلوا ريشك ينعام
تره اسهام الشماته اتصيد
الصكور

وخافن لا يشمونك يشمام
ولو بالليل كلبي اعليك
ناطور

ترانه اعلكك اسنيني ابليك اشموع
ولو ليك تكفه ابضوه
الوجنات

اغيم بالوفه وامطرلك اسبوع
ويصير الوفه ابملكاك روجات

ترف ن يطفح هواك ابكلبي ويفيض
وفوجن بحر همي
ويبعد الكيش

واردن اعطش العينك عطشة الكيظ
وترف جناحان كلبي
وما يصح ريش

واسلي الروح نوبه ابعشرة البيض
ولنها ابلا سمارك
روحي متعيش

ما فاد ابجرح فركاك تمرىض

ولا ضاع الوفه

ابسحر الداویش

عرس دجله

الى القادم من بلاد الاموات

اجه طيفك ...

غريب امتيه ادروبه

اجه ، ولا عين التلفيه

ولا فرشت جفنها الجيته محبوبه

اجه طيفك يدك البوب ...

يا جفن اليدكه

امققله بوبه

اجه يعاتب نشيد اهله

ولكه الدله ابمضيف الحسره مصلوبه

شاف الناس

تشرّب بالجماجم ماي

صاح :

اشمال هاي الناس ؟!

وشماله شهر عاشور !!

مامش طوس بحبوبة !!

ظل عطشان

يترجه يكت الغيم

عاين فوك

لن الغيم يلحس ماي حالوبه !!

وصفك راحه اعلاه راحه

وصاح : يا سيزيف يا سيزيف

ريتك ما كشفت اسرار

تدري الالهه اعلاه الناس مجلوبه

واستغرب ...

نشد روحه ..

ولج ياروح ؟....

شو حس الفشك مبجوح ؟

شو حكنه مسيح وبه اللوح ؟

شو غركت سفينة نوح ؟

شو جف البحر

ما حنته دوبه

ولا مذنب لزم شجاج عكله

وكفر اذنوبه

ولاللطيف حين انباك من عين

الزلم حوبه

ولا دهرالغدر نوبات

وبه الحك نصح نوبه

اجه طيفك يدك البوب
يا جفن اليدكه امقفله بوبه
وصرخ :
لا يا منزلة سنبباد العرب
لو يدري العرب تغرك
ولا راد الملاحه

يا هزيمة جبل طارق
لو بجه اعله احفاد طارق
لو صفك
راحه
اعله
راحه

يا لغز ؟

يومه تلاوت وي نسر

كسرت اجناحه

يا سنين اتعاكبن

والثار ظل نايم ولا عجزن اصفاحه

يا حسرة الصوت

يتحسر كضه وما شاف ساحه

يا زلمنه

ياالجفايكم حمر

لون الجرح

لون القضيه

ياالغسل شريانكم كل المساحه

يا زلمنه ...

الليل طول

يمته ليل الثار يكرمنه ابصباحه

ياالحجيكم بالبنادق
والبنادق هلوكت تحجي بفصاحه
ليمته الجيلات :
" تحجيه ابصراحه"
وليتمه ...

التايه ابليل ايوجد ادروبه

اجه طيفك
يدك البوب
يا جفن اليدكه امقفله بوبه

وعلى جرف الدموع هناك
فز جرحك
عراقي ابشيمتك اموزر
صحتوياك اخذني وياك
اخذني بيمنتك خنجر

اشم ريحة الموت ابساعدك لسمر
اخذني وياك غيمة دم
اريد امطر رصاص احمر

اخذني وياك
سل ابرية امريكا
اسويلك وجهها اصفر

اخذني العركة الطوفان
اصير بمحنتك معبر

اثور ابكل شبر بيه دم شعب خضر
اثور ابكل جفن فوكه الدمع يسهر
اثور ابكل جرح فوكه الوجع يسهر

.... وصيرن زيت

وصير اكثر

اخذني اكثر

اخذني اكثر

تره :تتذلل عبس لوما يهد عنتر

تربيلك اعيون النار

رمده ...

وهاي صار اسنين

ما ضاكت كحل ثوار

اخذني وياك

اطير بجنح ينزف نار

واغسل كل خزي احزيران

اصيرن عاصفه ابعمان

اصيرن ملحمة ابلبنان

اصيرن ثوره بالسودان

و شد للكاع عمري احزام

اروح الكل درب عريس

اطرزلك وجنته الغام

وافر شلك طريق الثار :

دم

وعظام ...

واصعد عالجروح ابليل

واصرخ حيل :

يالناطور

يالمصيوب

عيب اعليك تغمض عين الك وتنام

خاف انسيت ؟

خاف انسييت ..

صد المغزل الايام

للطكه الجديده احوك

من جلد اليتامه اخيام

اخذ طككات

اخذ غارات

واحنه نغير : بوراق

وحبر

وقلام

ونمني الجفن بحلام

نكلب دفتر التاريخ

نتفاخر .. بميه ... وبعصر الاسلام

لهينه الجرح بوعود
واحضان المدارس ربتلنه ايتام
ربينه ... ابجرحنه اجرّوح ربينه
تلاوينه اويه جف الخوف
لن ... الخوف لاوينه

حملنه الماتحمله الروح
واسكتته ..
وعلى صدر الامم تلطم شكاوينه
غبار النكسه عامينه
دنك راسه ماضيئه
كفر تاريخنه ابدينه

دكوموننده الغافين ونكلهم
فجر ثوره ابسمانه انطر
نكت همة الظلام
وراح يتعثّر

وفلسطين ..

وشعرها الكصته .. وهدومها السوده

اعله درب العوده تنتظر

بالله امشونه غيمه صوت

نمطر بالبحر

بالبر

نثور اكل شبر بيه دم شعب خضر

نثور بكل جفن فوكه الدمع يسهر

وانه وياكم اصيرن زيت

خاف اتزنجر الموزر

نتحاسب ابكاع الموت

والديان يلكه اهنالك مطلوبه

ويجي طيفك يدك البوب

يا جفن اليدكه امفتحه بوبه

اناشيد وطنية

ايار / ١٩٧٢

١ للحب و عيون العمال المضئئة

يومكم حلم الجهال
ايوصل الباجر محبه ابسجة الشوك السريع
ومايكم مفروشه اديه الكل سفينه اشراعها ابيض
والشراع
الطب بحركم ما يضيع

الكم ابغداد دنيا
والكم ابكل عين دنيا
والكم ابكل دنيا دنيا
وباب دنيتكم وسيع

وبيكم أيعيد خضاري

ويزهر أبعيني الربيع

رافكتكم ..

صاحبكم ..

كسر فيّ قلبي عليكم

وانتم الدين التبعته

اشما حكم منذور اطيع

الكم اجر وحي القديمه

وبيكم الباجر لريده

وانتم الغيمه الجبيره

اطيح كل كطره قصيده

وانتم اول صوت يصرخ :

لو يشح بينه الورق

نكتب على خدود الشمس نيج الجريده

ولو تكف كل التماسيح ابدرينه
وتتكت الروجات بينه
انزید همه
ونوصل الشاطي النريده

ونكتب ابطين الشواطى اعله الجرف
ذيج القصيده

ويا قصيده؟

ويا قصيده؟

القصيدة اتكبت بحروف جنه
الكلمن ايمل اعله كلبه بكل وكت
دم العقيدة

الكلمن اىحب المحبه
وللظفر بير الظلام
ومد لخوته الطاحو ايدہ

تتكتب كل القصايد
تتكتب كل القصايد
للطلع ضلعه
وطواه اهلل
للطول عليه اهلل عيده

وانتم اهلل النريده
وعدكم اهلل النريده
ومنكم اهلل النريده
وبيكم اهلل النريده

٢ الى عامل نقابي يدعى الشفيع احمد الشيخ

صوت؟

صوت دك باب المصانع

طاير اسود ...

خطف جناحه اعلاه المصانع

خير مر ابكل بريد ابكل اذاعه

ابكل سفاره

وعبر لحروف المطابع

حزن يركض بالشوارع

يشتل ادموع الجنازه ابكل حديقته

ابكل رساله انهزمت ابسد الظلام

ابلا طوابع

مات؟

كالو مات صوتّه

وضاع دمه ...

وما هو ضايّع... ما هو ضايّع... ما هو ضايّع

يعرف التاريخ عنوان

الجفوف الصوبنه

وعنده طبعاّ الاصابع

صفكوا..

كالو ربحنه

لا

ولا هاي الخسارة

وما يتيه العنده سجه وعنده نيه وعنده ضنه

وعنده راي

الغابه ما تكضيها سله

وشجرة التجسر ثمرها اتاني موسم ثاني جاي

ولو غفت سدت حلمهم

كلها :

جدم السيل جاي

الخناجر ما ترد صدر اليهد وسلاحه جرحه

البير كلما غمكّن جرحه المساحي ايزيد

البير كلما غمكّن جرحه المساحي...

ايزيد...

ماي ...

عاشك غريب

تشرين الثاني / ١٩٧٠

لا تضيعين العرف

مو غريب المامشه ابكل روجه كلبه

وكضه عمره ابقد جرف

..... جرف صافي

..... جرف دافي

دارت اعليه السنين وهوّه باقي

دارت اعليه السنين وأنه باقي

تجري بعروكي السواجي

وجفي بيه ريحة عراقي

وتغيش اعيوني

اويه المسافر محنه

تجيب صم تراب بيه ريحة عراقي

وجفي يومي الكل بعيد

الجاي بحجايه العراقي

وانه ذاك انه العراقي

.....

روحي زنت ماي دجله امن الشمال

وطاحت ابشط العرب

وكلبي حلما ابعرس

..... ويه النفس

دكاته تتمايل طرب

لا تضيعين العرف

اهو اي شفتج بالسواجي

المنها بستاني

وحناني

وجفي من ايدج شرب

ولهسه نيشان الجهل بعيوني باقي

ولهسه نيشان التعب بالسجه باقي

وانه ذاك انه العراقي

.....

لا تضيعين العرف

انه جنسيتي سماري

وموش تايه

اقرى بعيوني انكتب عنوان داري

النفس بريتي النخل

ويروح لهنالك النفس

بيه مني طاري

وآنه ذاك انه العراقي

المامشه اinkel روجه كلبه

وكضته عمره بفد جرف

لا تضيعين العرف

احديثه

و.... كبا النهر الخالد

اذار / ١٩٦٩

احديثه

تتمناها نجمه .. الليل كله اتعابن الها

..... تزهي

والفرحه ضويه

املاليه ابوجنة حجلها

احديثه

تتمناها خيط اتشدها فوك الروح

بثلاثين عكه

ولو تحز ركبة وريدك

ما تحلها

جن حمامة سيد
ايلود البخت كله ابجنحها
وجن صبغ عاشور حب اعيونها ...
ولاذ ابكلها

أحدثه

جن فرحة حصاد
ادغدغ اعيون السنابل
والزرع
والدنيا الها

وجانت الها

وجان هودجها شراشييه النجوم
وغافيه ابفي الطفوله
ومسعده
وملتم شملها

وجانت الها الدنيا مرجوحه
وسجاجين الوكت ؟ كطعن حبلها !!
.....؟ وجانت الكذله حرير

وهب هوه
ونعثر نسلها ...

والفرحه المادامت الها
الفرحه المادامت الها
انجفت دجله !!.... وتبده الماي !!
وندارت بهلها ؟!

وشييت
شييت مثل الربيع المر عليها
وضاعت ادرب الدمع ضحكة جهلها !!

ونذجه المحسوده
كامت تحسد اليمشون لكبور النجف
جي ما مش اكبور
التكت بيها اهلها

ضاع ثوب العيد منها
و..... فصلت عاشور ثوب
وماي خدها الصافي بالحركه انخبط

حذب ابسكته المضيف
وطاح سكفه اعلى الدلال
ومركب العبره فحط

ظلت الحرثه يتيمه

انعمه اكلوب الطريق

ودار راسه النيل

وبشوغه انسمط

..... وما لكه " اسم الله " التعينه

ولاذ بجروحه وسبط

ماتت الهوسه اعله شفة الكايلات

" احنه لنخبطها ونشرب صافيها "

وخضرت هوسه جديده

هوسة الدنيا الجديده

" احنه اصفياها ونشرب خابطها ...؟ "

وهاي دنيّتنا الجديده
هيجي دنيّتنا الجديده
.... السمح يجتف الفاله
اجتاف بايك
والشريعه اتصير بيده

والكمر يقطع اخيوطه بليله ظلمه
والنجوم البيه ملظومه اتطشر
حكها لو تطفه القصيده
حكها لو تبجي القصيده

الزلم سبحه الجفوف السود عمدن طشرنها
" وخرزه " عن " خرزه " بعيده

ظلت الدله وحيدہ
مثل الحديثه وحيدہ
ابلا مضيف
ولا عزيز اتزوك الفنجان شفته
وحط ادين الناس بيده

جلمتين :

جلمه وبه العاف جاريه وطبك وبه النزيره
اتخيس : والجاري نظيف
ولا تظن اينام البجرحه كزيره
وجلمه وبه الباع روحه
واشترى الدنيا الجديده
" يونس " الماله " علي "
محد ايفيده
محد ايفيده

بكت ريشات من اجناحي بالكاع
 طرت وبكليبي نجلاتك يصايود
 هواكم فص تلج
 يوم العرس ماع
 وشتال الشوك صار الغير حاصود
 وفاكم زيبك
 وباكاه الهوه ابساع
 وجذابي نهركم
 ما ترس جود
 يشط الما وفه
 وما عبر اشراع
 ولا روجه جفن وتتدي لخدود؟!

ما لك باب كلبك طاري الحباب
ولا تذكر زمان ادموعنه الفات
محببتك ...

نجمه غابت
والعمر غاب
وضباب اجفاك
جفن شوكنه المات

يسعفه الماتهزك ريح العتاب
شلت اذنوب طيف
ابلا جفن بات

ضوكني العطش يا الضآنك ماي
واشئل باجي عمري
بديرة ارمال

طشّر بلسوالف وانسه طرواي
واضحك من تمر
دمعائي عالبال

خل طيف الحسافه يبات وياي
هيّال وبنيت
اعليك الآمال

يتمرّج جفاك اوزود اهواي
ورضيت بتوت كلبي
ايصيرن احبال

جراني الوفه وطوك العمر ضاع
وشطوط العذاب
ابكل سنه اتزود

وهواكم فص تلج يوم العرس
وجذابي نهركم
ما ترس جود

تحويل الكتاب الى نسخه الكترونية
سامر صباح الربيعي

ارسوم الشته

اذار / ١٩٧٢

كون يمك

كون يمك

يا بخت جنحه الينب الريح يمك

كون اشوفك

كون وي فجر السوالف تغبش اعيوني عليك

انشيل خطوة شوفها وتنكلها يمك

ودي اشوفك

ودي اطيرن محترك

واطفه عتب حار اعله دمك

بلجن اباجي الطفو

غيرة دفو

وتذوب ارسوم الشته الصك اعله دمك

ودي لاجن

ودي اغفل ليلهم

وابحر

واذب كلبي ابشريعه

ولو الكاك

ايصير سجينه ويشكك اسرار ه يمك

ودي ابوكن جدمي ... وابعد

ودي افك باب السنين السوده ... واشرد

ودي لاجن

شدو ابرجلي جرس يشهد عليه

وبس اشيلن خطوتي

الحراس تكعد

بش اشيلن خطوتي ايردها الكراز

اعيونهم صارت كراز

ابكل جفن يندله حلمك

ظفروا رموشي حبل

وتتطرو جية ظلام

وصلبو اعله اعيني حلمك

وانته ؟

انته يالمجروح..

خاف احجي والجمك..

لو تطاوعني الجروح اتصير غيمه
وحته اراويك
اشكتر ينزل مطر بالكاع دمك
فاهيه الدنيا
طففت لذت طعمها
ولبست انكاب اعله نجمك

..... جنت وياي ابقصيده
وصورتك جانت بديه
امن احترك جفي
وخذنتني النار
وافتر بالسمة
دخان رسمك

ركضت اكلبي الشراره
وسابت جفي اويه ممشه النار
شفت ايدي هتافات
ومشاعل
تمشي باسمك

وما اطفى النار
حلوه النار
خله النار تحركني
لون ابريحه الدخان اشمك
وخل شواطيبك تدج عيني رمل
ابكه سفينة ليل
يهدبها الشواطي الشوك
نجمك

لاجن :

احجاية عتب

يالبلجن ايزوب الشته الصك اعله دمك

وينه جفك ؟

فرع ابكلبي عناكيد الحزن

وعمري عاكول الجزيره

وروحى كبل اول سفينه ... وموش عميه

اشلون ترضه اتكودها باجي السفن ؟

وروحى كبل اول سفينه.....

باجر عيد

شباط / ١٩٦٧

باجر عيد ...

باجر عيد ...

باجر تعرض اعيونك

..... يغايب

والحزن بيه يشك اشطوط

ميهن ويه دمعي ايزيد

باجر

من يعن الشوك

ويحن الكلب

ويريد

وين الكاك

يالذنبك زمانى بعيد

باجر ...

كل ولف يشتم عطر ولفه

وتصك حنته اعله الايد

وانه وحيد

دمعات العذاب امطر كه ابجفني

وتصب اشما يعمرن غيد

انشف بيد

واكتب بيد

ويحن الكلب ..

ويريد

باجر عيد

والوحشه ترس دنياي

وبغصن المحبه يعصف جويريد

باجر عيد
باجر الحزن يلكاني وتلكاه
يلبستي
ولبسه اجديد

يا محله الحزن بالعيد
يا ذلة فرحه بالعيد
وانته ابعيد

باجر والدموع اطوف بالحسرات
والشوك ...
اعله دربك
يطوي بيه البيد

واحاجي ادروب ما تحجي

وكول

اشكد وكيحه الروح

خامه وما رضت بدموع شوكي اتبيد

ولا هيه اتهيد

باجر

بس خيالك ينزل ابعيني

وتمر بيه الف حسبه

الف سالوفه

ليام انكضن ضحكات ومواعيد

واحس اوحيد

انشف بيد

واكتب بيد

وشطوط الحزن وي دمع عيني اتزيد

لوحة اعلانات

١ سينما الحريه

.... ذيب

اوشبجه

اوصياد

ياهو الينغدر ويطيح ؟

ياهو البشبح ينصاد ؟

راح انشوف

اخر قلم بيه انشوف

..... ركبہ

ومشنقه

وجلاد !!

كلشي انتشوف

جوع ، ادموع ،

سيارات تدعّم طفل يضحك ليلة الميلاد

كلشي انتشوف

حفلة موت ، وجروح ، ونشيد

وسيف عالمسرح ذبح كل فرقة الانشاد

كلشي انتشوف

كلشي انتشوف

جناك عايش ابغداد

٢ احذية الحضاره

تنزيلات ... تنزيلات ...

اكبر تصفيه تتباع

وجه الشمس من ايغيب

تنزيلات...

موديلات من احسن جلود امريكا

ما يعبر عليها الدم

تفيد اليشتغل بالليل فني

ابمعمل التعذيب

تنزيلات ...

موديلات تصلح للسياسي

الينهزم كل يوم

تنظم بالركض بالجيب

تنزيلات ...

شوفوها رخيصه اهواي

شوفوها رخيصه ابرخص:

دم انسان

مات وفوك تابوته يغني الذيب

تنزيلات ... تنزيلات ... تنز .. ي .. لا .. ت ...

٣ المقابر الجماعية

ميت .. بس ما دلي ابكبري

ميت .. ما دليك ابكبري

كلب كل اصخور الموتى

وما نقره اسمي

وتتدل كبير

بس احجيك جلمه ..

ومن اتفكر ..

تتدل جرحي

وملحي

وعذري

لو مي دجله ايمل بيك املر

كول الماي ايمل ابكبري

وما دليآك

وما دليآك

وما دليآكم

آنه بقسم الدفن السري

٤ شمام

شمام

ظلمه امحبتي

وتبلي من خدك ضوه

مقفوله نيات العشك

وانته شبابيچ وهو

مسدوده ببيان العشك

وانته مفاتيح وضوه

مهجوره ببيان العشك

طفيني ما بيه احترك

كل الجروح اتلايمت بس جرحي ظل ابلا دوه

اكلوبنه امن اول عشك

شبن سوه

ورداتته ابماي العشك

توم وربن

شبن سوه

هسه ...؟

تخليني أنه وجدم الحزن

نشي سوه

شمام

خايف تتشم

طشونه يحبيب نجم

وانته السمه البيهه نلتم

عافتني عيني ابفركتك

ملتهيه بس تتحلم

ابجيتك تتحلم

جا ؟ لشوكت تتحلم ؟

وليا وكت ما ينسمع حسنه وسوالفنه همس ؟

شديتك ابصيفي برد

علكتك ابليلي شمس

وبغفله ياخذني الحلم

وتخايلك تمشي هوه ودربك على الريه نفس

واكعد وانه بطرك النوفه

وصوت الدموع اعله الورق

دكتته عاليبيان امس

ياهو اليك بيان امس ؟

جَنہ نَحْم

بنت المطر والشعب

١

شفتج بليله كمر

نزل ضواه ونام يم الساجيه

صادفتج

وانه اكودن مهر ابوي

الشايل اجبال العراق

وهوره

وايامه

وسماه الصافيه

شفتج انتي

ابعينج انتي

شفتج امي العبرت الجسر العتيك

ابلهبة الحر حافيه

تشتيهن العطش

من تعرك مسامات الدرب

تروي الحدايق

تزهـر اورود الليالي الدافيه

جـنـج ابنيّة مطـر

ينتـظـر ج بيت الجزيره

جـنـج ابنيّة شـعب

تنتـظـر ج ناس المسيره

انتي

يا بنت المطر والشعب

يا ام الشواطي الماشيه

اتغطي الجزيره

اتذکر ج

کلش عزیزه

اتذکر ج ... کلش عظیمه

ابیوم شکیتی العبايه

وبیها خطیّتی المسیره

اتذکر ج ... یوم المشینه

وکلّتی : ... ها خوتی استراحو

عندی وصله امن الصریفه

اکتبهه الکم لافته

لو احطنهه حصیره

اتذکر ج ...

یم لیل احبه

انتی لیلّه علیج اتسیّر النجمات

کل نجمه تجیب امن السنه

وصله زغیره

وانتي جمعتي السماوات الزغار

امن النجم

والناس

لمن كبرن وصارن سمه ودنيه جبيره

٢

كطره...كطره

اتطيح جلماتج بدينه

قفل ينشد عالكلب

وكطره...كطره

الدم يخطني

وانرسم جاكوج واندك بالدرب

وساعه ... ساعه

الدنيا تمشي

وسيفها ابعين الحرب

آنه وانتى اثنين

من نحسب نفسنه انتيه

جنا الناس كلهه

آنه وانتى اهواي ...

واقوى امن الشماته

... امن الخيانه

ولو يجينه العدو نار اجفوفنه المليون

تتلكاه ماي

المظاهرة

المشهد : مسيرة اطفال متجهة الى كردستان

يجبال كردستان يا محبوبه

لمن رجفتي امن البرد

غطاج ابونه ابثوبه

يجبال تلجج من برد

لفاه دمنه

ودفه كل اذنوبه

وكل ليله دمنه الدافي

يوكع عالتلج

ويدفي كل اذنوبه

يجبال كردستان يا محبوبه

تدريين ذبينه الحزن هاي السنه

وردنه اويه هذا العيد ... نفرح نوبه

يجبال حوبتته ابركة العصب اعيونج
واخذ جنطة ابونه
وما عثر بالحوبه

يجبال :

دمعته مزايق نار
تدوي ابغيرته
وتخنك ضواه ... وتعمي كل ادروبه

يالباك ابونه

وضم هدايانا الخضر بجيوبه
آه يا ابونه

ويا هدايانا الخضر
آه يا خريف اشذبلت

هاكد ضمائر ماتت

وطاحت صفر

..... آه

بس احنه نكبر

نكبر

" ورايات " نلکاها عجوز

امعلکه ابتالي العمر

مثل النهایه ...

ونكرة السلماان

مثل

اشكد تعب جنکيز

لاکن ... ما لکه الجثه کبر

سافرت ...

وبجنطتي اكتاب وقصيده

بيدي شلت اكصيية اختي

وفوطه امي

الطاحت امن الراس

مشاني السفر لبعيد

عبرني المسافات

وصحت يبعيد !!

يا نهر التعب لعيوني عبر انعاس

نومني ... اريد ارتاح

بعيوني بجي ابكد الحجي

المضموم عند الناس

وابكلي حجي
ابكد البجي
الراكد ابعين الناس

وامشي
امشي
امشي ودورت عنك
ودينه ... وباده ... وكل شي
وصعد دخان كلبي الغيمة الوهواس

وامشي
وخلص باكييت الجكاير بالدرب
كمت اشرب ابروحي
يكبرك وين !!
لا يذبل بديه الياس

كبرك وين ...؟

احس خنجر غفه ابدمي

اخاف الظلمه تذبطني

واجي امن المكبره بلا راس

كبرك وين ...؟

كبرك وي.....ن ...؟

" ولكيته "

يكبرك هاذ ...!

بس انتة لوحدك بيه ...

ابد ... لمن شفت كبرك كلت ..

مدفونه كل الناس

وشبكته

وبجيت ادموع كل الناس

حببته وطبعت اشفاف كل الناس

بس الشمعه كالتلي :

البجيت اعليه

شك كبره

وطلع يتظاهر ويه الناس

وصفن كلبي

صفن كلبي

صفن صفنة الميت بيد تابوته

صفن صفنة غريب اباب اليحبه

صفن ...

يدري العواصف تكتل الغابات

يدري الريح عدنه امسودنه ..

وعميه

اليصير ابابها اتتهبه

صفن...

يدري الفرّح مدفون بالسرداب

يا جف اليديك الباب ؟

من يكدر يدك الباب ؟

كله امكهربه العتبه

وصلينه صلاة الخوف

بتراب الكبر الاحمر

تيمنا

وفرينه صورة الوثبه

وربت ارجع

فكدت الشوف

وين اعيني ؟ وين اعيني ؟؟ وين

اتلمست

ولكيتها ابزيح البجي امجلبه

وطفت طوفت وداع اعله الكبر

شديت الكصبيه

غسلت الفوطه بدموعي

شفت بيها بكايا امي

فرد شيبه

غسلت الفوطه بدموعي

وربت هودج يمر بيه

وشرنها ابشر اشيبه

ردتلك هودج يمر بيه

واعلكها ابشر اشيبه

تكملة القصيدة الناقصة

الشمس مدت مخالباها

اعله خذه الباك

لون الطين

مد بين العطش والمائي جسر ادموع

مد بين الزرع والمائي

جفه اجسور

واتبسمر على التابوت

من شاف الفلح ميتين

بينه وبين الولايات

بس الطيف

بينه وبين كت الغيم

حوة صيف

بينه وبين صاحبتّه
درب مسدود بابّه
ابسيف

مشي البدوي ابجزيره
احتركن ايامه
اعله دوس الشوك
وج بينهن تعب عمره
وصعد دخانهن صحبة شرار وشوك

بعيونه بواجي اختّه
الحنينه
الحافيه
الدج ابرجلها الشوك

دورنا دفاترنا :

الشمس نيرانها اكلبه

الشمس دخانها اكلبه

الشمس تابوتها اكلبه

الشمس

مات الضوء اخذها

وصفت طاسه عتيكه

امعلكه اخشبه

ودفناها

ونسيتا ما

ولجن محد عرف لسه

خطيه الضوء ابيا ركه

.....

.....

شربنه ادموعنه ... ونمنه

اجانه ابمهرته امحه السرج والسيف والركبه

نريد وياك

صد عنه صفن ساعه

وحجه احبايات وي كلبه

ولا ندري الحجي اشسواله وي كلبه

تعريف :

كبل ما تنطفي النجمات

وتشيب الشمس حمره

كبل ما تعرك الوجنات

وتصير الشمس جمره

كبل ما يحلم المسجون

بطيوف الصبح

للصبح والكمه

لكيته ايعامل الدفان

شايلى بيدة تابوته

ويدور عالينزل جتته من ظميره

عبرنه الليل

على اجنح الفخاتي
الطايعه امن اشجار محترکه
قرينه اخبار حلوتته
وشربنه
ادموعه الزرکه

اخذنه الليل ويانه
كعدنه اعلاه الجرف
نكتب عمرنه ابدفتر الفرکه
بجینه اهواي ... وضحکنه
و

لکینه اخبار عامل طاح
بس ما مات کلبه

وما كدر كل الرصاص

الحار

يزرف بدلتة الزرقة

وعلى اجنح الفخاتي

الطايرة. أعله اكواخ

محروكة،

لكينه اهدوم حلوتته

جرايب محروكة

عبرنه الليل والشرج

لكينه الماي يابس

والنخل نى اعروكة

..... بجينه اهواي

ابو البستان دلانه
على البواك والبوكه

.....

وعلى ادموع الجفافي
الطايعه امن اعيون حلوتته

لكينه اكلوب مكسورة
مثل كصبات قرينته

عبرنه الليل والشرجي

شكينه صدر مشحوفنه

الذابل

لكينه الريه خلصانه

بجينه اهواي وضحكته

لكينه الشاطي لمحنه

بجرح فلاح

غاسل بالرمل والمائي وجدانه

وعلى وجه التراب
الجاي من اخدود بدويه
مشينه اعله الجزيره
اجيوش
لاكتنه عواصف مهره رمليه

خذتته الوين ما ندري
خذتته ابعيد وبجينه
بجينه اهواي وضحكنه
عرفنه المهره عرفته
وعرفناها عراقيه

جَنه نَحلم

جَنه نَحلم ...

جَنه واحنه اصغار

كل عصريه نلتم

ننيس، اجناح الكواغد

نركض اويه الغيم حافين

وعلينه الليل ياتم

جَنه نَحلم ...

نرسم ابدشداشته ورده

وتكبر ويه الليل

ونمره الصبح

نلكاهه بالفراشه تحلم

جَنه من ننجرح نضحك

آه لو ندرې اشكتر غالي ابكبرنا ايصير الدم

جنه نعلم
نبنی بیت ابماي
يزعل كل كلبنه اعله الجرف
لو نلكه بیت الماي بالماي ايتهدم

جنه نلعب بالرصاص
ونشرب البارود
ما ندري اعله اهلنه بوحشة الميتين
يلتم

جنه شبعانين
ما ندري الخبز ياهو اليجبيه
صافي مثل الماي املنه
وبطوك لعب الشوارع
لا جكاير
لا سياسه لا حبيبه

وبطرك حلم الشوارع

وبطرك لعب الحدايق

يوم صاحبه الفخاتي

وصارت الشجره حبيبه

شيلي بالشارع تغني

يمه حلمانه امس

شيلي عروس امجفنه ابثوب العرس

واتحلمت

الشارع طافي

وقصر ابجف دم حنّوا بابه

شارع طافي

وطفلين التمو عالورده

وداست فوكاهم دبابه

واتحلمت

الشجره احتركت

بس ارماذ البيها امتد

وخضّر غابه

يمه منلج

شيلي منلج

طبت ابتابوتها المظلم تغني

شيلي حلوه

ومن ربعنه

وعدهه ابن يكتب شعر شعبي

ويغلي

شيلي منلج

ما تخاف الموت

تتحدى الحرس ... والشرطه

وبمنع التجول

نمشي بالشارع تغني

شيلي كلشي اتصير

بالليل اتمدد ماي

يزحف للجزيره

اتزور كل مسجون

وتبوسه

وتحط بيده جريده

شيلي بالليل اتمدد صوت

يزحف للجزيره

تتطي نيرودا قلم

وتبوسه من شفته وند

اتكله باجر من اجل

اكتبلي من كبريت اسعده

اكتبها

يقراها الشعب من تنتصر كل الشعوب

وتتبنى الدنيه الجديده

شيلي صاغت دمها قيثاره

شيلي صاغت دمها قيثاره

و اجت ... تنده يجارا

اكعد يجارا

اكعد يجارا

سمّ العمال غنتوته الجديده

سمّ الثوار

صوت الليل طلقه

وانسج امن الغيم شمسيه جديده

اكعد يجارا

اكعد يجارا ...

يمه شيلي مثلج

شيلي مثلج

بالشته ايدمهه دفت

شيلي مثلج

والفرق :

انتي غنيّتي الشعيّنه ابلعب الشعب

وركصّتي

وهيه بالملعب بجّت

اشوفج مزهريه

كالت اكتب :

شكتب ؟ .. يا شعر يرهم على اعيونج

شكتب حيرتتي ابكيري

واحس الدنيه غيمه ليل

لو ما تكشف ابلونج

ماي اضنوني غركني

ركس كلبي

وانه الحزنان

اشوف ايتام كل الكاع تضحك

من تصديلي وتضحك اعيونج

انه العبان
احس ثلج التعب
كله اينوب اويه النده
ابشمسية اعيونج
وانه وكلبي اليناфسنى عليج
انعيش بالسكتة

ويمر بيه الدفو بردان
ياخذني التعب للنوم
وبكل ليله اشوفج مزهريه
تورد ابنومي
وتغطيني ابعطر نيسان
كل مصباح اسمعنج غنه الفيروز
ومعائب بلابل

والمح از موشج
عصافير اعله كلبي اتحط جناحه
اويه الهوه التعبان
الحكلي الحكلي
المطر زاد اعله كلبي
وكابي وصلة طين

مر بيه الخريف وغمز لسنيني
وخذ العشرين
الحكلي
يلنج كلشي لاياامي
مطر وانجوم وبساتين
حط بيه العشك رمحين كلج
وانتي ثالث شوك
وآخر قصه تنكتبين
وآخر قصه تنفهمين

ربيع اذار

غني

ديرتته ابربيع اذار

مر بيه الحام

غني غني

غني كل فرحه زمانك

للفرح للناس للحب

للنخيل

الدوم فاتح كلبه لطيور السلام

غني للنسمات للكاع الحبيبه

واظفر اخيوط الشمس

اظفر اخيوط الشمس لجبالنه الحلوه

كصيبه

واضحك

اغروب الشمس وجنة حبيبه

اليوم دنيتنه جديده

امزوكه ابفرحه واغاني

اليوم دنيتنه عروس

اجفوفها اشموع وصواني

كحل ايام العراق الجاي

بعيون الاغاني

وافرح ابكل فرح

وامرح ابكل مرح

وغني للحب والسلام

غني كل فرحه زمانك

للنخيل الدوم فاتح كلبه

لططور السلام

شبابيچ الدموع

سواليفي

سواليفي

تظل تتبع ... ووشلها ... وترد تتبع

سواليفي

اضمها وينكسر صندوقها

وتطلع سواليفي

اتاني الليل

وتمدد على ابساطه

اغنيله ابحزن وابجي على كيفي

واظل ابجي

احطن رسمك ابكاروك

الويله بعتابة طورنه الريف

اغنيله

وطيرن وانزل بمرجاحة اضنوني

وترد بيه السنين الباب

خطبته

تذكرني

ارسمت كتابك على جفي الزغير

ابريشه ورديه

وضحكته وكبرن اعيوني

ومشت بيه السنين اهواي

هزته

وبجيت وزغر اعيوني

واضل ابجي

لفتح كل شبابيج الدموع

امغيمة الليله

اكنهن بالسمة ويمطرن اعيوني

اظل امطر

اظل ابجي

ولون تكضي الدموع ابجلك اعيوني

وطيرن ونزل

بمرجاة اضنوني

تذك بابي ضنون بلا عكل

واكتب رساله

وبيها صورته ... نبوس ايد الحزن

بيها

حجي امن اهلك وصحبائك

احطنه ابصرف وامشي

وارد فشلانه :

ديرة البريد اتريد عنوانك

صدق؟؟ ما عندي عنوانك

ييو كلب الجبير

الما عبز بالخوف صوب وصوب

وانثر ابهوية سوط وجدانك

ارد ابجي

وطيرن ونزل

واعتب

يوسف من خذاك النيب

محد جاب قمصائك

ملاحظات للاعداد

كباك

ظن الليل ابهويه ايطفي التور

وكباك

كال العود ابدفعه ايطيحالسور

وكباك

كال الجوع : ابسيفي

اتموت الخبزه اكل تتور

كباك

والكباك والبعدك

كل اجناح ايهد اعليه ايرد مكسور

غلطانين

غلطانين الذبو نار ابدجله

وظنوا كل الماي ايفور

وخسرانين الشعلوا ورده

وزرعوا بينه الكاع اكبور

بيتراب العطشان اكبرنه

وطكينه اشطوط

وفيضنه الكاع البور

ومجنونين

الشدوا جرخ الدنيه ابخيظ

وظنوا مربوطه ومتدور

وصلفين اللي عبرناهم

شط المحنه وصرنه اجسور

لاجن :

والکبک والبعک

کل اغراب ایهد

یلکانہ ابوجهہ انسور

عشك نيسان

" في نيسان تفجرت ورود الرصاصات الاولى "

عنكم

عن غيوم الوثبه

ومي نيسان

عن الحب الجري عنكم

عن الشعلة التضوي ابدمنه

وتكتب للضايع عنوان

عن الريشه

الترسم وجه ابنادم للتاريخ

وعن امرائته السحريه

البيها ايشوفون العميان

نكتب ... ونغني ونرسمكم
لوحة ثوره اعله الحيطان

حلوين احنه
وعنده اجفوف اتذوب الغيم
وتتسج كمره
طبيين احنه ... وصندوق ابيض
وكل ثاير بينه ايظم سره
واحنه الورقه
احنه الورقه البيهه العامل
يكتب نصره

عمال احنه
وطلاب احنه
ومره امشينه انزف الوثبه
وصابونا ابدفع ما طحنه

ومره

ابهوية ربح انكلبت كل التفيه

طخت كل الروس

.... واحنه.....

اويه العمال ابهية نخل البصره

او كفته

ونتظاهر مره ولزمونا

سدو باب الريح ونامو

كالو متنه

وضنو متنه

بس كلهم ماتو من شافو

ينشك التابوت ابصحه

وطلعت تتنفس ريته

طيبين احنه

انحب الدنيا وهيه اتحبنه

من صابوا بغداد ونزفت

كمنه اتبر عنه اكل دمنه

وعيشناها

وكبرناها

وشبت حلوه

وعشكت نيسان وبستانه

وبلوان الحب زوكناها

وصابونا ايمدفع

ما طحنه

امل

مره شفتج مزهريه
ورنت فوك الجرح
ومره شفتج ليله شكره
سهرتني اضمنونها
الوجه الصبح

ومره شفتج مدري شنهى
لومعابر
لو قطار ابوصل اسنيني المحطات الصبح
ومره
لو مرتين شفتج
طير جاي امن الجزيره
حط على اعيوني
ونكت بيهن ملح

ومره شفتج بيد غيري

امرايه

راوتتي حزن روجي الغريبه

وزنت اضنوني بتوابيت

الصبح

سامر الحبسي

هواجس ليليه

هامش : ١

آنه شببيدي

آنه شببيدي

يها

يالرايحة امن ايدي

يماي وطاح مني ابكاع عطشانه

وبكه ايلالي العطش بيدي

يصيده وعالجرف ضاعت

اكل عمري البحر لمن وصلتلته

ورجع يبجي الشبح بيدي

وبكه ايلوح الحزن بيدي

هامش : ٢

غيمت عيني اعليك وتتقط ادموع
كونك تمر بالروح وامطرلك اسبوع

هامش : ٣

للجاي من ابعيد حنيت الدرب
كل السواجي العاشكه اكلبي تصب
ودتك يبعد الروح والحب والاشواك
صفصافه تحمي الروح من شمس الفراك

هامش اخير :

ياشوك امس

جرح الليالي ابصم ملح داويته

يكتاب امس

خلصن ليالينه ورق

واخر حرف ختميته

رديت من درب الوفه
وباب الضنون الما صدك سديته
حاسبت روجي اعله المضى
لن ماي وبغريل عمري
عالم بديته

وسام ...

عند الغروب ،حيث كانت حبال الملاحين تجر
الشمس الى قاع النهر المتعب ، حتى ليشعرك الماء
المختلط بالضوء الاحمر بان دم الشمس قد سفك
هناك وانحنت قامات النخيل الممتد بين شرايين الماء
وقلبي لترفع الجثمان
تذكرتك هناك

او

لكأني قد سفكت دمك يا صديقي الملاك الجميل

.....

.....

تحركك دمعتي الجمره

تندحك دمعتي المره

وتظل انت جرح مدفون بالعين

احطن وحشتي امرايه

ومثل ماي الصبح

صافي

اشوفك على امتون الكلب ظفرة شرايين

جن اعيونك الوردات تشبكني

نسايم

غيشه صيفيه

واطير

اجفوك الثلجيه تاخذني

بعيد ابعيد تاخذني

وتفر بيه

تفر بيه البساتين

اطير اجفوك الجحان هزنتي

اطير اجفوك الثلجيه

تشربها الشمس ووكن

مهر متعثر ابسجة سجاجين

اطيحن ماي وتبده

الم الروح المنك

الم اخدوك التفاح

لا ياكلها جوع الكاع

واظل والروج شايلني

اخاف اهواي

اخافن لا عطش هاي السفن

يشرب بحرنه

ونوكع اعله الكاع

او هوس والضنون اهواي

وهواي الضنون اهواي

خوفي اعله الشمس تكطع حبله

وتوكع اعله الكاع

اخاف اهواي
واحذر لا جفاف الروح يعدي الماي
ونفتر
طفل نخله يموت
امن العطش
وبجفه ديس الماي ...!!

وانته اويه الضنون اوياي
وانته اعله الضنون اوياي
تضحك

تبجي
تستغرب
تتدى اخدونه وتمطر عليه باليلك الصوره
تجي ويه الناس وحجيك
انه اهتز العمر بيه
ولكيت عيونك امرايات مكسوره

دڤنته وجيت :

اي والله

والك رجلين جابنك مشي ورديت

اي والله

اي والله ؟

الك جفين تتحنه بتراب المكبره

وما تستحي امن الميت

اي والله

جا هوه العدل

وانته الصفييت

الميت

العید ابو هلالین

للعيد ابو اهلالين

نصعد للفرح
نافوره حزمها الرقص بالماي
وهنوم الجهال امبلله
ومشروره عالنجمات

واطلعنا ...
غسلنا الحايط امن الطين
مسكين الحجي المكتوب باحمر
جان
مابين اللبخ والطين
صوته يبات

ما بين الحذر
والخوف واليقرون
جان الحايط المحبوس
يشرب وحشته
وتقراه يتامه الليل بالصفقات

واطلعنا ...
تيهنا العيون اويه الحلم تمشي
وعبرنه الشارع امدنكين
ماكو موت سيارات

وجزينا الشوارع ...
للسج
واهناك يم سجه
فرشنا ابساطنه
ونمنه ولا خفنه

قطار الموت الاسود مات
كل الخوف الاسود مات
كل تاير طبع دمه على
الشارع هتافات وقصايد مات
ذب نيرون نفسه
ابنار روما ومات

والتمت عصافير الجبل
والماي والسلمان
كتبن عالغصن ميثاق
حلفن بالعطش والشفه النهران

رسمن عالغصن شباج
حطن ايديهن فوك
انكلب قرآن

حلفن بيه :

وحك هذا العراق الحر

وحك هذا العراق

اشكتر عدنه اكلوب

يربطهن فرد شريان

نركب عالشبج ونغير

كلشي ابهل حياة انصير

انمر عالنهايه اجفوف

نههم حايطه

ونغسل بجي النسوان

ونمر عالجزيره اجفوف

اصابعها مساحي

وبالعطش تنبت ضوه ونهران

كلشي ابهل حياة انصير

نصعد للمناير عيد

ابو هلالين

بياعة خبز نفتر

طبكنه اعيون اله

ودلانه عالجوعان

كلشي ابهل حياة انصير

مهرنه اجناح نسر ابيض عليه

ومن تشيمه ايطير

نغيش للمكابر وي صلاة امه

والميتين نندهم

انتشابك حيل

ونردد شعار الشعب ونكلهم :

شكرا يا رفاق ... ارواحكم قربان

لوما اعظامكم جوّه الاساس اشموع
جا ما ضوت الدنيه وصعد بنيان
ولوما دمكم ايمر ابانايبب النفط
جا ما اجه احزيران

او لو ما
لوما ميكم ايمر ابشرايين الملح
جا صار
جا مات الحمام
وظلت الغربان
جا مات الحمام
وظلت الغربان

الكرم يكطر ضوه وبعده شباب

يا سفينتنه شاب

تسعه وثلاثين رزنامه اشترنا

وبدليناها نظيفه

اكلوبنه الجية الشمس مفتوحه باب

ويه كل ورقه نشككها الصبح

نعصرها كطره

وينشئل جرح الصبح

فوك التراب

يا سفينتنه كبر بيج العمر

وانتي شباب

يا سفينتته عثر بيج السفر باول محطه
اتحمليتي الروح
وجفوف العواصف ذيب
مد ابصدرج المجروح ناب

واحنه عالشاطي محطات انتظار
اعيونه اتلاوي الرمل
وعيونج اتلاوي الضباب

وشكتر راد الضباب ايسد طريق الماي
لاجن :

لاجن احنه اجفوفنه اشراعين
ورماح
وضوه
بوجه الضباب

وشكّثر راد الخريف ايوبك اغانيه الخضر
لاجنه خضره

اشما مشه سمه ابجرحه
اتزيد خضره

اشكّثر راد الخريف وما ذبلنه
وحتّه بايام الدفن
غنينه اغاني الموت خضره

يا سفينته وجانه الغيم مرات
وصبغ وجه السمّه احمر
ومن اجانه الغيم مره
وطرت اجروح ورصاص
وصرنه خيمه

وصدر واسع
واكف ابوجه الرصاص

اتباليينه وما غركتي
ولا غركنا
وشكتر فزعن مناجل
كطعت وردات ..
بس فحطت ولا هزت جذرنه

وشكتر عين الخناجر دورت
بين الكلوبوبالجروح
وبالزوايا
ورمدت وما لكت سرنه

يا سفيننته وجانه الجوع مره
وصار اخونه
وصرنه اخوته
وكام ياكل من لحمه
وكمنه نشرب من دمعه

وبعنه كتب اطفالنه بجاارك طحين
وبعنه جاكيتنه بليل الشته
وما بعنه اسمنه

يا سفينته شباب
اشما كبر بيج العمر
تكبر محبته

ونوسع اكلوبنه الكل جيه باب
يا سفينته بوكت ذاك الضباب
نزعت الدنيا نجمها وضمت بصندوق
ولهسه....

وهي اتتاني الجتاف
ايرهم اعليها وعليه اتلوك

ولہسہ ابجفا فی امطرکہ البوسات
ولہسہ صور موتانا تلہٹ بالسّمہ اثریات
ولہسہ

ولہسہ ...

وبعدہا اکلوبنہ

الجیت الشمس مفتوحہ

باب

تسعہ وثلاثین رزنامہ اشترینا
ومن حرکنہ اوراقہا صعدن سمہ
وصعد ویاہا کمرنہ
الکالو امن اسنین غاب
والکمر یکطر ضوہ وبعده شباب
الکمر

یکطر ضوہ

وبعدہ شباب

رسالته الاولى

جاء في رسالته الاولى :

رحت اتموت

رحت اتموت

شفت شريانك امتد اعله طول الكاع

يرضع من ثديها الموت

لا تخطف ابثوب اسود على الميتين

فك حزنك كبل متموت

.....

افك حزني كبل مالموت ؟؟

افك حزني كبل مالموت !!

جا !

هوه الموت جلد حيه

وتريده ينزع بسكوت ؟

فاك حزنك

شذب يا ثوب ؟

وبكلبي لكط لون القميص

وصرت كلي اسود

مثل عاشور

جني اعلام عشر ابيوت

بيه اغيار الف مدفون

وكل جناز

يتمنى حزن وجهي ايتشيم بيه

وانه الجناز

يوميه ازتن للكبر تابوت ؟

وك كلبي خلك تابوت !

يا كلبي

يا كلبي جنت طاير

كبر دنياه

وتكل شمسين

وبغقله طحت كاغد

ولا لك صوت

فك حزنك

وانه المتني صناديك الحجي

انباكت ابنص الليل

انه البيه بساتين الحجي

احتركت ابنص الليل

باكو صوتي نص الليل

خلوني ابطرك طاسه

امن الخرس بيها اجدي الصوت

اجانه الماي

اجانه الماي

شيلن يا بوارينه

اجانه الماي

ما يحمينه بيت الطين

ذبينه بعيد ابعيد

ذبينه اعله كاع ابلا سمه

ولا ريح

بويه انخاف

ذنيتنا صريفه امن النسيم اتطيح

حيطان السمه من طين

وذبنه اعله كاع اجبالها امرايات

بيها انشوف غمك الماي

انلم الوجوه ..

الصدك والجذب والمصبوغ توه

ونمتحن بالماي

نسبح والنظيف ايفوج

والوجه الكواغد ينمرد بالماي

الوجه الكواغد ما يرحمه الماي

رسالته الثانية :

بسنة نتشامر حصو

دنيته جام

الدنيا نزعّت كل حزنها

وغفت حلمانه

اتحلم باليجي وبجفوفه خام

مر عليها
ومر عليه
ومر على نفسك جديد
اهناك تلكاني خناجر
شككت وجه الظلام

اطيني لفافات اضمد كل حياتي
ولا تشك بيه امن اطين
من جنت مجروح
جنت ارسم ابدم جرحي
على الحائط
حمامات السلام

دمع تمساح

كبل سنتين

ماتت ضحكة ايامي
وجفن حشرات لف روعي ولياليها

كبل سنتين

والفرحة خذاها الروح بكتاره
وصل شاطي الضياع وغرك صاريتها

وجه مسيس ونين الشوك

شك روعي.

ونزل بيها

.... قفلت العين

والعشره

ولا رف الجفن من خطف طاريها

نستتي

وكلت ناسيها

ولا ردن وطش باجي العمر

شوباش للجيه

شرد؟

وانتي الكبل سنتين

عفتي الروح

لا للموت لا ليه

يالنبج قطار العظيم

كلبي مو محطه

ايشيل عبريه

فينا

ولا ردن ...

وطش باجي العمر

شوباش للجيه

شريد انكر ؟

ودخان الجكاير زنجر ابصدي

وعشت عمري ابفرد ريه

ولو فزرتي بعيوني حنين ايام منسيه

ولو فرشتي بدروبي

عذاب اوراق مطويه

ولو يبجي العطش بيدي

لجن مايچ ولا شربه

ركد دمي ابشواطيه

ولو تبجي مكاتيبيج

انه اقره احروفها ابعيني

لجنها ابكلبي منسيه

ولو دمة حسافه

أتوسدت خدج

ولا حطن اجفوفي

الدمعة التمساح جفيه

بالنبيج قطار الليل

كلبي مو محطه

ايشيل عبريه

كلبي مو محطه ايشيل

عبريه

اغنية للعمال

غنه اعصافير فزرنه
صبح جفنه ابنده امكل
حلاة الصبح والفرحه
لمن نتلاكه بالمعمل

آنه
وانتي
والآله
وطن من تضحك اطفاله ...

نهار العيد حط يمينه
وطبكنه اجفوفنه
وطارن على اهلاله

انتي ...

والشغل

وتراب معلمه

شفتكم لوحه مرسومه ابشوار عنا

وضواكم عيد

طرز وجنته اهلالة

وشفت روعي

وشفت حبي

وطن من تضحك اطفاله ...

كبرنه ... وكبر معلمه

وكبر بستان اغانينه ..

او كفته اشراع بحاره

ولا ريح

اثرت بينه

لبغنه العشاك غنينه

ابغنه العمال غنينه

والمعمل كبر بعيون عماله

آنه

وانتي

والآله

وطن من تضحك اطفاله ...

شجرة آدم

حكك

انته اشتدري ؟

يالماتدري حكك

صوغني احباية نميمه

وشدني دلاعه اعله حلكك

واحجي بيه

ابكل تذن بسمرني جلمه

وما اكلك غير :

يالماتدري حكك

جم جرخ تيه قطاره
وجبته للسجه بديه
ومن وصل ذب اعله وجهي احبال
كلي :
اربط ضميرك خل اسحكك
انته حكك

اني شفت الناس بعيون العمه
حسبالي كل الناس مثلي
اني شفت الناس بعيون الدغش
ما ميلت عنها البراكع
ثاري تجفي الطيب
وتراوالي تملي
واشتريت اوجوه
حسبالي بحر ثاريها كطره
ومشتريتها العطش كبلي !!

واعرضلي اوجوه

حسبائي ذهب

ثاريها صفره

اطيتهن سعر الذهب

لا ورجت صايغ عرفها

ولا شرت مغشوش كبلي !!

وشفت عالم غير عالم

شفت عالم موش عالم

شفت عالم كل ادين البيه صفره

ليش ؟

اديكم كلها صفره

شنهي ؟

ما عدكم ادين اشويه بيض

اويه الليجي امن ابعيد
بالباب اتسالم

كالو احنه :

احنه وركات وذبلمه
وطحنه من شجرة ابونا
الاولي المرحوم ...
آدم

هو صدك اول بشر
لو قسمر التاريخ آدم؟
ولو صدك

موبس بشر

لا

حتّه ذيب امخلف آدم
حتّه ذيب

خاطرة عن قصة قديمة

هم اجبتك ؟

شفتك اتبيع الحسن للعالم

وكلك شريتك

يالشريتك حنطه

ونخاله لكيتك

هم اجبتك ؟

وشنده كلبي المحبتك

نايم ابقي الصبر عود ونسيتك

هم لكيتك صبخه ..

وانه امطر دمع سنتين

جاهلبت رويتك ؟

آه يا كاع الملح

يالما صفت وي وردي نيتك

آه يالماي الوكح

وك يه يالماي الوكح

يالما صفت وي شطي نيتك

الى نوح

الى ربان يجوب المحيط

لا ييعب

وصلت الراك

عائين ذاك شاطييك

لا تنطي وجه للروج

خله ايهاب مردييك

شنهي الريح؟

شنهي الطير؟

وعيون النشامه انسور

وتحوم اعله صاربيك

يهل شاييل شعب وياك

نمه اتوصله الفبيك

يهل عابر شواطي الموت
لا تبخل عليه ابصوت
حته البلكبور اتكوم
يوم ايصيح حاديبك

كلها اتصيح
كلها اتصيح
يا شط الشبح والنار
زاد وما نكص ميزك

وينب التجرخ ويصيح
يا دمنه الرويت الكاع
ما نشفن سواجيك
وتتب ارملة امن الكوخ
بيني اليتموك
انصوغ من دمهم تراجيك

وسويلك مراجيح الهوه امن احبالهم
واقتر بغانييك
يا طوفان
والجمره الطفت بالماي
الجمره الطفت بالماي....
فاج رمادها وخضر رصاص
ابكل شواطيك

ينوح وداعت الناحو
ينوح وحسرة الراحو
عدوك سعة تهتز لو تهب ارياح طارييك

ترضه ابهل نزيهه انبات ؟
وانته المن خيالك ترجف النجمات
وتدري امجافت الفالات
ما خلن نفس سمجه ابسواجيك !!

عين العيد رمدہ وما حضنها اہلال
ما تطلع علیہا اہلال
ما تطلع علینا اہلال
تانیئہ ابصیر زہکان
خلکہ اسطولہ مہدییک ؟

حوف!؟

اللیل واسع

والجرح فانوس

رد شمعۃ عرسنہ الجف صوانییک

حوف العطشو شفة سواجییک

ولو کاضین

ما یفتقر علیہم حول

صدر ایامہم مسلول

ہا ... ساعہ

ہا ... ساعہ ویہب صوت الینبہم ... ویہ جار ییک

الليضحكون...

تضحكهم بواجبك

اليشربون ...

من دم العشيره ودم اهاليك

بالك تتخدع تضحك لليضحكون

وتامن بليحامون

لم كل السلف

وصعد اباجيبك

وبيهم صيح :

ياالمجتول ؟

اخو المجتول ؟؟

ابو المجتول ؟؟؟

جتالك محامييك

جتالك محامييك

جناح الفرح " اغنيه "

روحي عالشاطي حمامه
والسمه انفرشت حرير
والفرح جناحاه عشره
ويا جناح وياه اطيير
العشك ببياناه عشره
كلي ؟ يا مفتاح اصير
حيري يا روعي
اشحلاته البفرح كلبه يحير
على جرف الليل اتاني ...
والهوه المر بيه دافي
ومر خيالك جف حبيباه
وذب على عيوني جفاقي

ابشفتي جلمات المحبه
خصرن مي وقوافي
على جرف الليل اتاني
وهمستك روجه ابجرف كلبي تفيض

شوكنه ابلون الثلج
وكلوبنه اعصافير بيض
اكلوبنه اعصافير بيض

الهوه المر بيه دافي ...
حط نسيمك على الشباج
ومله ريتي عطر

يا حبيبي
حبنه صفصافه

وانه ابفيها اكعدت اكتب شعر

كالي الشوك الاجه منك

عكب باجر تمر

وفتحت ببيان كلبي

واعله جرف الليل

ظليت انتظر

مرثية الفارس المسافر

" صديقي الشاعر لطيف حسين :

ستصلك اخبارنا رغم وعورة الاتصال ، وستقرأ قصائدك
الجديدة عن الحياة في الموت ، فانت حي لانك مت نظيفا "

مقدمة :

ما ننساك ...

ما ننساك ...

يالما نزلت درة ضميرك من عزت للبيع

ينته

الما رضت ضحكت شبابك

من متت

ويه الدموع اتضيع

ما ننساك
يالتسوه الدمع والعين
نحفرلك كبر بالروح
ونخيطك حرز بالعين
ونشدك كلب
فوك الكلب
ونعيش بالكلبين
وبدمنه شراكه وياك

ما ننساك ... ما ننساك

المرثية :

انشلت ايد الموت ...
كون انكطعت ايده
اتوجد الراوي وتكطعه ؟

ابلايا صوت

الموت يدبي ابلايا صوت

ايحوف ...

بس يغمز بصبعه

الموت " مغناطيس "

يلكف كل حديد

ويترك العود المريض

وهذا طبعه

وهاي كل افعاله سود

وهاي كل اسطوره سود

ينهب اعثوك الرطب من

نخله تبجي

والحشف ييكه ويزود

نزعَت الدنيا فرحها
ولبست انكابين سود
واحد الدمعه " سناء "
وثاني اله ...
التاريخه المخضر ورد

وسجته الشكره
النذر جسمه المشيها
وغترته الحمره الرسم دمه عليها
اشكبر صبر الكاع
ما كتلت نفسها
اشكتر صلفه الكاع ما نسمع بجيها

هي تدري ...
العيد... وهلاله ...
وكع وندفن بيها

هي تدري

.....

مطرت اعيون السمه

وبأت الحزن خطر عدها

وخنكه الحركه ضواها

والعطش بجى وردها

وحكها تبجي

وحكنا نبجي

هاي هم نجمه جديده

طاحت ابير المنيه وما لكتها

هاي ...

هم ...

نجمه

جديده

بَعِيدَه

يَبْعِيدَه ...

ابسمه اعيونج امضيع اهلل

ودني الفرّح

والعيد شال ابيوم كلبج شال

الج يبعيده وآنه العيد

الج شوك ابكثر بوسات يوم العيد

وبكثر الكلت والكال

واللوم وحجي العذال

ياالكلبج نكت هدم المحبه

وشال

ياالكلبج قفل باب السنين

وشال

تمر طرّواج مثل الغيم بيه
وتمطر ابعيني
يبعيده وجفاج اسيوف
كطعن سبحة اسنيني
ودولاب الليلي اينور خالي
ويعكب اسنيني

طشيت العمر شوباش
واطشرن عشريني
وضعت بين الكلت والكال
ماي اتبده فوك ارمال

ياالكلبيج نكت هدم المحبه
وشال
ياالكلبيج قفل باب السنين
وشال

بعدها امحبتج خضره
ذبل عمري ولا ذبلت
يجمره وشابكه اعلاه الروح
لا تبرد ...
ولا تهفت

يبعيده الشراع الضاع
بيه ريح الهجر عصفت

ضاع وضاعت الامال
وتخورس غنه الموال
بالكلبج قفل كل الحياه
وشال

نمش النهر

زعلان

زعلان ...

بس يا زعل ..

لمن ترد للصدك

قَبْل المنادى اجي

وشلون جيه اجي !!

اركض ... ركض محترک

ياللذتک بريتي

وين الكه متاك هوى

لولاك والله اخنك

هيه شراكة نفس

لو ... سكت كلبك سكت كلبى

ويدك ... لو يدك

ولو ... ما وكتته " صعب "
ما جان ابد نفترك
كلمن مشه الخالته
واحد سكن بالغرب
واحد سكن بالشرك
زكل هالمسافة ... البعد
جن احنه حلك ابحك

جنت انه الوم النخل
لو من ادين السعف بالريح
يوكع عشك

بس
جربتها وشففت
شففت العطش لو هجم
اول ضحيه العرك

بعدك

صداك حاولت

ولكيت مرسى بجرف

العيون الزرك

ولكيت فيّ وعطر

عند الشعرها فرك

بس ...!!

ما لكيت الوفه !!

والله عشكنا عشك !!

يا من امكدر علي

غيرك فصاله صعب

جم دوب اخيط ؟! ..

وشك

ما ضم عليك اشكر
مرت ابعيني صور
ومن غيميت
ونزل من عيني ذاك المطر
بس انتہ اتبسمرت
والباقي كلها لذك

ما ضم عليك
الجدم غمض عيونه ومشى
وداني واني ابترك
شفه واذن تستمع
للي خذو غيبتك
مجبور افضي الخاك
وتكائل ويه الحجي
والخيل داست علي ..
سحكت اضلوعي سحك

اصحى : براسي انطعن !!

اسكر : رمح بالكلب

بين ... الصحو والسكر

رمحين صفن طبك

عنت علي شوفتك

واصبرت

بس ما صبر كلبي

وصرخ :.... راح اطاك

جاباني الك واذعنت

جيتك بليلة شته

ظلمه ومطرها رشك

وشبعده صار الدرب

خوف ... ورعيد ... ونلج

وجفوف اديه ... زرك

ابابك طحت

ها

كمت

ضميت اديه

وردت عالباب بالروح ادك

بس ...

كالو : المن تدك ؟

كلمن مشه بنيته

كلمن مشه حالته

واحد سكن بالغرب

واحد سكن بالشرك

اللي مضيع ذهب

بالغربه شفت التعب

وتعلمت معناه

وتعلمت عالسهر ... والسكته ...

والصفناة

ذليت ذل النهر من ينقطع

مجراه

واعرفت

كلشي اعرفت

حتى النخل ينحني

الريح السفر من يجي

وجايب غريب وياه

الله .. يا هالوطن ..
شمسوي بيه الله !!
نيرانه مثل الثلج
كلما تدك عالضلع
ابرد واكول : ... اشاه

اللي مضيع ذهب ...
بسوك الذهب يلکاه
واللي مفارك محب
يمكن ...سنه وينساه
والطاح منه الكلب :
كلب صناعي انلكه
ويشکلونه اهناه
بس المضيع وطن
وين الوطن يلکاه ...؟؟

آه يا وطن يا خبز ...
ياشارتك تكتل
ايا وطن يا طفل
هنيال من صاغ الك
نبض الكلب جنجل
يا وطن زفة كمر ونجوم اله
تهلهل

عذبني ما عذبك
واكتلني ما اكتاك
طبع الیحب ینکتل
موش الیحب یکتل

آيا وطن يا نغم
صوت الحرب بيك اجمل ... من
غنه البلبل

آيا وطن يا جذر
والجذر هم بي طبع
لومات من العطش للوادي
ما ينزل

علمني الفراك
اعزف لحن غربتي بقيثارة
اشواك

واسهر ..

واحن ...

وانفعل ... واتمنى ... واشتاك

كل سماع اريد انكسر

مثل الكلاص البيد سكران

ومثل الكلاصه البدر

بس اغفل انباك

علمني الفراك
ما مش مثل ديرتي ... ولا نلكه
مثل اعراكنا اعراك

جيتج يكاع الطيب .. يا كاع
جيت بكلب مضروب زنجيل
خايف عليه النوب ينباك
جيت اشمر قميصي عالنخل
ويصير الج طاك

ولو تهجم اسيوف الريح
لو نلكه نخلنه مذبح امن الساك
ما نبجي ونصداك الصار
ندري بكاعنه كلبين
كلب يضم جذرته وكلب يحمي
الساك

لو تهجم اسيفوف الريح
نبقى بوجه كسرى نصيح
لا مو انتة بالتاريخ
مو انتة البنيت الطاك
وسيفوف الخشب ما طيحت
عصفور
بسيوف الخشب تكدر تطيح
اعراك؟!

هذا عراكنا المهيوب
بي خيال
لو مر اعلى جرف الهور
ثلثين الكصب يطلع وراه تفاك
ولو نمشي طول العمر ما نلكه
مثل عراكنا اعراك

مُرّه مُرّه

عشرتي وياك مُرّه

ومن اريد انساك

يمنعني الكلب ويذبله حسرّه

ومن اريد انساك

يعرضلي الدرب ... ويكلي :

خطوات ذكرّه

ومن اريد انساك

تذكرني الملامه ...

وشنهي ربحي وياك .. واللي

ما دروا كالوا تخسرّه

وانا شنهي الماخسرته ؟؟

وحتى اخسرّه

ويا نهر يعتب عليّ...؟
حتى بجناح الكصب روجات
اعبره

ويا جبل يصعب عليك
حتى انب
احبال روحي
كصايب اعله جتاف صخره

ويا عظم تتصوره التم
حتى يم بابك عشر كسرات
اكسره

مره ... مره
والمراره تزيد لليمشي
بجزيره
وما لكه وسادة محبه
تريح ظهره

والمراره تزيد ...

لما يلكه فيّ...

وينتجي اعله الشيب عمره

ويا جمرتي الماطفت !!

والمي تجوّ

حسبت يطفئها دمعي ...

ثاري !!

دمعاتي اعله خدي نار شذره

اشبيدي !!؟ يا من مدري شنهني !!

كون اظل الوحدي

وكلبي يتبره

يمكن ...

الكه بهندسك راس الشليله

ويمكن ...

اصفن ... صفنه زينه ... والكه فكره

انته من دكيت بابي
جيت وياك الحزن خطار ماين
والفرح طلعتنه بره !!
وانا ... من شكيت زيحي
احتركت ايدي

وانته من شكيت زيحك شفته كمره
وجان عمري نهر غافي
ومايه صافي
وخنجر ك ..
مثل البلم بالليل طره

ويا نهر والحسره ...
حسره
بكلبي حسره

كون اشوفن سندبادك
شایل اعلہ جتافہ جزرہ
بکلبی حسرہ
كون اذب ثوب الحزن وانه
بشبابی
والحزن عالخذ اسطره

هي حسره ...
وامنيه ... نسميها فكره
كون اشوفن مريمك ما بيها لوله
ومن صدك نلکاها عذرہ

هي حسره ...
وعشره مره
والمراره تزيد للمايلكه فيّ
وينتجي اعلہ الشيب عمره

حصاريات

١ التاجر

تريكت اهلكة صبر وكلاص هم
وتوكلت يا رب عليك ...
غيشه ... نعسانه الشوارع ...
ومدري يا نثيه بفجر دم تستهيك

تنكرت ...

تاجر اعرفه

كلي من تبيع روحك
مرلي بلكت اشتريك
وتمت الصفقه ...

اشتراني

فكر بمشروع بي ادخل شريك

وصار يمليلي بشروطه
ما اريد ... وما اريد
ما اريد ايدك طويله ...
كتله اكصره راجيك
وابترته امن المتن ورجعت
ابشره
وانذهل ... ها !! وين اديك !!؟
كتله عد عينك شلتها
كالي :
جا شلي بيك !!

٢ الجراح

ومن هذاك اليوم ...
والتاجر نفسه وسد القضية
وأنه منسي معلق اعلاه رفوف صبري
وحتى صار اتراب بيه ...

راحت ايدي ...
تقلشت اقوى الدفاعات
وخطوطي الاوليه

ناس مقهورة اجت
تبجي عليّ
وناس بطرانه اجت
تحجي عليّ
شلون غاطه !!
تسرعت كصيت
اديه

هاي اديه ...
هاي اديه ...
صار تفتيش بسنه من السنين
وعوضت عن الهويه ..

هاي اديه ...

ياما لعبت ياما كبل الريح هبت

ياما بصنور الثلج نيران كبت

هاي اديه ...

وهيه مكصوصه

شعر للناس كتبت

وَصَقُوا جراح زَيْنِ يَمِ مَنْطَقَتَنَا ..

حركو بعض الرماد ابعود سخاط

وبعده النار بيه

عفيه جراح الحصار النبي حميه

وحده يكثر

الخيطة اللي يربطني

بشرايين المنيه

اتفقنا ...!!

وصارت الصفقة بعيادة هالطبيب ..

أخذ ايد !

وانطي كليّه !!

وباشر الجراح وتمدد

شخص مو من " اهلنه "

وخذ دم وجيب دم

واصعد انزل

والوسيط الجابني يصبر عليه

واصعد انزل

خلص مفعول المختر ...

فتحت ... منكيت اديه !!

حصدو الكليه ولا زرعولي ايد !!

وصعد منسوب الكآبه ...

صفر ... عشرة ... خمسطعش ..

تسعين ... مبه

وقع الدكتور تقرير بنسختين

وتركنه ...

ولأزم الفراش باب الصيدليه

الكادر اتجمع على اهل الغريب

يهني اهله

وأنه بالسديه تسولي ويا حزن

نيج المسيه

المضمد راد حكه ...!!

كتله مد ايدك بجيبي ...

لا لا ..مد ايدك بصدري

يجوز ... هم تحتاج ريه

وجابلي الفراش سر
واعرفت منه تفاصيل القضية
المريض الجان يمي ..
كليتي رهمت عليه !!
وايده ما رهمت عليه !!

واهلي زعلوا
طردوني من العشيره ...
ومن فشلتني كمت اصيح :
آنه ما محتاج ادين ...
انتو شعليكم بديه ؟!
تبرعت بيهن لان ما اريد ..
يوم اتوازي ..
وتتازل ..
ومد للناس اديه

نعش النهر

الى الشهيد

حلاتك يا نجم يمتّعب السهران

سهرت اليعدك

وانته ما تنعد !!

حلاة السيف

بنرأب الجزيره عيونه ما ترمد

حلاة امنه

نتنكر يوم

شبيه من الزلف طاحت

وفاضت كمره عالجرغد

حلاتج وركة البربين

تهواج الشفايف ... حلوه تتباسين

جنج خد

حلاتك زند الحديثات
من تتصح اويه المعضد
حالة الجرح من يزهاك
على السجين
تتكسر بدمه
وينقطع كل شد

حالة اموع نالي الليل
لينكر حبيبه وما يشوفه احد
حلاتك يا نهر
عمر سفر تمشيه
لا ترتاح ... لا تكعد .. ولا تمتد
حالة الجرف تتكحل عيونه
برمل الولايات
وبزنده السفينه
التايهه تتشد

حلاة الماي من يز هك

يفيضم بغيض

ما يوكف بوجهه السد

حلاة المهره

لو شافت نعش خيالها اعله

الكاع

مثل اخته العزيزه

وياه تتمدد

حلاتك يا شهيد

ومن صدك وفيت

جي انك متت عالحد

شهيد انتنه ...

الشمس دكت عليك الباب

يالماشي بدر بها وطيبتك عاده

الجبل منذور اجاك

وعندك مراده

اجاك النخل متهدل ...

يريد الثار

اجاك الماي راكب

روجة اعناده

اجه البردي بحنين الهور

طور " محمد اوي " وغنته الساده

يهل ملحه بلهاة الكاع

ومغرز ... وفه وطيبته وزاده

شكبر؟؟

نعش النهر

لو مات

يا سده التصير الركبتة وساده ؟!

اجه سرب الحمام وياك
زتک من سمه البصره
اجه يشع العلم بالليل
لان قرص الهويه عالصدر كمره

ومن شاف النعش مر عالجر
مهيووب
حط ايده على خاصرته الفرات
وصاح :
حول يا شهيد بكلبي الك حضره

اجت صاحبك السمره
طويله واهلنت بالباب
ركصت بيدها الغتره

يصير الموت بي لذه وطعم

للطلقته بصدرة

وذليل يموت من يجفي

ويجيه الموت

من ظهره

ليل المحطة

بانتظارك خلصت عمري انتظار

عاشرت ليل المحطة

وارتجي يجيبك قطار

والقطار

لو يحب مثلي

وتشرب بضلوعه نار

يسرع بمشيه ويجيبك

بالفجر قبل النهار

ولو تعبني انتظارك

شارك العمر بسنينه

اهواي كالوا ما يجيبك

وكلبي جاوبهم : يجينه

ناشدت كل روجه عنك
كل جرف كحلت عينه
واسالت كل الشواطي
بلكت تجيبك سفينه
ولا سفينه ولا قطار
خلصت عمري انتظار

لا قطار ولا سفينه
وانه والليل ابامل جيتك بقينه
طيح
يا دمع الندى .. وكطر بدينه
احنا ليليه نتلاكه
نسهر انه وياك
يا ليل المدينه
انه عيني عالمحطه ... وانت عينك عالنهاري
خلصت عمري انتظار

ما مرتاح

ما مرتاح ما مرتاح ... ما

مر ... تاح

عيوني تستحي بس الدموع أوكاح !!

ما مرتاح ...

منك ... مني ... من العدل ...

من المات

من الجاي من الراح

عركه اويه الزمن ...

ورجعنه مكسورين

وبعيدة المسافه ...

وينسي الطاح

ما مرتاح

لان شفت الشمس نزلت

تبوس الكاع !!

وبجف النذل تتلاح

ولان قاضي البلايل مدد التوقيف

ومفتوحه السمه

والفيل عنده اجناح

ما مرتاح

لان قفل المحبه انباك

وترهم عليه مفتاح

متروك ابجزيره

وتيهت بالليل

واجو ربعي عليّ

بقافله اشباح !!

وانته شبيك ؟!

لمن دافعت عن نفسي صابك

غيض

مو ... حتى الكنافذ من تحس

بالخوف

تستخدم جلدهه اسلاح

ما جن الفجر ... مثل الفجر

محبوب

لون الفجر صليير يقبض الارواح

رجعت الستاره ابحركه عالشباج !!

ورثيت الورد ... وبجيت

من شفت النده فوك المدافع

طاح

دايخ بالحنم ..

بمكن خبر مو زين

مات الزرع كله

وما بجه الفلاح !!..

وبالليل المناجل تتغسل بالماي

وندم يابس عليها !...

وبالغسل ما راح

فزيت الصبح

شفت الحلم مذبوح

وبعيني نسه

سجينته الذباح

ما مرتاح

من وكفوا على الصوبين

تمساح ابنهرهم ... صاحوا امن الخوف

وجازفت ابحياتي من سمعت ... اصياح

صارعت المنيه ...

وبيده هزني الموت

ومدمى اطلعت

صفكوا للتمساح !!!

قل شوف السفينه ...

والضباب يزيد

وسيوف الملامه بجلوة الملاح

يا سن الصخر ...

وتكسرت بالروج ؟

مو جنت ابزمانك ترهب

السفان

من جوه الثلج ...

وجفوف اديك ارماح

ما مرتاح

من ربعي ولا مرتاح ...
نادوني ... وركضت بليل
ايد الرسن بيها
وايد بيها اسلاح

عثرت مهرتي ...
وهم كبل ما طيح ...
واحد كال للثاني :

ابشرك

طاح

احاول

وبمحاولتي

نهايه القصّص و قصّتي

تساليّني على اجروحي

وسبب كل الجروح انتي

احاول للسؤال الكه

جواب بدفتر الفرکه

تَعَبْتُ سَاعَةَ الْمَلِكَةِ

بعد شيفيد عاودتي

احاول اکتّم اسرارِي

و ضم اوراقج بناري

واذا صح للعشك شاري

ابيع اشلون ما بعتي

احاول اجمع اوراقى

وعيش بعمرى الباقي

نديمي السهر ...

والساقى

كلام احببته بصمتي

صحيح انى انتهيت وياج

لكنمنتتهت قصتي

اسال والسؤال انتي

وجاوب والجاوب انتي

وين صبح

١

- وين صبح ؟
- مدري والله .. بليل مظلم فاركيته
- وين مسه ؟
- من طلع ما سد وراه الباب ...
- لكن بالدرب هم بمشيته
- دوره .. ؟
- كتلك ما لكيته
- شوف كلبك ؟
- جان كبل سنين بيته
- شوف صدرك .. ؟
- يكره المصدور ريته ...
- شوف ضلعك .. ؟
- مثل عود العنب يابس
- وايست منه وطوبته

- دورہ ...؟
- کتاک ما لکیتہ
- لیش عفتہ؟؟
- اعطشت مرہ وما سکاني
- وعطش مرہ وما رویتہ
- شوف صندوق الاسرار
- بدون رزہ
- وکل حجي البیہن حجیتہ ...
- شوف عینک؟
- ماکو بیہا ..
- شوف عینک؟؟
- جان بعیونی وبجیتہ ...

زين ما شافو النار

وفطنو السلة امتاعك

زين ما شافو ادموعي

جا لكو بحر الدمع تابع اشراعك

زين ما شافو زنودي

جا لكو شبكة وداعك

زين محد منهم استم

ريحة البوسه اعله خدي

وعالصدر دفو المكان

البي نراعك

اسهر بفنجان فارغ

واكلب الروح اعله نارك

بسمك وطشيت حرمل

زوكت خدي بشرارك

جنت ما فاطن الحسنك

لجن بيننلي البعد

كل الجمال

بسد سمارك

ليش ؟

وانت ابعيد احبك

ومن جنت وياي

كل ساعه انتعارك !!

شارع الليل الطويل

١ المغني

ونّ ..

سكون الليل ياخذصوتك

الياحد اتريده

وانت تحت الماي

جرفين النهر شفة مغني

تاخذ معائب توالي الليل

للنجمه البعيده

الك كل الليل شارع

وانت حدر الاله

لو جان الجرح صياد

شاور شبجته ولفها على ايده

صوتك الحلمان

يسري بكل مكان

وكل زمان

وبي نساييم تنده اجراس الكنيسه

وتعزف اعله المكبره

الحان اليديك تابوته بيده

وصوتك الرابي بسنادين الحزن

فتح على الخنجر وريده

الك كل الليل شارع ..

يمشي صوتك ... وانت صافن

امشي ..

حدك للصبح

من يتلاكه وياك

شكك ياخته وموت اعله ايده

٢ المهاجر

كبل ساعه ١٢ تطفه المواويل

وتجي طيور المدينه تحط

على العين

تدور عن كلب يوسع للطيور

ويدور عن رصيف يلم

بجي اثنين

يودي عيونه كدامه

وتسبكه اسبوع

بلجي هناك

وصله كاع مشلوعه

ويا جدم مهاجر

امن اسنين

بلجي هناك

والجدم اتسمر بين الخشب

وبطالة البارات
حس مفتاح قاصه انذار
والجوع اوي دمه انذار

ها ... يا جفي المحفور ؟
يا جفي يخمس كبور
اضمن بيك حق باجر
وجوع اسنين ...
لا ...

مفتاحها اكبر
وانطفه وبالصوت
جنسيته على كلبه وبات
ليله وبالكمر بالطين

وياك انا حرب

١ وياك انا حرب

هم ياكلب بالبجي ...

وحن يا كلب عالراح

واسبح بشط الحزن

ظهر ... ومسه ... ومصباح

هيم بصحاري التعب

وجويك من ترتاح

ما دام ضاع القفل

شنسوي بالمفتاح

مليت وك يا كلب

دكائك مسودنه

وجنهن بضلعي رماح

جم موت اجه وما متت
يالبيك سبع ارواح
وياك انا حرب
وكلمن يشيل اسلاح
تكتلني لو اکتاك
بالحالتين ارتاح

فانتك قطار الهوى
وبعيد عنك صاح
والشيب حنه الزلف
وانوب بالخد لاح
امشي اعله حد الحزن
لان الحزن نباح

ياآدم اشحصلت ؟
من شجرة ... التفاح !!!

٣ حالات

ولا جنك يكلبي بكلبك نار
ولا جنك تلج من عاشرت نار
خلص عمر المواسم والنياشين
وظل بس الغنه الصامت
والاسرار

نام ...

وصبّح الناعور مشلول
لا ماي النهر يصعد للشفاف
ولا بيه حيل يكدر حيل يندار
جان الفرح عدنا طير محبوس
ولكه فرصه وتعلك بالسمة وطار

ولا جنك يكلبي فوك الارماح
معك خلصت عمرك بالاسفار

وما دأبك بـكلبي فوك الارماح

لا عندك حبيب

ولا لك دار

شيفيدك لو تجر كل المواويل

شيفيدك لو تردد كل الاشعار

شيفيد ..!!

تمر نهر بولايه مهجوره ؟

شيفيد .. !!

تمر محابس بيد مبتوره ؟

شيفيدك ..؟

يا .. يول

يا كافي ..يا كلبي

تظل مثل الارض يوميه الك

نوره

وشمئانيه ؟ الروح .. وبعدها

متانيه ؟!

واسنين تكضي امن العمر

كل ثانيه

واحلام ياخذها الدمع كل مشوار

وبيوت ياخذها المطر كل مشوار

وانت ؟

انت يكلبي تعيش للحين

ولا جنك تلج ومعاشر النار

آنه وياك خلينا غريبين

سولتنا الجكاير

والصبر زين

وبليل الشنه يصير الحزن حار

دافي يا حزن

للفارك اثنين

صاحبته وشبابه انكثلو لصغار

آنه وياك خلينا غريبين

نحلم بالحبيبه وعتبة الدار

واذا شفتك يكلبي بيوم فرحان

هذا اول عتاب

وآخر انذار

ملفئة للانتباه

مثل شَبْوِي المسه بعطره

وشذاه

حبه حبه

وشذره شذره

وكطره كطره

وبالرسم طول خلك بيعج الاله

صور اعيونج مواني

وبيها عاف الليل نومه

ونب غطاه ...

من بعيد انتي جميله

من قريب انتي جميله



واكفه ... تمشين حلوه

والحلو وجهه يبين من كفاه

عيوني ما تجذب عليّ

العسل يم الاشاره وجدي منج

كسر كلبج

واخذ من خدج حلاه

الله الله سهل حلاه

الشكر ما جان مزروع اعله الكاع

كاع خصبه للشكر

هاي الشفاه

والكلب مدري شجاه

قبل جنت اكر عليه ..!

الوي اذانه ..!!

يخاف مني ..!!

هسه صرت امشي وراه

ولا حياء في الحب

" احبج "

وخل يحسبونى رجل حن الصباه

لأن عافته لالانتباه

سنه شفافج على شفافى ؟!

سنه وحده !!

صراحه الوكت موكافى ..

اريد الشته يصير اربع مواسم

يا حضن دافى

وريد الليل سبع اسنين

والله يموت الغافى ...

لو طار السفر وياج

من روى الخدر ينل على ... الرجلين

وامشى عالجمر حافى

ولو ملى ومر بشارع امشناه
انسى جنازتى وتتحرك اطرافى
لو يطفى الضوه من الصبح لللىل
عن بىتى نكول الناس :
بى مصباح ما طافى

ضعفنى الزمن
لكن اكابر بىج ...
وامشى بزود ...
مشى انسان متعافى
اتباهى لان كل الاحبنهن بىج
من صار النهر دهله برىبع الفات
مديتى اديج ..
ورد نبع صافى
سنه شفافج على اشفافى ؟
صراحه الوكت مو كافى

الى سوس ...

دافيه مثل البحيره

وحاره مثل الرصاص

هيج اعرفج ...

دنيا ما بيها سكون

عيون لبوه وصوت كاس

هيج اعرفج

سجن وردي ... ومنفي

ما منه خلاص

دنيا ما بيها خلاص

مثل خلخال ابدويه

والابل ركصت على الصوت

والاجراس

ومن كثر ما بيح لهفه

وعافيه

ولذه ... وحماس

ما اشوفج يمي وحده

صرت اشوفج يمي ناس

دفيه ... مثل البجيرة

وحاره مثل الرصاص

شغيرج واليوم صرتي

بارده .. مثل النحاس !!!..i

الذئب

صوت انا

وصوت انا

وصوت يمر على اعظامي

وصليلي وياه

وصوت يمر سهم وبكاغذ اكلناه

وكلها اصوات تتلاعه

ويمر كئال ابوي بمسحته نلناه

احبه انا

واحبه انا

وكومن كومة الديوان بوداعه

وانه دوسة جرف

لاول جدم

وتلاه ...

وشفت " الذيب والراعي "

اجو منا

واعرف الذيب واطباعه

وادرى بصحبته وشبريد

ناوي يطر جزيره وصاحبه متاعه

صاحبته بغلاة الولم صحبة يوم

ما قصر

تريك بالكلب

وتغده بالجتفين

وضم مني سهم

للليل تجواعه

ومشاني بدرب

بس الدرب شبرين

حتى اتلوحني نراعه

وينصه الصوت
يعلى الصوت
لو عودك ذبل بالماي
راضع موت من كاعه

ولو صار العشك للبيع
لا تعتب على الشراي
كثر اللوم عالباعه

انه الليله الج يا روح
اكص جفج وعلكه
برمح المداعه

الغفه بفّي النخل يترجه
تمره اطيح ...
مو مثل التشلبيه وجاب بذراعاه

انه الليله الج يا روح

اهوَس

وانفر الكهوه

وسوي الدله سماعه

ملت تكلكل المسمار

سواني الكدر لهدومه شماعه

وجرفي اتهدم امن الراك

ماي النهر لو فار

يحرك هامة اشراعه

ولج يا روح ..

معروف الطمع بالناس

وانتي بكثرة الطعنات طماعه

لو اكح كل كواة البيج

واتمشى بجزيرة نار

مو كل نار لساعه

بس نار التشب بالراس

ابن امه التحمل هالوجع

ساعه

ابن امه العرف بيت الجرح وينه

ولزم راسه

وينه اللي عرف بيت الجرح

وينه؟؟ ولزم راسه ...؟؟

بس ذاك

البعد وشلة صبر تتلاهد بكاسه

بس ذاك الندده خنجر ضميره

وبالحلك باسه

انه الليله الج يا روح

اليه " الداس "

مو كل من لعب ويبي اخذ داسه

اريد كلادتي امن الضيف

ثار ضيافته وثارات العلاسه

وكله : انباك بالكاروك طفن انفاش

لمن شب لكوه

يحن على ناسه

ولكه روحه غريب اهنالك

كل الناس

ما بيهم ولا روعة الوجه ناسه

نبض بيه العرج ... واغتاظ

سوى اكماط زغره عنان

طار ابمهرته وشد عين حراسه

وانه بزغري

وصحبة الذيب

ناوي .. وعسرت بمكابري الطاعه

بعد ساعه الحج يا روح

ساعه ومهلتج ساعه

لو نحجي الصدك

ونغطي زر العيب

لو نخرب وذب اعليج

طركاعه

اريد ابجي على صدرك

١

اريد ابجي على صدرك

مشتهي النوح

واريد اكعد اكبالك

واحسب اجر وح

ومثل طير من يودع الروح

جاي اركص ابابك ركص مذبوح

اهي كسرة عظم ما تجبر بيوم

ولا ذرة سنه

واثارها تروح

كسروا واهسي وخلوني مالوم

وخايف على عيوني

بالبجي تروح

جنت امر ونهي وصاحب الراي
يوم ايدي طويله
وجيلتي تلوح

اريد ارجي اعله صدرك
راس تعبان
وسولف عن عذابى وغربة الروح
جاي انزع بجفك سهم الاصحاب
تبروا
من طحت عافوني مطروح

سحكو فوك راسي وجرهم الخوف
ونزلو للوحد
من عالي السطوح
ويوم اللي شفتهم وكعوا ابير
زحفت وساعدتهم واني مطروح

يوم اللي شفتهم نزفوا اهواي

كمت اطييت دم ...

واخلبت اجرروح

اريد ابجي على صدرك

مشتهي النوح ..

وريد اكعد كبالك واحسب اجرروح

بيه نار

وهي مو كل نار ... نار

ابجي ما يطلع دمع

بطفر شرار

والهوى البارد

يصير بصدري حار

وبعد جوياتك يليلي

هاي لسعات النهار

لان مو كل نار ... نار

والزمان ايده بركبتي ويحده

سيف الانتظار

يا زمن شاك عليه ...؟

شبيك دكائك اكبار ..؟

نیشنٲ عالطیر بجفوفی ورمیتہ
ورقہ آیام فراغ ... وعیشتی
نل ... وانکسار

وابعدت عن الجرف وأنه
برجہ البحار
انتہ اللی روحک " تلج " وأنه
اللی روحی " نار "
اطفیني لو ذوبک
وبکیفک انتہ اختار

والنار ... مو کل نار ... نار

الليلة اموت

بدلة السهرة مرقطة بالدم والبكاء وجواد الحطاب

كان معي في الناقلة ليلة ١٩٨٣/١٢/٣١

الليلة اموت

الليلة آخر ليله

الغيم مد ايده اعلاه راسي

والمطر شد حيله

الليلة كطرت العمر

ناكوط حب سهران

بمه اخيلج ...

اترجاج ...

ضميني ...

بسواد الشيله

الليله ليله

هد عليه الليل بخيول الظلام

منين اجبين حيل ويرد خيله

حيرتني اذنون موتي

اوف نعشي اشلون اوصله الباب اهلنه

ومن يكابلني عليه ونشيله

الليله اموت

الليله كليب ينام دافي

وتتدفن وياه حرارة جيله

الدم ينبع من سراديب الضلوع

ويرسم جروحي على الفانيله

وطير من بين الضلوع يطير

وتلحكه السهام

وقيس يخسر ليله

وكمز سكران اعلاه ميز اقمار

ضيق ليله

تفيض روجات الحسافه

وتكسر الشط

يا سنيني الرايات ... وداعة الله

انطيني بوسه ... موادع الخل الخليه

يا نخل يا عاكر احبل

ضوك طعم الفاجعه بموت فسيله

ويصيح :

يا هور الحزن ..

لا تغفه يا هور الحزن

تابوت اجاك اويه الكصب

بهدي حطه عالجراف

ومحمد اوي امن الكلب غنيله

يا مطر
يا سيل .. ودني اعله نهران الحبيب
بلجي اصادف صورته
شي باقي منه
اثر جدمه عالرمل
واسجد بدمي عالرمل
واشكيله



ونزع اعيوني براحتة
وهي العيون امعلمه
اشتجيله
جن ربابة كاولي اتزنتي بعتابه
وتركص الغربان
عالجته التكيله

يا طيور الليل

وديني اعله ناسي

اليموت ..

ايشوف .. يسمع .. يلتفت .

ينكسر كلبه ويعرف اليبجيله

تمنى:

وعادة الموات يتمنى ويجيله

انا اتمنى

الشته .. وحضن الحبيب

وسيف جاتلني كبل هاللينه

يوليدي

مرثية العام الدراسي " حيدر "

حيدر ... ألا يقلقك ضجيج العربات على سكك المنايا
،انت اصغر المسافرين سنأ .فكيف فتح لك قطار الموت
ابوابه ؟؟ وداعاً ولدي وداعاً حيدر كاظم اسماعيل

بده العام الدراسي وبدت الهموم
وبيتي عالمدارس بابه صاير
نسيت وداعتك جيت اشتري اهدوم
الك ومحضّر اقلام ودفاتر
مو تسمع قيام ، رليش متكوم ؟!
ومر اسمك ولا من كال حاضر
الشمس طلعت علينا ومو وكنت نوم
وهم عنكم صبح يهل المكابر

وهم عنكم ضوه وشباغ ونجوم
وهم ينطوكم واجب الباجر
الوالد بالوداع يصير مملوم
وأنه اثنتين والد وشاعر
خيلك طشرتني وجنت مملوم
وصارت طيحتي بين الحوافر
إذا عشرين يوم و ما شفت نوم
شيظل بالحيل بالعشره الاواخر

فراش الفاتحة لو شفته مملوم
ابنص اكلوبنه تلكه الجوانر
يمنه المصبغة اودينه الهدوم
الحنك مشترينه اقماش حاضر
تمنيك جرح كلساع ملجوم
وتبات الليل بشفاف الخناجر

أنا يابوي من ونيت ما لوم
نزل مني دمع يعمي أنواضر
خودوي معوده تتنده كل يوم
وتحب الماي خشبات الكناطر
لمت الروح بس شفانني اللوم
شلحك وبسفينه الموت عابر
المنايا عالسطح و عيونها تحوم
عليك ونزلتلك نسر كاسر

ستر الله نعط بديارنه البوم
اخذ عين الكلاده وراح طاير
ديني حلاتك حلو الرسوم
بلكي انعشك والدنيا مظاهر
اظل كاظم وياي مكظوم
لوما هالخشب جوّه الاظافر

اهن كاسين بيهن كاس مسموم
خاف اغلط وبالمسموم اكاسر
بعنه البيت ريت البيت مهجوم
وريت اكثر بعد من هالخصاير

تحب انتة اللعب والكبر ملموم
شلون تحملت وشلون صابر؟
وليش امن الهوى يابوي محروم
ونسما الهوى اطيب الخاطر

من هو الشوفك صورة المعدوم
وليش تعلكت يوليدي قاصر؟
ما ضنيت زرعى ايروح فد يوم
وعصافير الحزن تكضي البياذر

من أكتب قصيدة أتزيد الغيوم

ومن يحني أدمع

يمني الدفاتر

يبقى أبهل مطر يا شعر منظوم

" نصاري الحسين "

وبحر وأفر

سفرة مجانيين

جربت مره ...

وبعده زنجر بكلي القفل

يوم حب بارد جمعه ...

واعرفت ما نشتل

رنت اجيب الروح كوه ..

البيتك المسكون

لكن ما رضى دكت رجل

كالت الشرفه كمين ...

وخوفي من عده يطل

كلشي بيها مو حقيقي ...

حتى هذا الكمر لعبه ...

من خلص دوره وطلعنا ..

نزله اهله بجبل !!!

مو طبيعیه النوارس

كل مهمتها اتفرح الناس

وتبجي الجرف من تتكئل

ابيتك المسكون ... مجلوبه النوارس

على الناس جناحها يرامي نبل ...

والتماثيل اتحرك

وعلى طعنات السيوف

الحجر يضحك

وعلى المايسوه تطيح

الروس جمله

والشوارب تتفتل

والطيور املثمه اباب الحدايق

بينهن ...

" ثارات " ..

ودوم وفصل

الساجيه البيتك عليها

مو مثل باقي السواجي

شكد عجيبه الساجيه البيتك عليها ؟

ميها ...

كل قطره شكل ...!!

شحصل الكلبى وجى البيتك

وخدمه ؟؟

ومثل الكلوب اشتعل ..

الشمس ترجع لاهلها

العصر عميه

اثيابها بطين الحدايق تتغسل

كل حصيلة نكرياتك ..

كانت ومكتول صرنه

والحقدهمزة وصل

آه يالكلك تنافض

خذك وكلبك عجائب ...

صوره مو طبق الاصل ...

خذك بلون الوفرة ليلة ضباب

وكلبك بن الكحل

وجان همك تستغلني

وغصن المكابر بروحي ترشه ذل

وصرت باعيانك مغني

وصرت باعراسك طبل

وكاس واحد ...

مره من صحتك شربته اسنين

خلاني ثمل

وشرد اكل للعيروني

واستحي وهسه انه شايب

مهرتي حجلة طفل

والف هنيالك عليه الفحل الاول

جان تعذيبه سهل

هسه انه وياك والبر

سفرة مجانيين حره وانتهى

دور العقل

اثنيه بهاي الجزيره

لا شهود ...

ولا قيود ...

ولا مثل

نمشي ...

ومغمضين نمشي ...

بالرمل غرز جدمنه

ردنه نطلع ما كدرنه

واه من يلتف على الساك

الرمل

يوم مر .. ويوم ثاني

وما يسمعك هالريمّل لو

كنت حل

يوم ثالث ... يوم رابع

والعطش والجوع اخذنه

والدمع ما ينشرب

والرمل ما ينوكل

يوم خامس ... يوم سادس

وما نلحك على السابغ يمكن

وبي نحتفل

وبعد شيفيد اعتذارك ؟

ينقبل ... ما ينقبل

بالسمه الغربان باعتته وشرتنه

وقسمته نصير جم وجبة اكل

شجرة النسيان

ممت وياي من أول
وتريد تعيش من تالي
كذلك ؟..

جا صرت مثلي ؟
وتريد اتصير جتالي

احسك ظل يرافكني
ويكبر من تجي الظلمه
يصير اخيول وحشيه
وتطاردني

اروح الوين ؟؟
رحت الكل مكان وسيفك اكبالي

اروح الوين ؟؟

الا اشلع كلبي بشر ايينه
واجمع نار واحرك كلشي
من بالي

احسك ظل يرافكني

يضحكني

وييجيني

يسكتني

ويحجيني

اروح الوين ؟

شكتر من بحر ؟؟

ذبيت بي روحي

ولكيتك عالجراف تابوت تبرالي

احسك مدري شنهى انتة ؟

بحر يتبدد بجفوفي

واريد اشرب ولا كطره

وشوف الروح مثل الروح

تتكسر على الصخره

ونا وطرواك ..

طاحونة هوى يفرنه

الهوى العالى

يا شارع يلمنى بليل ... ماکو

بيت من اسوالفك خالى

اروح الوين ؟

شکثر من بحر ؟؟

نبيت بي روي

ولکيتک عالجرف تابوت تبرالى

وعليه تصيح :

ضنيت العشك وركه رساله

وتاھت ويا الريح !!

ضنيت العشك وركة رساله

وتاھت ويا الريح !!

ونا الخنجر دفنته وغلفه الزنجار

ضنيت العشك وركة رساله

وتاھت ويا الريح !!

نمت

وما دريت الريح

تاخذها رسله الكبرك السهران

وادليك بالعنوان

وتردك عليّ ردود غيم وريح

يا شارع يلمني بليل
كل كطرة مطر ... صخره
على راسي اطيح

احسك ساجيه بلا ماي تتبعني
امشي ...

وهي تتبعني
التف بالدرب
وتلتف على ايدي
تصير حيه وحيل تلسعني
خذت سمها بوريدي

ولنت بالبيستان
صرت ويه الشجر شجره
نص جسمي اندفن بالكاع
والباقي امن انيه اغصان

صرت ويا الشجر شجره
وسموني بوكتها
شجرة النسيان

ويمر الوكت بسكوت
واكعد من منامي
ولني مجتول
اثاريني

جنت حلمان
حلمان

بعدك تحن

الى كريم منصور

بعدك تحن ..؟

وشباقي عندك غير سله زغيره

لاواق الحزن

بعدك تحن ..؟

مو بس شواطي الذكريات

محركه بيها السفن

ساكن البيت النار

كل هذا الوكت ...

ساكن ابيت النار مو ما ينسكن

توزع غناك بوحشة الحيطان

والعود انكسر

وبراسك اكثر من لحن

بعدك تحن ..؟

بعدك تون ..؟!

ليش الحزن رباك صاير لك ابو

وانته برضاتك صاير

الحزنك ابن

بعدك تحن ؟!

بعده الخلاف اويه الزمن

هوه صعب وانته مرن ..!!

كافي السلاسل بالكلب

مو كافي شبعته سجن

افتح الباب ...

اشتّم الهوى

يالدافن اسنينك دفن

شنهي اليجبرك عالصبر

وشنهي اليجبرك تتنظر

وشنهي خلوك ومشو

اوزنوك من باعو وزن ؟!

المن تحن ؟!

احنه ضيَّعنه هوانه

وضاغت اسطور البدايه

ما درينه اشلون ... تالي

ينكتب فصل النهايه

مدري ذنبك ...

مدري ذنبي ...

مدري صدفه امن الصدف

كطره ...

كطره ...

وما درينه

ينشف الماي ... ونشف

وما درينه الريح عالي

لمن اهتز السعف

بلا ثمر كلما زرعنه

الندامة

بعد متفيد الندامة

بعد ميفيد الاسف

ما درينه الريح عالي

لمن اهتز السعف

صدفه اجينه ... وصدفه رحنه

والعمر كله صدف

وخطره ...

خطره

وما درينه

ينشف الماي ...

ونشف

احنه ضيَّعنه هوانه
وضاعت اسطور البدايه
ما درينه اشلون ... تالي
ينكتب فصل النهايه
مدري ذنبك ...
مدري ذنبي ...
مدري صدفه امن الصدف
كطره ...
كطره ...
وما درينه
ينشف الماي ... ونشف
وما درينه الريح عالي
لمن اهتز السعف
بلا ثمر كلما زرعنه

بس حسن شجرة الزينه
لا زرع منه حصده
ولا مطر منه روينه

بعد لتكول انتلاكه
انه وانت عالصدف
كلمن يروح بطريقه
دربي ودربك
اختلف

يصبرني ..

الما يدري بقصتي

ويكلي اتهون

عشره وشيبت باولها

وتاليها شلون

ينسيني ..! من هو ينسيني ؟

انطيه الباقي امن سنيني

وانه الممنون

يصبرني وما تسوى يكلي

هوه شمدرية ؟

لو نار الشبت بضلوعي

تتحول بيه

يمكن يتركني باحزاني
وما يسأل شمغير الواني
كلساعه بلون

يداويني
الماعرف علتي...!
شيفيد ادواه...!
راحو لبعيد وما رجعو
خلوني اهناه

هنيالك يالكلك خالي
ما تدري شصاير بحوالي
هم اليدرون

يصبرني المايدري بعلي
ويكلي تهون

انتي

انتي حركتي البحر من بعد سكته
انتي خليتي السؤال الماعرفته
انتي خليتي النجم بعيوني يلتم
والنجم مو هينه لمته

انتي رجعتي النفس لسنين ميته
انتي خليتي الغصن بالروح
يثمر كبل وكته

انتي رجعتي الحنين ..
البزغر عند امي شفته
انتي ربحي
وعوضت كلما خسرتّه

وجهج رسمته
وجه ورده
والنده يغازلها جبته

جيت اشوفج ...
والكمر وياي جبته
ويوم شافج احلى منه
كالي:

خليها سكته
انتي ربحي وعوضت
كلما خسرت
انتي حليتي السؤال الماعرفته

غاب الكمر

يا علي حبك سفينه

يا علي طول مسيري ...

وفارت بروحي الرمال

وحملت نوك العشيره ...

وهودجي يرأسه سؤال

راح ادوس ارض الخراب ...

وصحره ما بيها دليل

وراس ما بيها اتجاه ...

وبوصله امثيه اليمين امن الشمال

نعبت النوك اشجاها ...

ما يكدرن عالئكال ...

ناكه بالروح اعكرتها ...

محملة وهودجها مال

ناكه بالصحرة بعثها

بمسطر اهل البادية بسوك الجمال

وثالته بكصبه انبحتها ...

ما تصح سجين عند ولد الحلال ..

خلصن النوك

وبكيت امشي اعلاه جدمي

وشايل بظهري الصناديك الثكال

بالجزيره الدمعه تجوي ...

حاره اخدود الرمال

ليل ونياب الجزيره ...

صوتهن يشده الببال

امنت شفت المناير ...

من بعيد تصيح للتايه تعال

فك سراكي ضلوعي .. "كلبي"

وشرد مني ارنب ابين التلال

ردت افك جرح العتب ..
واطلع متاعي
ليش صار البشر ساحه
بيها رعيان وحلال

اربط الغترة بضريحك
ردت اذب اعكالي واصرخ
طاح راسي اويه العكال
يا علي من اوصل ضريحك
او كف مفرع وصيحن
يا علي الميزان مال

كام اله الريح مغضب ...
نقص اوزيد وشال
غركت ابنص البحر ...
والدغه غركت والشراع البيها مال

مشت عني وتركتني بهل الجزيره ..
بس تلال

مدري ياهو البسفينه ...
صاح للشاطي تعال

يا علي نبحو حسينك ..
ابنه .. وابنه ... ودمه سال
يا علي والحلوه ماتت ..
ولا يزال الدم يجري ...
يجري في كل الرمال

يا علي وحبك سفينه ...
هاديه اتريح البال
يا علي وتاخذي ليها ...
هيه بكاعك رهينه ..
وهذا عندك مو محال ..

شعر باقر العلق

اجت يمه القصيده ... وباسته بخده
وطفرت دمعتي وما طاحت بخدي
ما شفت مريض وعالسرير تنام
جن شفتك جبل متوسط الكندي^{١٠}
سكوتك من ذهب واحجايتك ألاماز
وجروحك شعر من ينزف يادي

نب بطل المغذي وخل اعلك الروح
متنام بردهتك واخذك عندي
ادري بحالتك وادري انت ما مرتاح
بس اكدر اشيل اهمومك الوحدي
يا نعش النهر يالعلنهر زعلان
شيصبر الهور من يزعل المردى

^{١١} مستشفى الكندي

لا تتوم القصايد من وكت بالليل

نوم المن وكت مثل المرض يعدي

ما شفتك مريض وعالسرير تتام

جن شفتك جبل متوسط الكندي

يوميه اندعيلك بالشفاء التام

يوميه اندعيلك من بخت جدي

بهزة النخلة

ابهزة النخلة تولد عيسى المسيح
لكن شهزت بديها فـاطمه
لما حضرتها الولاده بيوم ريح
وابتسم للجاي حمـاي الحمه
مو رطب من النخل شفناه يطيح
احنا شفته نجوم طاحت من سمـه

حاجي رب الكون بلسان الفصيح ..
يا كلـيم الله اتهض كـلمه
هذا يا موسى العلى الغيره طريح
ابن بنت الجان الكم خاتمه
يا حسين الشمس كعدت بالضريح
هاي شمس الله بعبايه مللمـه

ما ينول الجنه لبدمه شحيح ..
لأجلك ويغسل وضوئه بالدمه
شنهي سر البيك ... بالسر ما تبيح
انت بس .. الله سرك يعلمه
الجسد عالكاع ظل مرمي وطريح
وعالرماح الراس ظل يكطر دمه

عالرماح الراس ما يقبل يطيح
الف واربعمية عام امتممه
شنهي سر البيك ظل وجهك مليح
وشعجب ما صار راسك جمجمه
ما نكر كل الحقائق بالصحيح
ميت التاريخ والله يرحمه
شلون تالي بكبره يكدر يستريح
اللي اخذ وياه سوء الخاتمه

منهو من اعداك اله مبني ضريح
ومنهو سجله شفاعه ومكرمه
نعرف اجدادك واللك اسم صريح
الباقى عدها انساب لكن مبهمه
موش كل معمم بدينه صحيح
اهواي بالتاريخ مثل مسيلمه

الحسين السبط والشبل الذبيح
كتلته كفار بس ... معممه
المعارك مو البيها اشجم طريق
ماكو دم اطفال يصعد للسمه
اللي بيها الروس بالجمله تطيح
والجماجم حيل كون مهشمه

هي بالطف معركه جداً صحيح
موش كل عركه اتسمى ملحمه

الافاعي اليوم صار الهه فحيح
وين متعض المكان اتسممه
شوف شيسوون بالدين الجرح
والمواقف نوم ظلت مبهمه

حتى بيت الله هم رادوه يطيح
الف خيبر لولا حيدر هدمه
ذوله سود اوجوه ما بيها مليح
من زمن بعرافهم للعولمه ...

نسأل التاريخ

كلهن سولفن ... لو بعد منهن ؟؟
شد عيوني بعصابه
واخذني مغمض اندلهن
واندل وين مضمومات
واعرف ليش دافنهن !!

مثل شايب خلص عمره
وبقى يعود الصبه يدندن
انه كلما الود بهالتقيه واضحك ويالناس
دمعاتي علي تفتن

شفت قصر الاماره ...

ويم عبید الله ..

تلاکه المستحيل اهانك والممكن

الجسد عالكاع ... والراس بطشت
والجامع يأذن !!

وصدى ذيج الشتايم ...
من حرب صفين
من فوك المنابر واذني تسمعهن

ومن طعنة علي ... الفجر بالمعراب
اجن من السمه معزيات
والنجمات دمن باللطم خدهن
ودخان المخيم بعد جواه نار
من طبع الجروح التعتك تحزن

لما نسأل التاريخ ... ياهو التستحي نمهن ؟!
يدفن راسه بجفوفه
يكول اهواي بجني وسجلهن ضاع ...
ومضيع دفاترهن

عدا نبيج الاجساد الطاهره ..

الظلت ثلث تيام

ومن ذاك النزف صار التراب

بكر بلا لين

عدا اجفوف الكمر عباس ..

ما ذب رايته واثنين اديه ذبهن

عدا سوط الشمر حرك ثنايا احسين

مدري اشحاوبنه ..

وبالعجل سدهن

عدا اعيون الفواطم من مشيت للشام

عين اعلاه التراب ...

وعين تربي الجسد والدهن

عدا السجاد فوك النوك

واديه امن السلاسل

ظل ينز دمهـن

ومعرسين والرفهم طلع جناز

ومعرسات ...

والحنه بعده بطرف اصابعهن

وكبور النجف ...

والغربو ...

بالليل ...

والكصن كصايهن

ونعوش الاطفال التتحمل مو فوك...

سيارات

جن رب السمه ببساط شايلهن

عدا اطلوك الحوامل بالشته ..

بالواحد وتسعين

كبل ايامهن والقصف جيبهن

كلما نسأل التاريخ ...

يا هو التستحي منهم ؟

يكول اهواي بجني

وبجه وياي الانس والجن

هدوم حسين لسه مبللات بدم

وعلى احبال الشمس ..

بيده النبي شرهن

هذا شاهدك

هذا شاهدك يحسين موجود
بقه مجدك ... ومجد اعداك زائل
المن كاصيدنك هالملايين
والمن فارشه الكاع العوائل
نور بحضرتك بالغروب
شمس وانطت ظهره للسنابل
ريحانة الزهره وعلي الكرار
داحي الباب حلال المشاكل

ابد والله ما ننسا حسيناه
هذا بكل زمن تحصيل حاصل
هاي الغانمه بكل الحسابات
يلما وصخ ابهامك تتازل

من طاحت الرايه امن ايد عباس
بحضرته اليوم تتشال بهلاهل
راسك من تعالى فوك الارماح
ظل راسه الزمن لليوم نازل
بالطف استقام الدين يحسين
لولا الطف بقى الميزان مايل

العزه مسجله بلاءات الطفوف
وعياالك سبايا اعله المحامل
العزه بقافله زينب الى الشام
والسجاد عالنوك بسلاسل

العزه بدم رضيع انكتل عطشان
وبجفين منك يابو فاضل
العزه غاليه وما تحصل اليوم
لان يردونهه بليه مقابل

زنجيل الاثم ملفوف عالكاع

اشتبركنه بدمك افراد وقبائل

كل احنه اشتبركنه بيوم عاشور

مو بس الشمر يحسين قاتل

صلينه وره مسلم صلاتين

والباقيين ضلو بالمنازل

واذا جتك رسائل منا يحسين

بعد يحسين لتصدقك الرسايل

اجه مظلوم للمظلوم ينخاه

ويشوفه السهم ليوين واصل

ليش تغيرت يابو علي الناس

وعكال البخت عالراس مايـل

ما واحد يعاين حالة الناس

والضيم بجرفهه اشلون ياكل

ما واحد يعاين حال الارهاب
وابو سياف هذا انسان باطل
خجلنه ومستحانه ابهاي الايام
درب العوز عثرت بيه اصايل
هذا البفرات نشوفه مو ماي
عرك من كصة التاريخ نازل

وراسك من تعالى فوك الرماح
ظل راس الزمن لليوم نازل
هذا شاهدك يحسين موجود
بقه مجدك ... ومجد اعداك زائل
نور ابحضرتك يطلع بالغروب
شمس وانطت ظهره للسنابل

على كبرك يزید

على كبرك يزید نمر فرد يوم
كبر مهدوم خاسفته الحوافر
عمائم وامهات وخيل وجنود
وتجي ويانه الالوف امن المكابر
الرمح الشال راس احسين موجود
وسبايا الشام كلها تعود باجر
تجي ويانه الالوف امن الضعيفين
تجي الصوبين : داخل والجوانر

تجي امن المكابر صوبك اشكال
المنبوح اجه العدهم خناجر
يلما حسبت ترضع ثدي الموت
وسيفك جان ينحد بالخواصر

نمد اور اقنا ونتحاسب وياك
الناس تريد حكمه اشيبك طافر
عبد الله الرضيع نريده اليوم
منريده طفل ونريده كابر
من قصر الاماره اشجبت وياك
حريمك والمزارع والجواهر

وينك يالردت تكتب التاريخ
انكلك شو غبت وحسين حاضر
ياالكبرك ينز دم ضحاياك
ما شفت الفرات اشلون صاير
صح ذيج السنه شح اعله الحسين
بس هسه جره جوه المناير
اكعد يا يزيد وخل احاجيك
الخوف بضلاله اعليك كاسر

امك جانت تربي مقصات

تكص بيها الشوارب والصفائر

مشلوعه الاضافر والجرب زاد

بعد جلدك تحكه ابيا اضافر

شفت راس الحسين وكمت صليت

وعلا الصوت النشاز اعله المنابر

على كبرك يزيد نمر فرد يوم

كبر مهدوم خاسفته الحوافر

عمائم ...

وامهات ...

وخيل ... وجنود

وتجي ويانه الالوف

امن المكابر

قصة الصدر

مثل البحر و به الحوت
قصته الصدر و به الموت
يا لابس جفن عندك جواز
ابكل مدينه تفوت

ها يالسافرت
بحر النجف بي ماي
من جوه البيوت يفوت
من طول السنين
وهودجك رحال
عندك تذكره للموت

هذاك مسجد الكوفه ...
وابن ملجم كعد مبهوت

الموعد ساحة العشرين
كور بالجفن من فوق هذا الراس
الظهر صلت وراك الناس
صلاة الليل ابد متفوت

ياللابس جفن لايك عليك الموت
للمتلك عراضه وفد عشيره انصير
اول بيرغ ابغداد
ثاني بيرغ بطهران
ثالث بيرغ ابيروت

ودمك من تهدده بليل
ويه الخيل يركض ينده اهل الكوت
البحر والحوث والسكته وصدى الامواج
ريشه اطيح خدرانه
اعله ميل الليل ... نسمع صوت

اشعجب كل من قفل بابه
ويكضون المسه ببيوت
لا وكفه علة الشاطي
لا مسواك للسهره
ما طلعو سوه او كفو على حانوت
؛

متراضين هالايام مامش صوت
محد ودَى للثاني
رساله بيد كاتم صوت
البحر والحوث زعلانين متراضين
محد يعزم الثاني
اعله وجبة موت

اشعجب هذا السكوت
وقصة البسكوت

البحر يتمنى موت الحوت
بس الحوت لو مات البحر
هم مثله راح يموت
من شايف عدو
ويه عدوه يموت ؟!

بیر المنايا

تغطيت وبعدي الليلة بردان
لأن موانته يمي فراشي بارد
وينك يا دفو يا جمر الاحزان
احس بدمي بالشریان جامد
يا مهر الصبر ما كضك اعنان
نسمع بس صهيلك وين شارد ؟
كلساع وتعتني اجفوف بطران
ونا جلد العليه اقماشه بايد

تعال اوزن اهمومي وجيب ميزان
وشوف اشكد عذاب الروح زايد ؟
انسحبو من حياتي اهواي خلان
وبقيت بهالزمان الوحدي اكابد

سواد الليل يبقى وتطفه الالوان
واعيد بذكرياتك والمشاهد
على بير المنايا وجيت عطشان
مجبور وشربت الماي راكد
وياك بعشرتي ياليل خسران
مثل عشرة النار اويه، الكواغد
اذا كل طير عنده اثنين جناحان
مكسور وعشت بجناح واحد

اكر ب يالبعيد الكلب مليان
غنه وبوسات وهموم وقصايد
لو طاهر حليبه الدهر ما خان
ولا طكني اعله راسي واني كاعد
جاما ذبلك ياخذ يريان
وتجاعيد الوجه لانسان فاكد

كلما صادفت بالدرب صبيان
اصد الكل صبي بعيون حاسد
بحكلي اغبش عليهم ويه الاذان
واكعد كل هلي واحد الواحد

عيد وصبحيت بوجه نغان
عايدني وكلتله المن تعايد ؟
محد عرف نقطة ضعف الانسان
وقيمها بسعر دمة الوالد

طال العمر صار خيوط كتان
كلما تتعكد بالجر تعاند
يا حيدر بعدهه الجمره للأن
واجبت لهبة زكية بجمر زايد

تغطيت وبعدي الليلة بردان
لأن موانته يمي فراشي بارد

وينك يا دفو يا جمر الاحزان
احس بمني بالشریان جامد

لاوين

الى حيدر

لاوين بويه اتلثمت
وانطيت ظهرك للريح
لاوين ..

شاورت المهر
واصل صهيلك للسمه
وخاف اثعش نجمه
اطيح

دم بسر اديب النجف
والعالي عالناصي ايسيح

عالبير شفتك دنكت
والله خفت
بير وملك بيه ايصيح

يمسـافر بـليلة مطر

تعب اديـه اتلويـح

لا تنسه موعـدنه الصـبح

باجر ...

اباب التـشريح !!؟

بحلّالة النوم

والصايح ندهني اكعد

عاركني الولد بالطيف

شك ثوب العليه ومرعه اتمرعد

ركضه وللطريق العام

وخيول الصبر ما فادها اتحدد

مدمي وما غسلت الدم

غبشت بليل .. انا المشتاق

عندي اويه الجرح موعد

ادك اعله الخواصر حيل

امرد بيهن اتمررد

وبسجين اكشر الروح

حتى الشافني يشرد

راح افرش جمر سجاده للخطر
نوبات الجمر من يحرك ايبرد
كالو حادثه ابهل البيت
ناس تروح ناس ترد

واستعجلو بالتشييع
والسايق تمنى ياخذه ويشرد
احنه ناس ذبلانين
بس جان الولد بيناتنا امورد

احنه ناس مكطوعين
من دون البيوت ابيتنا مفرد
احنه اهنا اذا يشمر عباته الليل
من الخوف بين اجلودنا نلبد

الما عنده ولد مكتول
خلية يطلع ويرشد
الميتله ولد يبقى
الميتله اخو يكعد
تره غيم الولد جتال حتى لو بعد يرعد

كبر سنبل حصادك واشتهاك الموت
وشيختار غير الزين
عدنه الموت من يحصد

طالت نومتك وتعدت السننتين
مو طيب يصير الماي من يركد
بويه فكرت لمن غبت ننسأك
احنه مو حيايه اتذب جلدھا
ابيومھا اتجدد

طال الليل واميال الدمع

نزلت على التابوت

واميال الدمع ساعتها اتزيد

صحت للناس غبشه بصوت ابو مفجوع

والشيخ البعيد ابمأذنه يمجد

الما عنده ولد ميت انا اترجاه

خل يبعد ؟!

انا اترجاه خل يبعد ؟!

حك الموت .. لاجن

الى القلب حين توفى

حك الموت

لاجن نعتب اعله الحك

هم مره استحي !!

هم كصته تعرك ؟

عجب من شاف نعشج شال

لا عينه انتشت..

لا بال جذب دنك

بعد لسه الشباب ايلوح

وبعده عطرها ابثوبها امطرك

بعد لسه المسج والهيل

وتهب ريحة اخضيره اعلينا من تعرك

يا درب الشطوط اشكثر بيبك الجدام

تمشي مطينه ورغم الحذر تزلك

زكيه احجيت قصتها الى الدفان
لكن بالحجي الدفان ما صدك
يا كاع النجف وشكتر بيج اسرار
نحسده الصبره اشعجب ما تزهك

ما عدنه ارض تاخذ جبل مكتول
واليدفن جبل ينرادله خندك
نعاوينه نكضي الليل بالونات
ويصبح علينا بدمعه نثريك
ممصذك غرفتج تبقى كلها اتراب
واخشاب العرس تابوت الج تنذك

هالمرت علينا اجيال .. يابو اجيال
ظل باب الحزن مفتوح ما يرضاش يتسرك
ويظل ثوب الصبر مدروع
تخيطة الناس يتفتك

بعدنه انوح ونكدر ثياب السود
ويظل لون الحزن بكلوبنا ازرك
يوميه الي جنبش
سفر وضعون تتفرك
جيت اركض يدرب الموت
لاجن الركض كدامي ما لحك

لو رايد فدى ننطيه
ونخلي اسنينه اعله الروس تتفرك
لو رايد بدالج جان اصيح أنه
وتكول الناس جلمة حاك

هسه ارتاح

الى كاظم الركابي

هسه ارتاح..

ذب المنظره وامسح دموع العين
وتبارى النعم وي منجل الفلاح
طفي آخر جكاره ابخشبة التابوت
لان كلب الخشب بس بالجوي يرتاح

يالطولك رمح خاف الشماته تصيح :
مو بس الطيور الناصيه تتلاح
يالعمر ك سهر راح المنام يطول
تره نوم المكابر مايتعب اصفا ح

احجزلك شبر خاف المكان ابيضج
مطبوعه الاسامي والمبلغ صاح

شد نوط المنيه بصدرك المعلول
برفوف المنايا مصفطات رواح
فوك ارواح

لا تستأحش امن الموت
بي داخل يجلبه لثعش ساعه الليل
وحضيري يغني اشلون الك مصباح

مو وحدك رحى وتخاف
كدامك مجيد الجاسم الخيون
والغزي — وصفيه — وزامل الفتاح
كل احنه اعله سدية هالزمن ميتين
يتسله بكلبنه مبضع الجراح
هسه ارتاح ..
هسه ارتاح ..

ولك يا شط

الى علاء الماجدي

غلط نوبه الدهر وياي
كلت انوب ما يغلط
يبجي ابراحته المالموم
ماكو احدّ وره البيبان يتسنط

مأتمنه بعد منصوب
بعده اخضر جرحنه البارحه اتخيط
ودكها انوب .. دهري وياي
صرخت موت منها الجلد يتكشط

عضة ذيب وانري الذيب
نام ابابنا ومن شافك اتمغط
اشعنده الموت هالاياام
اكبال بيوتنا بطول الجفن بسّط

نصّة كاع سوانه

ومزاريب الدمع عالكلب تتسلط

واستعجل عليك الموت

اشجان يصير لو خلاك

لمن شـارـبك

ينخط

حرامات الشباب ايروح

والشعر الحلو بايدين المغسلين يتمشط

وسفه اعليك

جنك ما سمعت اليوم فوك امن السطح

ينغط

محد عطس وتوانيت

ماكو اغراب طار

وحط

ولك يا شط

أخذت الزين وترهيت

مو ابني سبع بالجيب ما ينحط

ولك يا شط

يرينك ناشفه أشفافك

عليل وبالمشي تفحط

سوانه الدهر وجبات

غيرك من نصيب الكاع

بس انتة نصيب الشط

نكبر صورتك يولا

الحايط ما يكفي صورة المحروم

وتصوير الهلال البسمه

ينحط

طالك يا فرح
من احس طلكناك
والدفان بيده الخط

بعد الدنيه ما تتراد
نحسبها وشيعه وراسها امخربط
ولا عدنه درب ثاني
نعيريه — نجف خطنه
وما عدنه درب ثاني هاي الله نهاية خط

قدمنا الفدى وما ضعفت السجين
والسجين من تضعف
تصير ابسط

رياض احمد

رحت شيصير لو باقي بعد مده

رحت شيصير

لو دنكت راسك لما سيف الموت يتعده

كل مره تسافر واحنه نتلاك

هالمره سفر لكن بالا عوده

عرفنه افراك هالسفره علينا يطول

من طاحت اديك وكاسك اتبده

يا هالكاس لو ندریک

ما تحمي النديم وتکلب ضده

کاطعناک من مده

يا شباج لو ندری سموک حار

سوينه جلدنه امن الصبح برده

ضعيفين وعلينا الموت يتعده

من هو اللي يوكف الموت

عند حده !!

يجي صوتك يجي بالليل

يمشي بشارع الوحده

يجي صوتك يجي بالليل

زار المكبره اشعنده ??

تخيل صوتك ويرثيك

من يكدر يصبره ويكدر ايرده

كل مره تسافر واحنه نتلكاك

هالمره سفر لكن بلا عوده

ابو الطيب

جيتك فقير الحال ودمي ملتف
لبني بجرح قاطين وهوايه كلف

امس واني بحلاة النوم ...
وبفكرة شعر بالليل متعذب
ونسماوات الهوى بنيسان
ترفه اعلاه السطوح تهب
ندهني صوت شاعرنه
وعرفته صوت ابو الطيب!!

سألني عن جديد الشعر هالاياام
والناس اعلاه الضيم الصابها
شتكتب ؟

اشتكتب والجديد البي فرح جذاب !
والكلك جديدي يفرحك يجذب

امي امن الزغر تتكل حطب للناس
 ويفور جذر هه ومدرني شتر ك.
 ومصباح لايم صبتلي بالماعون
 من ضكت الحزن شفت الحزن طيب

بكماطي جنت واسمع نعاوي افراك
 واطك نهاتي بحلكي من تحلب
 من الباطل تشيب لحايا الناس
 مو من الكبر بنيادم يشيب

تسأل عالسماز الخلف الوجنات
 دمك يحترك لو كلبك يعطب
 وانه انسان ما اقبل اشوف انسان
 متعذب

البلبل ما يغرد من يشوف غراب
فوك التيل متكهرب
مبعد يا قطار الفرخ وين تريد
اخذنه وياك بلجي بدوستك وياهم انجلب

اخذ وياك شاعر كل رصيده اجروح
يفتحلك حساب بأي مدينة طب
اخذ وياك شاعر محد يحس بيه
يدور عن دوه الشريان متصلب

حك الله بمهابه يكون اله اله الدكتور
وللردهه الجروح ايمن بموكب
دنيا وغيث من البشر اطباع
وكلب الضيف ما يقرأه المغرب

لو مية سنه بعد التلث تيام
ما واحد يكلك طلبتك يا ضيف
الا نمدھا اله وبلسانه نطلب
كالو بيض هدهد بالصدر خليه
شو طلعو حيايا وفرخو بالععب

انا الحسبو عليه دكة الميزان
وانطوني الكشر وتقاسموا باللب
انا الربعي تسوني بلمسة المحصول
ومن رديت بس الشوج
ظل بصايتي امجلب
ملحه اهدومنه مالات عشر اسنين
مو سمران ... بس هن علينا الوانهن تكلب
ما غيروا طبعي وذاك أنه ضليت
بدوي بغير ناكه والرمل بالعين
لكن بامتحان الصبر ما ارسب

تهريب

ماخذ ويأي العراق بجنطه ما كفت الجنطه
طالعه منها مناره وعثك نخله
وشعله من عيون نطفه
وراح نوصل ... ذاك حد السيترات
وذيج ضويات المحطه

وين اضمها ...

لا هو اكتاب ويخليه المسافر جو ابطه
الحمد لله الدنيه ليل ... ونقطه التفثيش سنطه

هاي نقطه ويمها واحد ...

نقطتين ... اثلاثه ... سته ... تتحسب مليون

وصاح مسؤل النقاط بصوت عالي ...

هاي ما معقوله جنطه

بصيحته انزعت الساحه
رجال أمن ورجال سلطه
بجرت السحاب شافت عينه نجمه
وطكته ريحة الحنطه
ما لكه غير العلم كلي : شيفيدك
كتله غربه ..
ومن نموت اهنالك ؟
جا بيش انتغطه

اخذ للجنطه تحيه
وكلي توصل بالسلامه
وهاي اول مره افوت السيطره
وما انطي رشوه
وتستعد كدامي شرطه

من هو بحالنه

من هو بحالنه احنه المساكين
احنه المحدث انه المدرسي امنين
ومن يسأل علينا لمن نغيب
حتى لو غياب ايطول اسنين

خلصنه عمرنه بالمحطات
سفر وبيوتنا سطوح الفراكين
مرسومه بجلدنه ذيج الانياب
الجرح لو طاب هم يترك نياشين

وين اهلي علي ما دكو الباب
تره صحتي عليه وكلبي موزين
خسارته جبيره زغشمه عالسوك
بعنه اعقولنه بسوك المجانين

من يستاهلج يا دمة العين
مسكين اليداين دمة العين
تمنيه نموت بغير تعذيب
وعلى المذبح يطفنه صارله اسنين

فظ الازرحام .. وقله الناس
وما كدامنه بس واحد .. اثنين
يوصلنه السره ويتأجل الموت
يم ركابنا
وتعمى السجاجين

ریش غربان

لان نعرف بضنه انتہ زعلان
المای یسافر اویہ الغیم والريح
ویرد ویہ المطر وطيور نیشان
واعرف مای عمرہ ما رفع راس
ناصي وما يعيش بغير وديان
كلوب الماصحت من نیج الجروح
تبقى امفطره رجلین رعیان

وطبع الكوز من یوشل المای
كلما فرغ صوته یصیر رنان
احنه الوازینك بالمثاقیل
ونكلك ورم وتكول سمنان
عین بعین یامن توزن الریش
تراهه اتكلفك دكة المیزان

فرق بين الحفظها بعركة الموت
وفرقت بين الينبهي وهو بردان
واكو غيمه بحملها اتجيب كطرات
واكو كطره بحملها اتجيب طوفان
واكو مدفع يذك رأسه من سيف
واكو احجاره بوكتها اتصير رمان

هالا صبع نبتره كون ينعاب
ونكص الراس من ينعاب وجدان
اذا جرحك شفه وشيتك نسيناه
عجب سيفي اويه جرحك عاش للان
مدينه وما اذكرك بالدواوين
وابو من ينحني ابصبة الفجان
سادتمن يبعد اهلي تردون
بالخرطوم عدنه اهواي سودان

احباش بسفينه ونبهم الروح
وبايهم " شلع " بالجلعه سفان
سبع اعيون من عين اليحسدون
هنه صخول وانته تكول غزلان
نياشيني على صدر الخليات
، والله جا حجن لو عدهن السان

حك شعرك تلمس فروة الراس
نوبات الكرون تصوير تيجان
خلي الماي من جواك ينساب
فارغ بس تعيش باسم رنان
مسكون بعقد ريش الطواويس
هذا اليملي جسمك ريش غربان
الي حلم النمر من يلبد بزور
ما يرضيه يتصيد غير غزلان

انه اكدر اطلع منك اشكال
لكن ما امد ايدي بالسيان
لو تدري اشكتر فوك تعليت
ومنتكلي تكسر ظهر الحصان
لو تدري بعد ما تحجي للناس
بلعة ريك هيه وبلعة المان

كظ حدك

كظ حدك تره تماڤيت

كظ حدك

ولك داير جرب بالناس

خليك اظافر من تحك جندك

هاك مرآة الايام

لو عندك اعيون تشوف ...

شوف الطين البخداك

عليمن جاعد وانته

لا تاهب زبيبه ولا كتلت حصان

ولا جدي بمضيفه كهوجي الجدك

واحنه كلمن بدينه

لا شعري مو مثل شعرك

ولا وجدي مثل وجدك

عليمن جاعد وائنته
تسبني وتتتظر ردي ...
واسبك وانتظر ردك
لا صلت وراي الناس التريدك
ولا كفارنا باصنامها اتعبدك

لكن بالشعر نندك
تكصر اكر امدك
تتحل اكر الشدك
يالعمرك جزه الخمسين شايب ما كمل رشدك
عمرك مواجزه اهواي
وائنته بعقل الحديثات وجفوفك على نهديك
ولو تارس شليلي احجار
عفتك تتبح الوحديك
الي ساعة غضب وياك
تذكره الولد ولدك

توازت

توازت والله يستر من الموازه
كرهت الروح
جن روعي طريق اتكتلت بيه ناس
وجنازه وره جنازه

يا صبر اليضم الاخ
وصلت للعظم سجينه العازه
ولا عندك غرض يسوه
كضن سلعه وره سلعه
بسعر مكسور ... بيعه ناس معتازه

بده حبل الحصار يضك ..
يخز ويضك
وكشفو ابطونكم شوفهم احرازه

امس معزوم یم شاعر
بتت ویاہ ... اخذنه اللیل
ریکنی جرح بایت و غدانی جرح تازه

امس معزوم یم شاعر
تتاقشنه علی الحالہ
سکاری ومو سکاری احنه
وکع بطل الصبر واطشر کزازه

وتکلی لیش نتوازه
یومیہ حزن واطفالنه یموتون
وجنازه وره اجنازه
رادو یا جسر من تتکلب بالماي
حایط والجروح ابجسمک ادرازه
رادوها ظلام ولیل ینزع لیل
ولا کرصه شمس بخدود خبازه

توازت يسقط العايل

توازت يسقط المايل

مو نبجو شعبنه وعلمه وانجازهم

وشعرنه وحلمه واعجازه

تعال وشوف بالوكفه اشتبيع الناس

مو بس الغراض ..

اجساد معروضه اعله الميازه

تكلت يا ربع مالت لطم عالراس

مو حتى المعوق ما كدر يجنيله عكازه

نظل الياوكت عالميز

قطعة جام ارضنه وهم المازه

امس ولدت قصيده وكطعتها بسيف

لمن طاحت اجنازه

عريانه القصيده وبيش نسترها

اذا راتب شهر ما بيه متر بـازـه

حَبْ و عِلْج

حنيت لسوالفي وعشكي ومواعيدي
زفه اعله هور الملح نزلن طراريدي
قاطي القديم انكوى ومتحضر العيدي
رحت اخطب اخت الكمر
وياي اجاويدي

ليل الخميس انتجى
والكمر مثل الطفل نايم على ايدي
باكتتي غفوة حلم
وانباك كلشي حلو من صوغتي وصيدي
سلاية الهور اجت
صعدو على شجرتي وهزو عناكيدي

عريس وتسلبت
ضموني جمعه وسبت
ومصباح الحد مشو ... باعوني بمريدي

وتريد شعري حلو
لمن كبل غردت من سمع تغريدي ؟
اتريد اسمعك شعر واحنه نعيش بزمن
ينسه بحور الشعر بيه الفراهيدي
حال اليأسره الزمن
اركض وره دنيتي وحبالها بجيدي

ثلاثين عام انزفت
والدم ينز من جلد كتبي وانا شيدي
يالغشتك حالي ... ما عيشاني الشعر ... ولا يوم حط بيدي
بطل امن المدرسه
وحب وجكاره وعلج ... يا جنبر اوليدي !!

زهريات

اصل الشفايف عسل واصل العسل منتمر
حتى بعذابك حلو كلك حلو منتمر
ازرع ادروبك ورد ويخضرن منتمر

كون اوصل الركبتك واندك عليها وشم
وبخدك اكضي عمر بين الروايح واشم
يا اجمل الناس يحبيب وطيب وشم
بس نعتب اعليك مدك بابنا منتمر

يا جرحي يالملتهب كرص بروحي وصل
والله ملزم سره بدكتور لو كص وصل
فكيت باب الجرح ولكيت عكرب وصل

بس اني مصيوب كلبي والجمر واجبه
لولايتي جيت وادري بجيتي واجبه
لو ازحف ازحوف انطي للعرس واجبه

يلما تكطعون مانكطع وياكم وصل

الفاتحة

مشتاك الك روعي عليك مفرفحه

وين اصبحت

والضيم يطحن بالبشر طحن الرحه

وينك بذاك المستحه

القطره هاي التنزل امن الكصه جانت مالحه

شنهو الجره

اليوم الدكاكين التبيع الجفن كلها مفتحه

امحمره اخدود الفجر لو نجمه بالدم طايحه

وجيران اجو من الدفن وتراب مليانه اللحه

وركضت الناس التستحي

ركضت ونصبت فاتحه

وسألت عن الميت كالو مات عدنه المستحه

الفاتحه .. رحم لبوه اللي يعيد الفاتحه

عالمستحه

اللوحة

واحد بناله قصر باسعار مفتوحه

واحتار بالواجهه وبكلفة اللوحه

رسموله طير بسما

والايد متلوحه

واللي رسمها تعب بالجيه والروحه

الرسام دمه الصبغ وتكلفه اللوحه

ما عامل اعله الرسم عامل على اجروده

طال النقاش وعرض

واللوحة متعلقه بالكاع مطروحه

وايام بعد الزعل شفناهاه ممسوحه

والطير منها اختفى

ومنهم سحب روحه

والطير ليش اختفى ؟ ...ومنهم سحب روحه

الرسام حطه بققص ببياناه مفتوحه

ابوذيات

الجو مغبر ينهاي اليوم وتراب
وعيونني تصد للضعن وتراب
حسافه تصير بين احجار وتراب
ونادي ولا ترد صوتي عليه

تعال وشوف بالدلال شيبات
كبرنه وصار اسمنه اليوم شيبات
اعاين بالمرايه وشفّت شيبات
كلت يا روح هذا انذار اليه

ظل غامض سؤالي وياك منحل
وجسمي امن السهر ياليل منحل
وحياتك صرت بين الناس منحل
العسل حصتك وانا اللسعات اليه

امنية

تمنيّج مثل ما ريد ضني وزا علت ضني
وتتمنيّج هدم بالروح ويحير البجي بيني
شفّج يا حمامه محجله بجرحين
بالدم ريش متحني

ومن يسمع غنه العرسان
من يدري بكلبهم شايب يغني
تمنيّج مثل ظهري ... جسر محني

جسر ينقطع بيه ..
يذبني فوك الماي
والمي يبتعد عني
واطيح بكاع لا كاعج ولا كاعي
ولا بيها اثر منج ولا بيها اثر مني

تمنيّج اليه وكبل هذا الحين
بس شلفايدّه
وشارب طلع لأبني

تمنيّج مغارة كيف
بيها انزرع جلد حزني
من بعدج واتوب الروح
جانت كاوليه
اوين ما يردونها تغني

تبارينه الذمم

تبارينه الذمم والحب طويناه
ورمينه الذكريات احجار بالبير
مادام النهر ضيك عبرناه
وكلمن خلي يذكر صاحبه بخير
صداك عدنه هدف بس ما وصلناه
مشي الحفاي نمشي اعلاه المسامير

ولو كلشي اليضيع انه منلكاه
خشب ويصير بحلوك المناشير
شلك بانسان مثلي الدهر سلاه
احسن ما يطيح وبيه تحير
لو يدري رحيم وياه
ربك ما يسوي اجناح للطير

وجا حتى السمج بالمائي خلاه
لكن كلنه نعرف هاي متصير
بشرنه اليوم منهو يعيش وياه
واللي بي يامن ركبته اطيير

تبارينه النمم والحب طويناه
ورمينه الذكريات احجار بالبير
مادام النهر ضيك عبرناه
وكلمن خلي يذكر صاحبه بخير

لا تستحين

هاي هيه وداعتج لا تستحين
دوسي فوك الروح .. العبي
واعديني ولا تجين
حبي غيري ... اتشافي ... اضحكي ..
صاحبي ... وحقح يطلوه تصاحبين

انتي ماول حبيبه
تمرعد بسجينها اهدوم السنين
وليش كل احنه حزاني
لا يشيل اهموم كلبج
يكفي بس اني حزين
يكفي اشيل اهمومج
اهموم الشماته
اهموم دهري ... وكلهن ابهل الركبه دين

وصيري ... صيري اشتشتهين
صيري ليل الوحدي اسهره
صيري شط بليل اعبره
صيري ... صيري اشتشتهين

يوم بيضه ويوم سمره
يوم غيمه ويوم كمره
صيري يا زرع العمر شتلته ونين

مو عجيبه ..
اتموت كطرة نده بخد الياسمين
واني وحده اللي احبها
وانتي بدري الله
اشكترهم عاشكين ...
وعاجبين

وما اكول اكثر ... شكولن ؟
هو ذنبي لاسكنت اويه الاجوني
ولا تبعت الراحلين
ولانه خالي ومختلي ومرتاح بالي
ولاني من العاشكين

ومثري ليلي اشلون اخلصه
لا سهرت اويه السهارى
ولانب من النايمين
ولاني عابد وارتي الجنه امن اموت
ولاني من الكافرين

اني قصتي وباج قصه
انكتبت ابورقه قديمه وخط حزين

وانا وين ؟ وانتي وين ؟

انا لحظه

اشجايها...؟ اللحظة ...تدك باب السنين

وليش اوج واشتكيلج

وانه اعرفج تطفين النار ابانزين

واعترفج انتي ما عندج ذنب

واعترفج اني جنت بلا كلب

شلي بعلوم الاحبها وتحب

شلي بالعين الوسيعة الما تضم بصيبيها

تصوير المحب

شلي بالنار بشتة العشاك

تطفه وما تشب

شلي بالكنله بهبوب الريح

ما تلعب لعب

انا وين ؟ وانتي وين ؟

ليش اوج واشتكيلج

واني اعرفج تطفين الحريق ابانزين

وليش اموتن موت غيمه

وبالجزيره الغيم خطوة تايهين

آه يا بنت الحلال

آه يا بنت الـ...

لو اكو تأمين عالحب

جان اطالبهم يرجعولي ولو ...

ثلث السنين

ولو ربع السنين

ولو ... ولو

دك الحجر

دك الحجر بالحجر

يطلع شرار ونار

وهز الشجر بالشجر تتملي الكاع اثمار

كرب نهر من نهر

تلكاه قوي التيار

واني التقيت ابشر

جن لاکي کوم احجار

يابوي اصبعي جمر

العود كلش حار

اعزف علي يا وتر

وتكطعت الاوتار

غنيت حد البجي ...

من لوعتي يا سار

الزمن ما يوم شفته راحمه
وبايام الطفوله راحمه
تكلي اشراح منكم راحمه
الجثير وظلت العله خفيه

الشرق صاير غرب
والغرب صاير شرق
الدنيه هيح اصبحت لو راسي انه اندار
صاير انه مو انه
صاير غريب اطوار

قررت اصيرن خشب
وظلت على رغبته شيفصل النجار
يصبح مماتي سهل
لمن اريد انتحر اركض على المنشار

يابوي دار الوكت ولون دوره اندار
الاب غدر بالابن والجار باك الجار
يابوي احنه بزمن ... ينباع كلشي بثمان
واللعنه عالدولار

ميزان جان ونكت
ديوان جان وسكت
والشور لهل الربا والكلمه للتجار

طش الدغش يولدي ... وخاف لا تتعدي
ويجرفك التيار
ابوك رغم الظرف ما طول ايده وسطه
ظلت اديه اكصار
ابوك عايز جنح ... جا باسك امن الصبح
ودع الديره وطار
ودع الديره وطار

زهريات

راهن عليه الذي للبيع مي كصته
هوه واشباه الزلم واشكال من كصته
كصيته بيدي الدرب مو ناس الي كصته

ولا سوك بيع وشره وارسم وزور تحف
حافي اعله درب الجمر واطار بي تحف
انته مهنتك حلو تلكط تميش تحف

موشعرك اللي حلو شعرك حلت كصته

جذاب واهل الجذب روحك لهم نازعه
وادريك يوم الصرت ثوب الحيا نازعه
بالراس تاج الشعر محد ترى نازعه

مليان بير الشعر والمي بعد ما نفذ
سهمك عثر بالجلد تحت الجلد ما نفذ
صبرك على اهل الحكم بعده الحكم ما نفذ

يوم وتشوف الدهر جلدك تره نازعه

الهوى

الهوى كون الهوى ينباع واندله
اروحن لاغلى البييعون واشريك بلا عمله
واشريك بلا عمله

الهوى كون الهوى ينباع بالجمله
اقايض باربعتهن واشتريه كله

ولو شفت القطار تحير بممشاه
عين اعله السماوه وعين عالعله
اكله اهنا ... كبرنه اهنا
بعد ما مش صديق بعيد
كل واحد واله سرداب يم اهله

افكار الجنة

اخر افكار الجنة

يزرقون الميت بابرہ تعيده للحياة

وينختم بالشمع الاحمر باب كبره

وحرس يوكف عالرقة

ويرجع السجنه وعذابه ... للمزله ... وللوساطه

ويسجد اباب القضاة

يحاكمونه من جديد

واصبغ الحاكم تهدد بالوعيد

والمحامي شخص مختل وبلید

يسألونه ليش مات

اشلون مات ...

والرصاص اللي اخترق صدره وقميصه

كان عصري ... وصنع بارقى المنشآت

نقص الامه نفر واحد عجيبه
في عصر لم الشتات
وطلعت الرايات سود ... احتجاج
بالخليج ... ومن النيل ... وبردى
ودجله وفرات

استمرت محكمتهم ضد قتيل
يا الهي اشكد قساة
في طفولتهم لكو ثدي الجريمة
في شفائهم يبات
ورضعوا انبوب النفط ..
ما رضعتهم امهات

نقص الامه نفر واحد عجيبه ...؟
في عصر لم الشتات

قامت اعليه القيامة
وانحكم يدفع غرامه
والدفع محسوب من يوم الوفاة
لكه في بابہ از دحام ...
وبادرت كل الدوائر
الضرائب بلغت كل الجباة
والبريد الوصل التبليغ بادر
في دفع اجر السعاة

الصحافة الصلحت خبر النعي
بحقل النكات

شخص عادوه للحياة
وهو ما عنده رصيد
وكتبو الشيكات باسمه
تجبرت لامر الجناة

والعقوبات المضافه في حقول الملحقات
للقوي ادفع الجزيه
وللفقير ادفع زكاة
وهذا بحر النار اعبره
واخذ قارب من ورق .. واعتبره قارب للنجاة

اخر افكار الجناة
الميت يرجعون عمره ويبقى نفس الشكل شكله
وتتسلخ عنه الصفاة
ينطفئ الضوء بضميره ...
يصير حاقدا

هو حافي ...
ويزرع مسامير في درب الحفاة
هو راعي يصير نيب
ويغدر بريعه الرعاة

تقمص الدور البديل
واجبه يقدم الطاعة للسلطين وحرّمهم
للشيوخ ... وللولاة
يروح لأقرب مدرسه تعلمه التفاهه
وانحناءة راس في كل اللغات

يعيش في بيت الامير
وكلما يكبر صغير
وكلما قام ابظوله يمنح شارة حقير
وكلما كسر قيوده
يبقى شي بداخله يخليه اسير
ودوره اللي بالحياة

نكروه عنده شهادة للوفاة
وراد يرجع يرفض الدنيه الجديده

والامر ما حصل بيده
لان ما يملك ثمن شفرة حلاقه
حتى بيها ايحز وريده
وابقايا الدم يشيد بيت من جرح القصيده

وصرخت الحلاج في كل الجهات
يبيع ثوبه وينطي رشوه
حتى يتسلم بطاقه اتاهله الفصل السبات

وبجهد من الحرامي
اللي دخل للمحكمه بجبة محامي
تحيطه الغلمان وصدور البنات
يدفع الميت غرامه
وتتكطع عنه سرايين الحياة

وهو ما عنده رصيد
غير جنسيه وشهادته للوفاة
راد يحتج .. يصرخ بوجه الطغاة
وندهته الزوجه المريضه
اشبي منامك
كثرن احلام الليالي المزعجات

فتح اعيونه بصعوبه وكال جمله
هذي احلام الذي يجوع وبلا خبز ه يبات
وبعد هاي الجملة مات
ومن صدك هالمره مات
والشيونح احتقلو بليلة مماته ..
في طبيعتهم قساة

ذنب الخميس

اجيئج والكلب صندوق

بي لهفه وعطر وبى خوف ..

خوف اشكد حلو

بي ليل ... ليل بوجنته شمعہ

اجيت وكلبي يدفعني ...

ايئعثر يدفع الخطوات واندفعه

ربيع وخضر الصبير ..

والشجره عروس مزوكه وحلت كصاييها

ومشت بالشارع امفرعه

ورّد كل هرش مدفون

اصابع خضر

والورده اعله خضر الروح متربعه

جيتج من طريق بعيد ... وبعيني

شكو بعيني

اظن ضحكه خجوله مكبعه بدمعه

اظن المستحه ويا حيف

لا زنبى ولا زنبج

يظل زنب الخميس بركبة الجمعة

وانتي امن السنه العيدين

وانتي امن الاسبوع الويله الجمعة

بيج من الشمس وجنات

وانتي امن العيون الناعسه الوسعه

وانتي بالحسن فينوس

وانتي بالشعر فدعه

وانتي لليحب مكتوب

وانتي لليحارب خونته ودرعه

وانتي للضرير اعيون
وانتي للوحيد الينولي فزعه
واذا للدنيه خمس فروض
لا انتي عليه افروض الج سبعة

انا بلياج ليل افراك
لا رية كمر تلهث على الشباج
ولا مطرب الحي يغني ونسمعه
وارخص وانشري وانباع
مدري بيا رصيف
تصير شذرات العمر سلعه

ولو يحجي القطار الجيت بي جا كال :
دكات الكلب

غلبتني بالسرعه

جيتج معتني خطر
مثل الهور من يكصد محب خطر
ياخذ كل نسيمه ومايه زطيوره
خليت الكلب عالماي
واستتظر ... اذا ما صارت القسمه
اتييه وتاخذه السوره

بعيونج بحر واسرار
وسيوف وسمه ومحار
بعيونج شعر ما نعرف ابحوره
بعيونج ضحك ودموع
وهمس ما ندري بيه مسموح لو ممنوع
بعيونج مغني اخرس يهنيال العرف طوره
وعرف علته وعرف طبعه ??

اظنه المستحه ويا حيف لا ننبى ولا ننبج
يظل نذب الخميس بركبة الجمعة

شمينا دم بالريح



جاك البرد ...

شباينه اجفوك كصيره

ويا كتر منه نسد

شباينه المهجور شمينه الشتّه

ومات بسنادينه الورد

شباينه الحلمان

كطرات المطر تنزل على الحايط جرح

وتغسل الوجنات بدموع البعد

جاك البرد ...

جاك الثلج ..

جاك الضباب ايجفن الفانوس

يا شباينا اجفوك كصيره ويا كتر منك تسد

شباچنا ... الينسه السنين

يضيع دمه ويندفن تحت الجلد

جاك المطر خيال

والبرده كصايب شعلت المسمار وياهه

وركص ويه الهوى التالي كعد

شمينا دم بالريح ...

شارعنا انترس ...

شمينا ادينا ... اترابنا ...

الدم يمشي فوك الريح ...

يا شباچنا .. وشد ريتك اعلاه الباب

تشتم ريح موسمنا وترد

واحنا على اسطوح البرد ...

نتراجف من الليل ..

يا شباچنا اجفوفك كصيره ويا كتر منك تسد

تمشي الليالي اعلاه الجفن ...

شباجنه

اشمعنى اليموت بلا جفن ...

هذا الیحب الكاع ...

من شلناه بقى اعلى الكاع كلبه

وطلعت امن اشكوك تابوته

تصاوير الوطن

هذا الیحب الكاع

من شاف الثلج صاعد على الجمار

حط كلبه اعلاه مسحاته وصفن

وذبح العجوز اتشوفها

تسعل توالي الليل كل اعظامها

وريتها خامه امحركه

وما تفعل اتعوف التتن

ماي الشته بزومنا

وخيٲ الشته بهومنا

حلم الشته بعز نومنا

شباڭنه

هډومك كصيره

ويا كتر منك تسد

طرقات على ابواب الليل

اظلمت وانتى متانيه

وعينج تصد للساعه بكل ثانيه

دكات كلبج تتسمع

تبجين سنطه بلا دمع

شمتانيه ... شمتانيه

بينيه دنيه اغروب

وتعطل المحبوب

ساعه ويجي الليل وتنام الدروب

ساعه وتهب ريح

والشعر يصعد فوك مثل المراجيح

من يكبل الليل دمع الندى يطيح

ملهوفه تنتظرين وبكلبج النار
تعبانه شمس الشوك نزلت بالاشجار
ثاري المواعيد ما تكتم اسرار
يمكن نسه موعده ..

لو .. عنده غير احباب
هم مثلي انه انتظر
والكلب شمه وذاب

خليه نرجع سوه ..
وكلمن ابكليه اعتاب
باجر يجون بعذر وتبين الاسباب
دكات كلبج تنسمع
تبجين سنطه بلا دمع

شماتيه

سجة اجروح

تعبرني الفراكين واصيرن سجة اجروح

ويمر صوت الحزن يدوي ...

قطار يفوز الروح

وتفز روعي وتفزني

ونطيح بشوك الجروح

ويمر الصبح ويروح

ويمر الظهر ويروح

ويمر العصر ويروح

لجن أخ المغربيه حزنها ايشوغ الروح

تعذبني ... تكطعني ...

شفت دم الشمس بخودها يلوح

مجهول وتعب وفراك ...

لو مثل الكلب غركت سفينة نوح

انكرج والغروب احزان

دشداشه الغابه اتشككت بالريح

خل روعي اعله روعي تتوح

انكرج يا وسيعه عين

يا وسع الجرح من يمشي بالمجروح

انا ابهاي الجزيره اتخيلت حبح

مدينه وتلال واسطوح

دشداشه الغابه اتشككت بالريح

خل روعي اعله روعي تتوح

روحي يا روعي اشبعد بيها والمها

شبعد عدها اسرار تسوى الضم وضمها

روحي داسو فوكها وكسرو عظمها

وجانت الهم ...

آخ روعي اشجانت الهم ؟

حتى من تتجرح تضحك !..

تبتسم بشفاف دمها

ويمر سيف المغربيه يغني بركبة المذبوح

شدت ورداته اعله روعي

وتمايلن لجمن اجروعي

روعي اعله روعي تتوح روعي

ويمر سيف المغربيه يغني بركبة المذبوح

الجكاره بنار دلالي ورثها

وعاين دنيتي وشنهي ورثها

اخذه الروح ترثلك وارثها

ساعه انته تتوح وساعه هيه

ويمر سيف المغربيه يغني بركبة المذبوح
دشداشه الغابه انتشكت بالريح
خل روعي اعله روعي تتوح

ويمر سيف المغربيه يغني بركبة المذبوح
هلي شمديكم أنه انجوى بالنار
نكرتوني وبجيتو الخاطري ادموع
شفت ضيم الليالي وتعب الاسفار
وضكت طعم الخناجر بين الضلوع
طححت بمرض مثل امراض الاشجار
سكتاوي الوجع ما تكدر تلوع

وحك حزن العروب ودمع الاشعار
انا بكلبي غصن للفرح مكطوع
ردت اشري الراحه بغربة الدرا
وشفت روعي ونا الشراي مبيوع

انساه الموضوع كله ونيج الافكار
وشفت روعي التهبت بغير موضوع
ويمر سيف المغربيه يغني بركبة المذبوح
السبت خلصناه يخلص الاحد
مية قطع بالروح ما ينفع الشد
ويمر سيف المغربيه
يغني بركبة المذبوح

سيد نعيم

في ذكرى استشهاد اولاده وبناته في المقابر الجماعية

" عانت بروحي البعد عنه اكل انوب تفحط

لنها بانورة نخل كلما بردها العظيم تبسط "

حلاتك عفيه صبرك ما خلص صبره

خلك شمععه عنيده ما طفت مره

عفيه كلبك ..

سد شبابيجه وغفه اعله زنود جمره

عفيه خلكك

جم كسر ... جم صدمه .. جم مسمار

لاجن ماشكى مره وما رواه كسره

عفيه عينك

بيها دفكه شوف لسه وناشفه

وما بيها عبره

يا هوى التعبان زيزازية كحط
مر اعله الشته وصوغتها مطره ..
عفيه صبرك
والله لو محبوبس جا كطع حديد
وكسر اصخور الشواطي بنار صدره
والله لو غيرك نبل بسكوت
وتلاشى وتهدم بيت عمره

شنهو المسيك ؟
حس عدنان ١٠
حس عدنان شاطي وعشاكه ونايل وكمره
ولنته ناسي
ولنته قاسي
ولنته لعب اقمار يومك
يكضي كتبه ويكضي طره

١٠ الشاعر المغني عدنان السوداني

وانته ما ترضى الهوى ياذيله شعره
وانته ما ترضى الغيوم اتضيع شفايف الكمره
وانته ما ترضى السواجي تموت
وشفايفها جمره

والله يمفارك ثلاثه اشلون اوصفك
كل شياطين الشعر مني اتبره
وانته مهره ...

بحر ظهر طرة جزيره
وما نحرها الخوف مره
انته رسام وموسيقي وشاعر وفنان
وسع الدنيه فكره

العمر كاضي

عن الفرهود في بلادي

الدنيا مادام انتهت والعمر كاضي

منهو بينا بلا خطيئه ...

خل يكوم اعله الملف يكشف الماضي

خل يجي يجي يسويله مره

يشوف بيتي اشراح وشظل من غراضي

ناس سعدت ... ناس بعدت

ناس وصلت للسمه بفعل الحواسم

ناس بيه الهلوكت بفعل ماضي

ناس تزعل ... باللطيفة

ابو سيف يامر بالتراضي

واني باقي بخيمتي وسوقي وعكاضي

جان بامكاني اصير .. لآكن هموم العشيره

لآنه راضي آعله شيخى

ولا آليه الشيخ راضي

وجان بامكاني اصير ... املك... وقصور ... وارضى

لكن آعرف هآى كلها ما تساوى

فرآة آيد ...

وراس منآنى آباب قاضى

هآى كلها ما تساوى

نوم ليله آعله المآده

بليلة آوف وبال فاضى

هى لو بالسرعه تلتم ...لو على السرعه

يصير آغنى شخص آدنه الرىاضى

آلصت عمرى بدولتى

لآنه راضي آعله وضعى ...

ولا آليه الوضع راضى

الخواف

انا الخواف يا دنيا ..

انا الخواف من كل شي

لو احلم حنم مو زين ...

اني ارجف كبل رمشي

احط بالباب الف رزه

وافز بالليل الف فزه

وتعز روحي ...

واكل للخوف ظل بالبيت ..

واني امشي ..

لان مشغول يادنيا ...

وانت معذبه احوالي

اعبر عالنهر عطشان وامي مو على بالي
باولها وخلفتي وياي

شتر جاج من تالي
دنيا وخالفت وياي ...

بيمن ارتجي والمن
بس اطيور تعبانات يمي بليل
يلتمن

شوالف كلبي ودنياي ... بيمن هالكلب امن

تعز روحي

واكل للخوف

ظل بالبيت واني امشي

يا طبيبي

لا يا طبيبي توهمت والجرح ما شخصته
من كلك احتاج الدوه ...

اخذ الدوه الوصفته

مو هذا جرحي البجلد ..

بيه جرح ما شفته

رافكني وربينه سوه ...

لا عافني ولا عفته

بيه حجي الما ينحجي ...

بيه بجي الما ينبجي ...

بيه سواف من زغر

متعلمه اعله السكته

لا يا طبيبي قصرت

وتكلي كاتباك عمر

عمر يش هو العشته

ظيم وخلافات وسهر

واقرب شخص ضيعته

موهذا جرحي البجلد

بيه جرح ما شفته

ن

المريـا

عيوني تفتّر بالسكوف ...
وبالاركان وبالزوايا
ادور بحبات ليلج عن بقايا
من ييات الشوك ببندام غريب
تفز ملايين الخلايا

كبل من تمشين وجهج
يبقى يضحك بالمرايا
ردت اشوفج بالمرايه ...
وما لكيتج كسرتها
وشفت عشر اوجوه تضحك بالشظايا
ليش عفتيني ومشيتي
جنت اضنج فاهمه ابهاي القضايا

صفحتان من الملف

للدكتور حسين سرمك

١ تحت المشاهدة :

مدري شجاني السنه والعام

مانام طول الليل ... مانام

ثاري السهر مدرسة العيون

وكثرن غياباتج يالاحلام

مثل الجرح دافي بالفراش ...

كلبي نهر والسيف بلام

تحسدني ليش وتشتكي الناس ...

امي وابوي وياي بالبيت ...

لكني عايش عيشة ايتام

كبل القوافي يسهرن وياي

جنهن جوارى واني خيام

مومثل الاول طبع الاصحاب
تحت الصفر غيرة هالاياام
اطلع واجي تراقبني العيون
جاري يتتاوب الوكت ليل ...
نعسان جاري اشعنده مانام

شباچ يندك تركض الناس ..
اليكطع طريق اليسحب اقسام
ما مأذي احد ايها الناس
اني بسيط وقد بشر خام
لكن اسد شباچي بالليل
وبروحي واحد يكسر الجام

٢ كفيل خسار

اسمع غنه من صوت مبجوح ...

مديت اديه بحفرة الروح

طلعت منها كمر تعبان

بصدره حقيقه مطلعہ اسهام

جبت الكمر وياي للبيت

مطلوب راسه بتهمة اعدام

شاف الارض ما توسعه ومات

موتة غريب ابذيج الايام

الله یرحمه وبلغت بيه

اورقة وفاته انترست اختام

جرارتي انترست علامات

وبفايلي مية استفهام

يوميه جاري يجيب تبليغ

وعالسنختين ابصم بالابهام

اني كفيل ومني رانوه ...

ومنين اجيب البلكبر نام

ومن خوفي رحت وجبته بالليل

بس اشجبتلي

كومة اعظام !؟

منشار وسطه زلم امغتر وملتحي

عاف النجاره وسكت ...

ميجيب طاري الخشب ... ومن الضحك يستحي

وشعجب ما يبتسم جان بزمانه اريحي

صومه وصلاته الشعر

بالغار كضه عمرين ما جاه الوحي

شيغل نوب الشعر مو كل نوب بنمحي

ذكروني باللي مشو ...

لمن وراهم صحت ما سمعو الصايحي

المنشار مو صاحبي

ممسجل بدفتره وكلما كتبني انمحي

ايده اعله حلكه وضحك

غلطة الشاطر بالف والغلطة من صالح

كد ما اكل بالخشب
وكع اسنونه التعب
شاف المراه وخجل من الضحك يستحي

شكيت ثوبي وصحت
منشار سنك وكع من الضحك تستحي
بخبزة الحصة قبل
طاحت اسنون ورحي ...
طاحت اسنون ورحي ...

امشي وراج

امشي وانه امشي وراج
وشوفي شمسوي كفاج
لا تكليلي شجاك
بويه منري انتي شجاج
آنه مجنون وترس كلبي هواج

ولو طاح السيف مني ...
كلبي الاعزل غزاج
اني عاشك حتى ذاكرته انمحت
بس ما نساج
ياللي كدرتي ورميتي ...

وطحت مكنول بمداج
كون احطنج وراج وراج
وشوفي شمسوي كفاج

بليہ مقابل

من بعت سيارتي بليہ مقابل
رحت يم ضابط مرور
اهناك سويت التنازل
ومن بعت ذبيح السنه بفلسين داري
رحت بعد اسبوع اقرر ...
بالعقاري

وهسه اسال وين اروح
بعثت روحي ..
هم اكو عدنا دوائر خاصه
بتسجيل روح

اجن طيرين

اجن طيرين حطن فوك حايطنه
من شايف صفنة الطير
كل مخلوق اله صفنه
من شايف حزن الطير
من تصيبهن محنه

جبنه الماي عافنه
جبنه الزاد عافنه
فتحنه الباب بالعتبه بجن جاوين صاحبنه !!
بجن جاوين ثالثه !!
ثالثجن بالطويرات صار اطوير بالجنه
اجه صكر المنيه بيوم عاصف
شاله من عدنه

جفلن هالطيور وصفكن الجنحان
صعدن للسمة بونه
جفلن هالطيور وصفكن الجنحان
شافن صكر تبعنه

صعد صعدن ... رعد رعدن
جرهن مدري جرحنه
حجن وياه حجي بلا خوف
وشعدهن حجي ابهل اليوم كالنه
انته الخذت ثالثته
انته الخذت صاحبنه
تلاشن بالسمة وضاعن وبعدن عن نواضرنه
ولا ندري الصكر هوّه الكتلهن
مدري كتلنه
بس شفته الدمه والريش ينزل فوك حايطنه

لا تخابرنى

لا تخابرنى بده بيه يشك
كالت بنبره حزينه وصوت جدا مرتبك
وهسه جيت اتصل بيك
امن التلفون العمومي البلكشك

البارحه اطلابه جبيره
وينسمع صوت العرك
انتي عالم خاص بيه ...
وتاج مرسوم اعله راسي
وعايش بحبيج ملك

محنتج راح اختصرها ...
بدون هجران وترك

فكرت باحلى اختراع

فكرت باحلى اختراع

بلا رقابه ... بلا ديون ...

وخط ابد ما يشترك

صارن ضلوعي درج واطلعت غبشه

سلكت كلبي وبعد يرادلي الكلبيج سلك

ليش بعد الحيره ليش ...

وليش نحتاج الكشك

سامي كمال

يسامي الروح دمعته وما تريد اطيح

توصل للجفن وتصيح :

ما طيحن على الوجنه

اريد ايد اتلكاني ...

اريدن جف حنين اتوسد بحضنه

وتململ دمة العين

اريد اعيون هذا الشاب

ولج يا عين هذا اتراب

لتكولون هذا اتراب

هذا ايرد عدل من يفتحله الباب

يسامي ولاهي لعب اجعاب

ولا تحسب سهرنه اويه الشعر ونسه

ولا هي تهون عالخيال من ينباكسيفه
وينكتل فرسه
ولا هي تهون عالمحنون يرجعله العكل
ويعاين نفسه

وبعدني امشي بتوالي الليل
يا هسه وبعد هسه
بعدني امشي بدرج مجهول
يا درب الحبيب اشما بعد ونسه

يسامي والكسر سوه بحياتي اعصاب
يسامي ولاهي لعب اجعاب ..
هي مدلهمه ... وغيمه ... ومطر سجاب
من راحو اعز الاحباب

غشمه

غشمه احنه وبلايه كلوب
ونأمن بدنياه
نضحك ويه كل الناس
ثاري الماي جوانه
شبينه وما حسبينه احساب
لا انتي ولا انه

كافي امن التعب واللوم
جا شيفيد يفلانه
بنادم كلبه ايدليه
بنادم عينه ميزانه
دنيه موالفه للغير
كوه نريده ويانه

من شفنه القطار يصيح
طير وشاف جناحه
شال الناس كل الناس
وآنه وياج خلانه
تعبان اشكتر تعبان ... وانتِي وياي تعبانه
رجعنه امن المحطة بليل جنه وجوه دفانه

لاموسم شته تدفين
لا بالصيف بردانه
حال الضيف بالديوان
فارغ يلکه فنجانہ
الصار وياج صار وياي ..
مني ليش خجلانه
غشمه احنه وبلايه اكلوب
ونأمن بدنياه

نكدر نصبر

نكدر نصبر ... نصبر لكن
يمته الصبر يحرك ساكن
وين ايروح المامرتاح
وخيل الهم ابكلبه اطارد
هنيال النامو بالليل
بليه هموم ودمهم بارد
وين يروح اللي ينباع وشايف خير
اليدفع زايد

تكرر عالصبر تكرر
وبزنودك تشد الكون متخلي الارض تفتتر
تكرر عالسهو تكرر
ومتخلي العيون تنام ...
واتاني سنه وسنتين ... هم اكثر

تكرر عالعطش تكرر

شفئك بالجفاف اتكوم تنفطر

تكرر عالوجع تكرر ...

تصبر ما تكول الاله ... وبدمك غفه الخنجر

تكرر تجمع اللي راح

لو عمرك خرز بالليل يطشر

تكرر ما تشوف اللي تموت اعليه

والخد التلمسه وبه تنعطر

تكرر تنشرى وتتباع ...

واعصابك تلج ... ساكت متتاثر

تكرر تلبس الوجهين

يوميه ابوجه تظهر

ما تكرر

الرهن معروف وادريه

الرهن يخسر

الماي صافي

الى محمد المحاويلي حين وضعني في القائمة "ب"

تشوف الماي صافي ينام بالبركه

لكن جربه بفد يوم

وبقطعة حصو حركه

شوف اشينكلب هالماي

ويدك للستر تنكه

التيزاب يحرك والذهب مغشوش

والصايغ زغير اشما كبر شكه

الك بيه ظلع ما تكدر تخيبه

لو شفت الحرامي وصاحبه بالسوك

منهو يكل مو شركه

اسف عاللي ضاع من العمر يا حيف

كلساع الاصابع تنفرك فركه

انا زغير غبشت اشتغل بالطابوك
والمسطر تحول شارع المبكى
شافوني وبجو كل الفقارى وياي
كلب الشاعر ازغیرون ... شاطي خضیره ومسكه

ويا شعر الغشیم بموقفك وياي
خویه بموقفك ركه
اظل اركضوراکم واني المصوب
وبراسي بعد عركه
میجوز اشتكي عند الذي عندي
كبل جم عام یتشكه

لو نعرفه منك وامنتحانك نار
ارفض بسؤالك راساً الشركه
والله نعوفه مثل الكبل عفناه
ويا ما ضیع الناس بدرب مكه

خذت من راتبي عشرين

لكن زادت البركة

هذا عطاء وكرم من الناس

عيب بهل السهولة الشاعر يتركه

اخذ جرحي قراره

لا توكف اكبالي تكلب الدفتر
بعد ما انصدم وانفعل واتأثر
كاعي تبليت من الدمع فد نوب
وطبع النار ما تاكل حطب اخضر

ابد منهزم لو ارجع الصفيين
واسمعهما الشتايم من على المنبر

رجع خنجرك لكرابه خل يرتاح
كل عقلك توسع جرحي بالخنجر
اخذ جرحي قراره وبعد ما يكبر

وجه اغراب

جاي امن الصبح عالباب
وجه اغراب
لو يدرن اجر وحي بيك لمن جيت
جا طلحن عرايا وشككن الاثياب

من بعد الغروب تكلي شمسك وين
لو رايد شمس جا ما صرت سرداب
ردتک من جنت نار
حط خشمک ابصدری استورح العطاب
جا شفت الحراره وشتسوي النار

بس...؟

يا حيف ...!؟

ماکو بالضلع سحاب

بالرملك عمانى وحتى راسى اندار
وانته تهب على من كل مكان تراب
ما اندل قبلتك حتى اصلي وياك
وتوضى بجدر تيزاب

وشحصلت منك حتى ارحب بيك
وانته بكل صباح تبيعني للضيم
واستفتح من ايد غراب
جاي امن الغروب وتكلي شمسك وين
لو رايد شمس جا ما صرت سرداب

فرق شطينه بين السمه والكاع
انطي دموع وصواني الخضر وشموع الغياب
لو يدرن هواك اسنين
جا طلحن عرايا وشككن الاثياب

خلي الماي راكد لا تهيج الماي
ببرك بي حيايا وتعوي بيه انياب
عرفتك ماكو امروه وشجاعه وطيب
ومنين المروه ابهل وكنت تتجابه

الكبر بين عليه اثينه امشيين
اشكد اسنون طاحت ... طاحت انه انياب
ما تسوى ... لكن مدري اشعجب بالليل
وشريتك بروحي اشراية الرغاب
وليلك بيده سيف ايتاني اليعبرون
ويلم بشبجته اركاب

وردتك منجنت بالبير ...
لان ايدي اعله مودك صار بيها اعضاء
هسه اترد عليه اتريد ارحب بيك
ردتك من جنت بالنار

حط خشمك ابصدري استورح العطاب
جا شوفك ابصدري وشتسوي النار
يالرمك عماني وحتى راسي اندار
وانته تهب علي من كل مكان تراب

لو ما خوف السيترات

وجه متعوب وشعر مليان شيب

والله لو افتح أدبه

امشي بالشارع صليب

جني اني موش اني ...

امشي وسط ولايتي وجني غريب

خلو الو هو اس بيه ..

هذا الو هو اس ابدأ ما يطيب

حطو بصدري مخالب ...

والمخالب مال ذيب

وصار ثمن اسنين حملي ...

وصار سبع اسنين اطلقك

بعد جايمته اجيب

ورادو اوصي كبل ما ضني يخيـب
كلشي يوكف الا ...

شغل الصيدلي وشغل الطبيب
كلشي جف الا همه

صدور مليانه حليب
رزق ما مشمول بالقطع المبرمج
ولا رزق من جانو يودي ويجيب
ناس ماعدهم ضمائر ... سوده اجتهم
تنده الميت بكبره اكله جيب

احنا ما عدنا بعد غير الامانه
منو يسأل عنا لو ردنا نغيـب
ولو ما خوف السيـطرات ..
الناس ما تحتاج جيب
ولو ما خوف السيـطرات .. الناس ما تحتاج جيب

جرح العراق

مدري دمة حزن لو دمة فرح
دمعه نزلت حاره وخدي انجرح
من سمعت اسم العراق
والصدي ردد عراق
انسك قميصي ابين جدران الظلام
وباب للنور انفتح

ومن سمعت الغيم
جر شعر الشمس
والذيب اكل كتف العراق
ولمعت اسيوف النفاق
ريش بجروحي لكيت
وطير بالروح انذبح

كان عدهم امتحان الذل شعبه
وامتحان القتل عمره ما نجح
وجانت احدث طائفة تخرب مخالباها بجسمه
هي طائفة الشبح

بساحة التحرير غاره
والحصان البنصب كسر قيوده وجمع
ويايو نؤاس تمثالك مكابر
وكعت ايده وما وكع منها القدح

الضوء باخر نفس
والقنابل ملظومه مثل لضم السبح
القصف يشتد
والضحايا فوق جسر الناصريه
اتذكر الناس بمذابح دير ياسين ورفع

الناس تركض

والجرح والسيف يركض

والمقابر زحفت السور المدينه

والمدينه ساوموها استسلمي وللآن ترفض

ومثل الیودع ايامه

وباخر الانفاس يلفظ

لو خلص كيس الطحين ويدوخ رب العائله

وعالخالی ینقض

الناس تركض عالرغيف ولو يصح لو مايصح

والجرح لازم اوصفه

وباب باب ومالكها داوى نفسه بالملح

وهل يصح هذا يعالم هل يصح

طفل من يطلب

حليب يزعل امه

طفل يتسمى وكح

وفي صباح العيد تحزن
والمحب يهدي الحبيبه كاس من دمع الصبح
وام عبايه تشيل علاكه خفيفه
اشغير اخلاق الفلاح

الله يعينك ..

ثلاثه وثلاثين سيف الله يعينك
ومن كثر ما بيك طعنات اصبحت كلك جرح
وياك يا طيري العزيز
وياك روحي اطيّر من سطح السطح
ورغم حزني وتضحياتي وكل خساراتي ..
اعتبر حبك ربح

ادري جرح البيك نخله يا عراق ادري جرحك مو جرح
وعيب يا جرح النخيل عيب لو تخيط بابره رفيعه
لازم اتخيطه برمح

انا وجرحي

آنه وجرحي انولدنه ابيت فد يوم
اليصد لينه يكول اثينكم نوم
اشبهه وهوه يشبهني
وابد ما بيه فرق عني
وعلينا بالتساوي الالم مقسوم

الجرح يعزف بروحي من اغني
ويجاوب حتى ليسألون عني
صداقة عمر بيني وبين حزني
واثر هاي الصداقه بوجهي مرسوم

انا وجرحي بالاوصاف نتشابه
بين نختلف باسلوب الكتابه
انا بالدمع هوه بدم عذابه
كتابتته عذاب وسهر وهموم

الجرح ما بدله ولايك عليه
وصاير بالصدر مثل الهويه
صداقتنه وعلاقته قويه
صديقي العازتي والسده مضموم

لِيش استعجلت بالسفر ومضيت
وبيدك وقعت عال هجر وامضيت
جمرتك اثرت بالكلب ومضيت
ما تطفه وتظل ناري سريه

لِيش استعجلت مو وكنت رحه
الترف ندري عزيزه تصوير روحه
بعد كلبي الدهر للشوف روحه
وخسرت الكلب وعيوني سويه

بهم يصبح دليلي اعليك ويخاف
عليه وصاحت العذال ويخاف
اكل للجدم لجلك روح ويخاف
لما يوصل اشراف المنيه

ونة المصدور

اون ونة المصدور ماظل كا هوى بريتي
كابلني الزمان وراد مني واخذ عافيتي
انا ابزغري ولحد الان دم ودمع جفيتي
بعد ابني وبعد صحتي وبعدهم هم تخليني

صرت معميل للدفان ويجرن توابيتي
محد يسمع بالليل ... روعي اشبيح ونيتي
اخذمني زكيه الظول ... اخذ نوري وشمع بيتي
بعد شنهو البقاء اهناء ... وحيدة ولمن ضلّيتي

عكب عيذ جزاني وراح ... مني راح ياصيني
مايين هزل بالروح ... بس بين الشك
ابين جاكيتي

صلاة العيد

باجر عيد ...

باجر تعرض عيونج يحلووه والعذاب ايزيد

باجر كل ولف يشتم عطر ولفه

وتصك حنته اعله الايد

باجر والحزن يلكاني وتلكاه ..

يلبسني والبسه اجديد

يا محله الحزن بالعيد ...

وانت بعيدك كلش والجريب ابعيد

وانه اوحيد ... اصفك بايد انشف بايد

دمعات العذاب امطرکه بجفني

وتصب اشما يمرن غيد

باجر والحزن بيه يشك اشطوط
ميهن ويه الدمع دمعي يزيد ...
ياللي تعودت ملكاك ماكو اصعب امن التعويد
خذا وليدي ولا كفاه ...
غذاج انتي ولا كفاه ...
بعد من عندي جا شيريد ؟

باجر من وكت يصحه الفجر ويغرد الغريد
وانه اوحيد ...
مثل الغراب لاوي الجيد
يالرحتي بدون اوداع ... بعذج والحياة متفيد

احسنلي اذا بالموت
بلجي انصافج ونلوح ايد بايد
يالصرتي بعیده اهواي عن عيني
عن الكلب موش أبعيد

الج دكات كلبي تزید ...

بس رايد اشوفج كلشي ما ریدن ...

ولا دكات كلبي اتهيد

انشف بيد ... واصفك بيد ...

لاجلج راح اھيم امن المدينه

لاجلج اسكن بيد

انا الضايع بليل ومالي احد ...

وبغصن المحبه يعصف جویرید ..

اصليلج صلاة العيد .. وانتی الوجدج تنامين

ومخليه وراج الناس ومخليه جييج بالثنيه .. وحید

باجر عيد ... باجر عيد ...

باجر والحزن يلکانل وتلكاه

يلبسني ولبسه اجديد

يا محله الحزن بالعيد ... وانتی بعيد

ساحة النهضة

بعدج ما تغيرتي وصف واطباع
يا ماي الورد وبطاسة الفضة
بعدج انتي ذيج انتي
لنيزه وتاعمه وفضه
كيل الخاطرج زعلان هسه الخاطرج ارضه
جم مره حكم فرض العشك واحنه بصلاة الخوف
وبكطرة دمع من عينج اتوضه
هسه انجر نفس ونسولف اعله الكيف
هاي اسنين يحبيبه مواعيد العشك ركضه
شيصفي الخواطر بازديحام الروح
وبروحي الخواطر يوم مكتضه

فضت وانتهت بالخير يا مسعد بختنه
 ومسعد الفضة
 من هاليوم ... ما الزم جنطتي بليل
 ودموع ترزني الساحة النهضة
 ولا اسال الحارس عن بكاي الليل
 وامشي وعيني مغمضة
 ولا طول لسانني ويه سايق ريم
 " الغايه " انتعش بالليل حذوه و هو ما يرضه
 واريج بالاجازه منحجي الجبهات
 وشلون الشعيره اتطابق الفرضه
 وشتصير السواتر من يكب اغبار
 والموت بصدر شبان يتشضه
 وشحال العوائل من يحجي المامور
 نسمع للصبح ببيوتهم جضه

ولا يرجف، كلبنه بصافرة انذار
صاروخ اعله مسكن لو على روضه
فضت وانتتهت بالخير واللي راح فدوه
ونكدر نعوضه
نزل خيط الحرير امن السمه للكاع
وجروح السنين اتشافت بلحظه
اهي عركة شرف بالسيف
هنيال الغسل بالدم وجه عرضه
هنيال الوهب روحه نذر للكاع
ومن ثمة بعطشه خضرت ارضه

والظل يتلبد ما طلع عالصوت
والظل بحفرته وما طلع للموت ... ناب بداخله يعضه
وجف انما سطر وجهه الحكم بغداد ... هو الراده بحضه
شوفيه الشمس يحييه وكنت اغروب
نزلت عالفرات بمايه تتوضه

الفرصه الوحيدده

الما اريده بقى واللى اريده رحل
والجان نازل علا والجان عالي نزل
مايستحي هالزمن ومنين اجاه الخجل
شيجييكم ياهلي
ومن شاف ميت عدل
الفرصه الوحيدده اجت وتصادرت بالعجل

صفت طيور البحر جنحان يم جنحان
متغطي بابيض لجن مليان كلبى احزان
اللى وكف عالجراف ما يدري بالسفان
الروج منه اشأخذ وشكتر شاف وحمل

يادنيا صار البخت للي اجو تالي
غيريو اخذ فرصتي وتعلّى بالعالي
ما حصلت رغبتني وما صار البالي
هذا امتحان الصبر واخر نتيجته الفشل

الخط يجي للبشر مره ويدك بابه
ولو شافه نايم بعد ما يحسب احسابه
حتى اذا نبتسم ضحكته جذابه
فات القطار وجزه ولا خر محطه وصل

١٣ حلفت انطقتي بخت كالتلي كول

احجي البكلك تره النسوان تكره كل خجول

بيني وبينك بقى حايط زجاجي

احجاره مني احجاره منك ...

ينكسر بيني وبينك مدى الايا حايط ما يحول

دارجهم حول بعطش والروح صبخه

ما اریدن بعدهم يدير حول

كول نم الما يحرك ساكن يصيبه النحول

شجرة الما تروى من ماي البشر

باغصانها يبين نبول

العب وياي لعب واحسبني خصمك

واني اول من يفك من تجيب اعليه كوا

مو جنت مهره وبعدني ... واعرف حصاني

بجمع كل الخيول ..

لان صترك درع كسر جثير اسيوف
وتزيد الشجاعه اكل صدر ينصاب
حسبولك اعداك احساب
حسبولك اعداك احساب
اذا يبقى الصدر في قوته وهالحال
راح بعم علينا ويكشف الجذاب

واذا شمسه بكل تغطي الكاع
واسمه بكل وكت ينجاب
باجر كل شعب يطلب شخصه مثله
ويطلع للقصيده اكل وطن سياب
اهي عتبه كتل متصير جوه افراش
وحك مريض للطلاب
يعرفونا اهلنا ماننز نخاف
عيب انها من اعضاء

يدرونك ابونه ونعم هذا الاب
ويدرون بجرفنه ويا ملح ما ذاب
ومتريد الخيم للدوم تبقى مسكفه بحراب
متريد الشراسه ادوم
وما يحصل خبز للما يطول انياب

لكن يا صدر صبراً
اهي نسمة هوى وتحرك الدولاب
لكن يا صدر صبراً
اهي عبرة نهر ويبين الجذاب
نبقى وبه الصدر قربان
قدمنا الضحايا وكثروا الغياب
وسطرنا الملاحم والشمس عالباب
اهي صرخة غضب تهتز عليها اعروش
وصوتك يا صدر مسموع
والموسم بارضهم والحصاد اركاب

لو بيدي اىحصل صدام
اجرحنه جرح مايشفه بالعطاب
وافنه بمزابل مو على ترابي
هذا تراب من تراب
وتطلع من كبرهه البلمقابر
تنخه داحي الباب
بيك الظن ابد ما خاب

هالبیت

من هالبیت کل یوم الشمس تطلع
من هالبیت کل یوم الشمس تطلع
هذا البیت للمای العذب منبع
هذا البیت بی ورده و ضفیرہ و حنه و مرایات
و لهوله و قصیده اتشدک الیه باول المطلع

دلح صدر الزمان و احنه صرته ازرار
و ازرار الشمس کما تجیه یلمع
اهل هالبیت خلو کل شخص مغرور
مکسور الظهر یترجل امن الفیل
و اکبال العراقيین یعلن توبته و یرکع

اهل هالبیت قسمو بالشهید الودعوه بلیل
و عدنه شجم شهید بلا وصیه راح و تودع

علمنه الكلب يغفه اعله زند النار
ويمسد شعره وهى تدلع
عادات امن اهلنه الشيدو هالبيت
لو ردنه انتعارك نعر الرجلين
ونخوف الجبيل وبينه ما يطمع

تعلمنه امن اهلنه نشد على الركبه خشب واحبال
حتى من تجرها التاييات بيوم فاتركع
ولا نجزع ولا بينا انحناء خوف
لو شفته السيوف البشطه بليل الغدر تلمع

ما نجزع علينا شما يطول الليل ما نجزع ..
لان ندري الشمس عدنه على كبة شهيد تغيب
وعلى خونت مقاتل كل فجر يطلع

أحركه السفن يا طارق بن زياد
 وصنته الشمس للبحر ما نرجع
 أحركه السفن هاك النفط والعود
 بعد اللوم ما ينفع
 واحنه نعاهدك لو فرشو انه النار
 نكعد عيالهايب وفوكه نتربخ

ما خف الصهيل ولا سكت شعلان
 فالتنه بعدهه بجلوة المدفع
 مو حايط زجاجي وينهدم باحجار
 وبقوس الصبر باقي بعد منزع

وكلشي الهدمه يرجع
 جسر لو بيت لو مصنع
 ولونادي المنادي اطوعو يا ناس
 بكل ارواحنه للوطن نطوع

ولو نادى المنادي اتبرعو يا ناس
ماعدنه ذهب وفلوس
كلمن للعراق بروحه يتبرع ...
ولا تجزع ولا بينا انحناءة خوف ما نجرع
لان ندري الشمس عدنه ...
على كبة شهيد تغيب
وعلى خونت مقاتل كل فجر يطلع

ابوذيات

الجو مغبر يناهي اليوم وتراب
وعيونني تصد للضعن وتراب
حسافه تصير بين احجار وتراب
ونادي ولا ترد صوتي عليه

تعال وشوف بتدلال شيبات
كبرنه وصار اسمنه اليوم شيبات
اعاين بالمرايه وشففت شيبات
كلت يا روح هذا انذار اليه

ظل غامض سؤالي وياك منحل
وجسمي امن السهر بالليل منحل
وحياتك صرت بين الناس منحل
العسل حصتك وانا اللسعات اليه

تمنيّج مثل ما ريد ضني وزا علت ضني
وتتمنيّج هدم بالروح ويحير البجي ييني
شفتج يا حمامه محجله بجرحين
بالدم ريش متحني

ومن يسمع غنه العرسان
من يدري بكلهم شايب يغني
تمنيّج مثل ظهري ... جسر محني

جسر ينقطع بيه ..
يذبني فوك الماي
والمي بيتعد عني
واطيح بكاع لا كاعج ولا كاعي
ولا بيها اثر منج ولا بيها اثر مني

" فوزيه عوده لعيبي "

هاج اخذي امن اديه

زنجيل لعيونج ...

اخاف يغافل عيونج دمع ويطيح

لا تبحين ؟..

موش الله البجي ..

وعنده البجي ايجل عالغصن

من ينشئي اويه الريح

يا حزن النغربية

كلتلج لا تهتين الدمع

هاي الدموع ائكال

ونخاف اعله راسج من ثكله ايطيح

يا هذا الدرب

يا مكبره ام قاطين

انشدي ارجال شدوهم على حبال... التبول

وما لكو كل ماي

ماهي اسرارهم جربه

ويردوه تطك باول سهم وتسبح

لا تبجين ؟!

حرمنه البجي اعله الزين ..

يا كل البجيوكل الحجبي

اعله الليبتهي امن اول جرح ويطيح

لا تتسرب الوحشه اعله كلبج

من زوايا الليل

اطرديها ليالي الوحشه مسلولة

لا تبجين ؟

حرمنه البجي اعله الزين

يمعوده شهيدج موش من ذوله

شهيدج ناوش الصاعود علاكه

وتساوى اويه النخل طوله

وبعد يكبر ...؟

وبعد يكبر ...؟

لمن يكتب شعر عالىريح

لا تستأحشين ؟ ... اهنالك تلكينه

بهذاك البيت:

ليليه كمر بأيد الاطفال ايطيح

هنيالغ عليه

وهناك تلكينه بلا ممنوع

بخيت اهواي

يا بخته الالتهنه ايواجه المسجون

وما يلكه بطريقه اصليب بيه قف :

انتبه ممنوع

اطردي الخوف

شتخافين !! ماهي اشموع وحتى اتموع

ولا هي ادموع وذل ادموع

هيه حجاية كل شمسيه

ما ترضه الانسان ايجوع

امس معزوم عنده وجاب

شباچ السجن واضبارة التحقيق

احسن و اخر قصيدة بم

قراها ابساحة التحرير

وحصان النصب هج بالصهيل

وشكك التحقيق

سألني ابني

سؤال اكبر من اسنينه الثلاث

اكبر بعد ؟!

تدريته اشكلي !!

سألني اعله الشمس ليليه ليش اتغيب

جاوبته الاعرفه وكملت كتله

الشمس من تطلع اعله الناس

تحبل بالقهر ...يكبر بطنها ... وغاد تنزل بالجزيره اتجيب

علمنه الكلب يغفه اعله زند النار
ويمسد شعره وهى تدلع
عادت امن اهلنه الشيدو هالبيت
لو رنده انتعارك نعكر الرجلين
ونخوف الجبيل وبينه ما يطمع

تعلمنه امن اهلنه نشد على الركيه خشب واحبال
حتى من تجرها التاييات بيوم فاتركع
ولا نجزع ولا بينا انحناءة خوف
لو شفته السيوف البسطه بليل الغدر تلمع

ما نجزع علينا شما يطول الليل ما نجزع ..
لان ندري الشمس عدنه على كبة شهيد تغيب
وعلى خونت مقاتل كل فجر يطلع

احركه السفن يا طارق بن زياد
وصتته الشمس للبحر ما نرجع
احركه السفن هاك النفط والعود
بعد اللوم ما ينفع
واحنه نعاهدك لو فرشو الله النار
نكعد عاللهيب وفوكة نتربع

ما خف الصهيل ولا سكت شعلان
فالتته بعدهه بجلوة المدفع
مو حايط زجاجي وينهدم باحجار
وبقوس الصبر باقي بعد منزع

وكلشي الهدمه يرجع
جسر لو بيت لو مصنع
ولونادي المنادي اطوعو يا ناس
بكل ارواحنه للوطن نطوع

شك عندي

شك عندي ❁

شك عندي

خيظ ظل بالراس وخلافه اجن

راسي بير وبيه افاعي

وانه ميت موت عصري بلا دفن

وكلي سياف اعله راسي

ينذبح لمن يحن ؟!

وكلي يا ويل اعله كلي

من يعظ شفه اعله شفه

ينطبك سن اعله سن

كلي يا سياف لو راد التحلم

يلزم ادروب الجفن

وجدمي يا نار الترده

من تطخ ويعتنيهم ؟!

آه هواهم لو يعن
لكن وكالوله كلبى
الريح بعكس ما تهوى السفن
واملت روحي اعلاه شجره
تكاوت وياه الريح
مزه ... اثنين ... سبعة
وايست من نسمة طاحت
وصبحت جن أنه ميت
وامي شكت ثوبها بوكت الغروب
وحيل صاحت
وامي استاذة يتشكك زيجه
وباجر تخيطه ..
وماتقوت نايعه وما بيها ناحت
نشفت ارباك السواحي
سوط بارح شك ظهرا
وتالي ماتت واستراحت

وانه كطرة ماي عميه وزل جدمها
وبين فكين العطش والصيف طاحت
شاك عندي ..

فلان راح فلانه راحت
واحركتني اويه الرسائل
والرماد البيه لحروفي يحن
من يعظ شفة ندامه
ينطبك سن اعله سن

بوسه

اكثّر امنياتي وياك متصير
وظلت وحده منها بروحي محبوسه
يجي امن الصيد خالي الظرفه تعبان
ويصيد اشما يصيد الايده متروسه
حسبالي سجتك من غرور البيك
ظل ذاك الغرور وذاك طاووسه
ربك عوضل بالوجنه عن النور
وميخاف الظلام الخده فانوسه
بشفافك ظلال الورد عالوجنات
شيشه وبالعسل والنار متروسه
صحيح انتازلتك لان جاي العيد
لكن خطتي ابهل مره مدروسه
انا الهاي الشفايف من صدك عطشان
ولو ما ممصالحك ما خصلت بوسه

الشاعر الشعبي

ليلي يا ليلي يعين وعيني يا عيني ليليل
 كلنه ولد آدم وحواء والنخل اصله فسيل
 لا يحسدونك على الجرح اللي باسمك
 لا يحسدونك على الصبر الجميل
 خلي سبع اعيون زركه
 وانت كاعك ناصيه ورمك يهيل
 قوي وشفاف ومسالم
 بالسلام اتصير طيره وبالحرب امر فصيل
 راح اعذرك
 راح اكل للما يعرفك
 شيل مسمار الامان وشوف شيسوي الفئيل
 رحله ما بين المشاجب والنواير
 ومن اجيت اتسجل اسمك
 شفت لمة

والسر ه اكبالك طويل
ومن وصل يمك سراهم
كال وارذنه قليل
سينطره اعترضت طريقك
وانته شاييل بس هويه
الشاعر الشعبي اشيشيل
يا غريب ومن يعرفك
ايودك يستقبلك بس المؤجر
من تحط ومن تشيل
وانته وحدك
تتسج الكمره بقميصك
ليل ومخيط بليل
قوي وشفاف ومسال
صفحه لارقام الهواتف
كلبك الابيض دليل
بيع كلشي بس عراقك لا تبيعه

ابنادم اخلاف الوطن يمسي ذليل
الا جلدك لا تنزعه
بيه وشم ذيج الليالي
ورحلة الشجعان بالدرب الطويل
بالحجر محفور اسمك
ويمكن اغبار الليالي ايصيح اسمك
ما يهكم لو تفوتك فرصه لو ينساك جيل
انتضر من جيل قادم
مكرمه وردة جميل
فضت وجيس الاماني براس شاعرنه تكيل
كوم لم الخير يبني
كوم كبرلك شليل
الك حصه بالزراعه
الك حصه بالصناعه
الك حصه بالنفط والغاز يبني
وبالهوى الصافي العليل

ومن اجبت تسجل اسمك

شفت لمة

والسره اكبالك طويل

ومن وصل يمك سراهم

كال وارننه قليل

ومضه ١

لا يا ساتر

كب الساتر

كب اغبار وما يتميز

يا هو الفوك اظهور الخيل

ويا هو الصاير جو الحافر

صارت ظلمه وصارت ليل

ما لمضت بس عين الشاعر

ومضه ٢

ايكول احبها ويقسم بلفظ الجلاله

هيه روحه

وطيف ميفارك خياله

صدكت باسلوبه واسرها جماله

وفتح ميز الرغبه الها وشربو الحد النماله

وثاني يوم الفجر فزت !!

شافت اعله اثيابها اثار النذاله

ومن هذاك اليوم صار اصفر وجهها البريقاله

اقوى مني

اقوى من اهواي ناس واقوى مني
ومن تصوب ضربه وحده وماتتني
علمتني اسكت واغمض والصبر طال وكتلني
علمتني ادروس مره ...
وبين يوم ويوم بدروسك تجيني وتعلمتني
نكتل الكتول تبجي
ومن تكف الناس فوك اجنازته توكف تخني
وانته قصتك مدري شنهى ؟
تريد اتعيش بثوب واحد ما ابدل ثوب حزني
بداخلك ما ادري شنهى
تبتسم لمن تذلني
ومن دنيت واجيتك
كلت اكثر تدني
فد قدر كلش غريب

الشمس لبعيده تكللها تدني

شكد نخيت الاقوى منك

سد اذانه وما سمعني

عالجرف وانتضر موتي خاف تيارك يجرنني

اغدرت بالجان كبلي والسره يمكن وصلني

وما احبك يالزمانك شجره وبابك شتلني

غلطه جابتي اعله بابك

والذياب النايمة اُبابك كلني

مره بس مره اعتيتك

والف سياف اعترض دربي وشالني

زهريات

هل من مبارز؟؟ ولا واحد طلع نازله
والناس عد رغبته دهري اصبحت نازله
حبل الموده انقطع والبيرك نازله
غربه وندور بقلك ما الله بالحي نزل
ما حسينه فرد يوم بدرينه نزل
هوه صفاله الملك واحنه صفينه النزل
والدنيا بيع وشتره واسعارها نازله

يا دنيا عفوج صحت عف الله عما سلف
منكم جرحنا فرد منا كتلتو سلف
مديت ليهم ادي كالو زمانك سلف
والمسرحيه انتهت بس منتهى فصلي
حتى اخوتي وقعو كلهم على فصلي
شيخ العشيره حلف ما يكعد ابفصلي
بالفصل محد دفع سوولي ربعي سلف

الحرب والسلام

بالحرب والسلام

يا شعبينه برغد نام

للحرب عدنه سلاح وللسلم عدنه حمام

خطوه خطوه اتعد درينه

ونعرف انحط الاقدام

وكطوره كطوره اتعد نحرنا

والبحر من مر عليه طارينه كام

والبحر من شلنه ادينه

ابتسم ورد السلام

يا محب حب اعله كيفك

وازرع بشاطي الجفن وردة احلام

ما تلوح الشمس وجنات الحبيبه

عاليه اشجار الغرام

يا كمر نام اعله خد شاعر

غمض ليله بحياته

ووندهته بنت الكلام

شوف يا شاعر خوذهم

والسلاح الظل باثرهم

شوفها بعين القصيده وشوفنا بعين الالهام

همه عافو كلشي عدهم

واحنه حتى اتراب بدنته نجيبه

وما يظل بارض الحرام

طيح يا سنبل على اجتاف الحبيب

الغاليه ام عشرين عام

من تلاكيني ويمر بجفنها

تصير دمعات الكحل عالوجنه شام

نامي ليلج بالحبيب

ومن تمر نسماات وتجفل الكصبيه

والله اعت الريح من زيكه بديه
وينكطع نفس الانسام
يا ملاعيب الاطفال وما جفلتي
وما يصل يمج قفلهم
حتى لو نبني سكف من العظام
" يا وسام " امشي اعله طولك
والله اخيط جلدي ثوب
ولا يشك البين دشداسة وسام
جاي من السوك والسله خفيفه
قصرت بعث الحمام
لا تهم شبصير باجر
نعرف اضنون الليالي
لن قره عراقنا جف الايام

يا طياير الورق طيري اعله كيفج

عاليه اسطوح الحمام

وصيحي : يا غيرة شعبنا

اتصير غيرتنا مهره

ويصبح مجتف عدونا وكايده

بحبل اللجام

الى شهيد

الى شهيد ثورة الرابع عشر من تموز

ماجوز من صاحبي

من صاحبي ما جوز

حدي اويه قطع النفس حدي اويه كص اللوز

اسنين عازه وقحط

والنار ابد ما طفت ما خله ناسه بعوز

الدولاب يمشي عكس

بس انتنت ركبته

وما رجع بينه الزمن للساحيه والخطب والمنقله والكوز

معزب عزيز النفس واللي كصد خيمته

نام بدفو معزوز

مره وانا بخيمته .. كام ونزع صايته

بالراس جرح انبنى وشففت النصل مغروز

سولف سولف عجب ويجوز كلشي يجوز

لمن نزع صايته
شفت الصدر والظهر بيه الجروح امروز
ورغم الجرا له بشر
يضحك بوجه الصبح جنبه اغنيه الفيروز
رغم الجرا له بشر ويكول الله الفوز
سولفلي عن ننيته
عن " لجمن وحملته " الحد انفجار اكروز
وكال العواصف تمر
والعاصفه ما تهز الا الكبل مهزوز
غنى بعتابة عرب
ماهد رسن مهرتي
واليشلع اخر ضررس بيمن يكسر الجوز
وكل هذا ردة فعل
للمنجزات الاجت باربعطعش تموز

محمد الغريب

محمد لا تون يعتب ترالون
وابد ما يوصل الغايه ترالون
لمن وجهك اتغير ترالون
كلت دكت على بابيه المنيه

اليصح منك ييو سمراء هلكان
تلكاني ابطريقي الك هلكان
جزه الشاعر يهل منكاه هلكان
كطع نفسه وكطع زرقه سويه

محمد يرثي كاظم هاي معقوله !

لكن بالعكس تكلف

لاخذها بواجي اعليك

من يم كربلاء — نحد النجف الاشرف

بوداعك وكفنه اصقوف

وشعرك جان باول صف

شفه اتعض ندم عالراح

جف ايذب حركته وينكسر بالجف

صفنات وجرم عالاید

ونلف الحزن مثل الجكاير لـف

الدهر نكل علينا اهواي

نكل والحمل ما خف

صلف كلما اخذ مبدع

يترهي ويصير اصلف

وهو سذارته ابأيده

وكاعد عالجراف يتخير الزينين

وبركبة شعرنه الحلو من يلتف

باطوال الجفن بسط دهرنه

وبينه يمشي السوك من يوكف

باول ذكرياتك وانتة تكتب موت

يا جندي مكلف للكبر ترحف

يا ساقى عطاشى الصور والالوان

وخافت معجبيك عالنهر ينشف

اسمر وانتة ابيض روح

حتى لو سبحت بماي

بيك الماي يتتظف

ولو تسكن ابيت النار

بيت النار جنه بثلج يتسكف

بجى كل العراق اعليك

ويتعائب عليك البيرغ المارف

"سماح" تكول ما سماح

ولا اقبل ابوي تراب فوك الرف

ابوي وهو بالتابوت

جنه للشعر يزحف

ودعناك يم حيدر علي الكرار

يم والد شهيد الطف

بس النار

بس النار

بس النار

تكبر تمشي معزومه بحدائقه

اتعشى اشجار

بس النار

تكبر وانقلب شداسه اجنّها النار

يزماد العمر يا فاني فوق العين

كطر عا الضلع الضلع منشار

نازل عالوريد ايحز نبض خدران

وييسمر اميال الساعه يم احاية التذكار

يا شارع عشكنه اشبعد عدنه اوراق

ما داست عليه النار

خله اشما كبر بيها الحطمة والجوع

جيبها رسايلنه ودواليب الهوى

ورد صيح :

الما يحترك ممنوع

انطي اشما تريد النار

حتى الحبر حتى الليل

حتى امخدة الخطار

انطي اشما تريد النار

حتى المكتبة وربع العرك

والساعة والدولاب

بس احفظ حبيبي ودفتر الاشعار

لِيش مَا ارْتَا ح

لِيش مَا ارْتَا ح شَنْهُو الْمَانَع
وَشَنْهُي يَقْلَقْنِي وَانْه ابْن الْكَاطِع
لَانِي مَطْعُون النِّسَب مَثْلَك وَاخَاف
وَلَا جَوَارِي الْمَنْ تُدِيهِن رَاضِع
جِيئُو لِلْجَلْعَه اَوْيَه تَجَار الْعَبِيد
وَعَالِظْهُور السُّوْط بِيَكْم لَاجِع
مَا يَشْرَفْنِي اِذَا هِيَجِي الضَّعِيف
بِس اَحْس الْبَيْتْ غَصْبِن طَالَع
اَنْتَه بِالنِّسَبَه اَلِي جَدَا ضَعِيف
سَبِيعِي مَثْل الْيَنْوَلْد بِالسَّابِع
خَلَصْتْ شَوَطِين عَمْرُك وَانْتَه طِيْش
وَشْتَنْظَن اَنْطِيَك وَكْت الضَّايِع
مَطْمَطَمَات اَتْنِيْنِهِن يَقْرَن طَالَع

ماخذلك خبره كالنك تديح
ياهو تحجيله يدكلك طابع
انته بدعه وساتره اهدومك عليك
انزع اهدومك وشوف شطالع
تمشي بمريدي وجبت وقه بتول
والخير والناس جدا شايع
من مكان اليوجعك راح الوي بيك
وما شفت وجع الجفاف الخالع
انه من انزل على الحري الغميح
راح احطنك بامر الواقع
ابد مو ثوبي اذا هجي الضعيف
بس اشرك لان بالذل ناكع

طيارة ورق

خفت يكاظم والهوى طيرها
روحي الهوى بسجينته كشرها
سواها طيارة ورق
والناس من سطح السطح
تركض تريد تجرهم
الخيوط بجدايلها انقطع
واللي وكع منهم وكع
وهيه تلكاهه السمه بشيشة عطر عطره
ظلت حزينه عالاهل
ومن الجماعه البسطح باقي على خاطره
هذا الذي يرامي السمه
ترجع عليه احجارة اليشمره
شده بوكتها وانتتهت
كفاني ربك شرهه

الننيا بت ليل وهوى
لولتي لمن امنت
ومن امنت عدها نمت
بالدم نزل خنجره
لا عندي رمانه جتف
واحيال صوف تجر هه
ما علمتني المدرسه بكتاب ابوي تعلمت
ودروس منه انكر هه
المهره داست ياوحل
اعرفها من حافرها
ونوك الممتحمل عطش
باول جزيره اعكر هه
ما علمتني المدرسه
بالشجره لو مات الثمر
وما ظل حليب ابدر هه
باشجار تتور الخبز

كومة حطب واشجره
حايط زجاجي اليمنعك
لو تكضي عمرك بالسجن
لو جامتك تكسر هه
خفت يكاظم والهوى طيرهه
سبعه الكظن حر وبرد
ستر الله من ثامنهه
ستر الله من تاسعهه
ستر الله من عاشرهه

ومضه ١

ديني عيونك

يا وسيع العين يا حيدر

مو لاجل الحلاه اتصير الى منظر

احتاج العيون اوساع

لان توسع دمع اكثر

شباب البهلك يكبرون

وانته اويه الزمن تزغر

ومضه ٢

اثتعث هالكحلن اسننك يحيدر
وهاي اثتعث عيد بالكبور
ردناك البيتك عيد ميلاد
شمدرينه بمكاير سننك ادور
جاوبني بسفرتك هاي للموت
رحت نرغبتك لو جنت مجبور
ظل خالي مكانك شسعة البيت
طيره ارويحك وبابنا ادور

احسن اليه والك

احسن اليه والك ما ترجع العشره
 صدكني من نلتقى كل ما بقى انحسره
 ارجوك تلغي الحلم وتاخذ الفكره
 الماي طاح برمل وانكسرت الجره
 احسن اليه والك نبقى على الذكره
 طول غيابك سنه وبلا عذر واقذع
 وشلون ارجع الكلب وادريه سا يرجع
 اينيت احسن مو الي حسيتك موزع
 وفكره اثنين بكلب مرفوضه هالفكره
 احسن اليه والك نبقى على الذكره
 ما نلكه نفس الخجل والخوف والرعه
 ولا يوم فوك الورد يرجع نده الغبشه
 سكته ونضيع وكت لو ردنه نتمشه
 وكلمن ابحسبه التهي وببها انشغل فكره

احسن اليه والك نبقي على الذكره
صفحه ابعمرنه انتهت واحنه طويناهه
وفوك الرفوف انست وتراب غطاهه
وتريد بعد السنه ترجع ونقراهه
ماكو جديد وحلو بكتابنه اشقره
الماي طاح برمل وانكسرت الجرّه

ليلة الميلاد

الشمع طافي
وظلام الليل غلف ساعة الوحشه
التلج عشب على اعيوني
وبرد بين الضلع والضلع يَتمشه
المطر ينزل على المعطف رصاص ودم
وشوف الناس كلمن كاعد بنعشه
ريح ونار ... غيم وليل
دورت الشجر عن طير
يرثي الحالتي بعشي وارثي الحالته بعشه
الشمع طافي وضوه الميلاد مات بليلة
اغاني الحب صفت عميه
صفنه خرسه صفت طرشه
وضوه الميلاد مات بليلة الميلاد
يا ريت الياالي الماضيه بذاك الفرح تتعاد

ياريت الزمن يفظ ولا يمشي
ويرد اردود لايام العشك والشوك والميعاد
ظلمه والنجم تعبان
وجرح الكمر ما يرههم الهه اضماد
الليله اطويت صفحه امن العمر سوده
اثليله احرك ثلاثيني
واسوي الذكريات ارماد
انا الوحيد بمسية افراك
الف كيلو متر تبعدني عن بغداد
نسجت الدم عليه اجناح
بلجي ايطير ويذبني ابحضن بغداد
بلجي اكدر عذاب الليل ما ينراد
انا الوحيد ابمسية افراك
ادور عالىوديني اعله شباج الحبيب
اطلب نذر ومراد
خيول الريح سحكتني شيرد الريح

شجره بلا جذر جني وخيمه بلا اوتاد

يأبرد الشته انكط على اضلوعي

ويا حزن التراب اضحك على الفرحان بالميلاد

انا الوحدي بعذاب النار

وصديقي الجان يبجي وياي

صار اويه الرماد ارماد

زهيريات

مرات يا صاحبي ايام عمري المضن
ما وقعت عالسفر هن بجوازي المضن
شاجور ودهري انملا ثلاثين بيه المضن
نغزات احسن بالكلب وامسيت مالي كيف
جي جيت من الدفن ولكيت عدهم كيف
غلطة الشاطر بالف والغلطة صارت كيف
وكت الحيايا دفه بانياب سم المضن

لو ادري بالروح تضعف في هواك وترك
ماجان صار الهجر وياه برود وترك
صعبه اسئلة هالزمن ما خله بيهن ترك
حتى الحشا ذاب من هجرك غدا موحشه
يالعفتني بليل ودروب العمر موحشه
ضليت اسب بيك منعوني وكلت موحشه
مو عربي وانخاك اهلك لو عجم لو ترك

تعدّه الليل

ها يالمحترّك ياسالفه تبرّدك
تعدّه الليل .. وانتّه ايدك على خدك
حسب علمي تركت الشعر والتدخين
رجعت برغبّتك ؟! لو هانظرّف ردك
المكان البك يشكي وحشة الخطار
دك ميزانهم شلت الحمل و حدك
على حجايه غريبه
انحجت بالديوان
نصبولك شرك وانصاب عم ولدك
جا انتّه ضحيه ؟؟ وحنو السجين ؟
لا كبرهم عبايه فصلو جلدك
من صارت صدك ما ظل ولا معتوب
واولهم تبرّه اليسبح بمدك
من هب الهوى وتحرك الدولاب

كفرت بـيك حتى الناس التـعبدك
تتذكر امس وشمسولف الديوان
والطينه بعدهه ابخدي وبخـدك
يحسبونك مسيح اتسامح الياذيك
واليجسر عليك اديرله خـدك
حد اخر نفس بالروح
بس الذيب ما هـدك

بيك اشكد سـوالف
وانته عاشك ليل
ظل سولف علينا وطلع العندك
وانته ادرى بخفايا العاشو بوجهين
لو يحصل مجال اليوم ونشهدك
موبيـع وشرء الاسرار
اليضمـلك احجايه ياخذ ابـدك
الطلقه الصابـتك صابت جـثير اكلوب
كل احنه نون

موبس تونوخذك

وصيح بكلمن ايضدك

ولك داير جرب بالناس

خليك اظافر من تحك جلدك

ابوذيات

تعال وشوف بالدلال شيبات
كبرنه وصار اسمنه اليوم شيبات
اعين بالمرايه وشفت شيبات
كلت يا روح هذا انذار اليه

عساه الكلب دنياه وكنبين
بريد الله جسد صافي وكنبين
امس حلوات شافني وكنبين
ويجوز الكبر بين عليه

الجاره بنار دلالي ورثها
وعاين نيتي وشني ورثها
اخذا الروح ترثلك ورثها
ساعه انتة نتوح وساعه هيه

رَبِّتْ تَصَحَّه ضَمَائِرَهُمْ مَصْحَاتِ

جَنُونَ وَنَاسٍ مَحْتَاجِهِ مَصْحَاتِ

رَاحَةً بِأَلِّ رَدْنَاهُ مَصْحَاتِ

وَطَيْرَ الْعَافِيهِ طَارَ أَمِنْ أَدْبِهِ

العلامات

يا ابو شمويس الضاحكه
او جنات توهه مسلمه
جيت اسالك والسؤال اشكد بسيط
هذا العلى اجتافك ليل
لو نسر طاح امن السمه
يا ابو الشواطي الشاتله بكلبي فسيله
اجفوفهن اتلوح السمه
جيت اكلك : لو مطر طاح بدرينه
والله اراهن حتى الانواد
واكولن موش غيم ..
اعيونك اعيونك حبيبي امغيمة
يا ابو التراجي الداكه اسنيني شذر
جيت اكلك : كلبي شافك قبل ما شوفك
وعلمني اعله صفنات الشعر

وانته بعدك ...؟

تسفر بوحشة صفنتك

سألفه وسيف ومهر

وانته بعدك ؟؟

شائل العودبجزيره

مر واشوفك بت وردنه

مفرعه وزرعت كلبنه اكل شبر

مر عليه وصيحي

مر عليه ولا تكول الشارع الثاني البعيد

ما يوكفني المرور !! ولا تكض جدي

العلامات الحمر ...

كرة قدم

حلوه الفلاح يمررها وسنبليتن از غار ابجفه
يعبر بيها ويتحلم بالبيت الدافي الثابت سكفه
يعبر كبسنجر ... هولاكو ... ومالك الزين
ينطيهه العامل باليسرى
وحلوه العامل عش طيور ومعمل جفه
يمشي العامل ... حلوه العامل
سجل كول وصافرتة الحكام اتوكفه
العامل هذا الراد ايكول :
شايل مطرقتين ابجفه
انعادت ... حلوه الطالب .. يعبر سرعه
وينطيهها البياع الفول وبياع الفول
ليوصلها للكناس
والكناس العش الشارع
يعرف كل اعظام الفقره اللي تتداس

والحارس ياعيني الحارس بين الليل
ايمر كل البيان ويسمع حزن الناس
حلوه الحارس ؟

لاعب ريسهم بافكاره
ونطاهه العامل بالراس
وحلوه العامل
يوكع ريسهم
والعائن حلوه العامل سجل كول
وصافرة الحكام توكفه :

ممنوع الرئيس ينداس

انعادت :

عند الجندي ... وحلوه الجندي
ويركض زنجيل الدبابه
يطوي الكاع بجذع النخله
وتمبر رجله بكبر الغابه
ينطي اللاعب من " صفار "

ايهدف بعكال السلطان؟؟

ايصير وتلحك بيه اجلايه

وترجع للجندي ... ايحولله الجندي " السام "

ويصعد "سام " ويصعد يصعد

طيار امن امريكا اتجسس

فكر سام ونيشن عالطيار وصابه

وصافرت الحكام اعترضت

احنه وياكم تلعب طوبه

والطيار اعلينه اشجابه

"الشوط الثاني "

اتصير الطوبه بساحتهم

بيار جميل عاليمنى الملك الزين

الملك الزين برمحه الاسود للحجاج

يمشي الحجاج اعله اركاب المنبوحين

ينطيه بسيفه لرابين

وبحارة الاسطول السادس متحمسين

وبياعين الدم والنفط بسوك الجملة متونسين

رابين اتقدم يمشي

وضابط رادار اليصفكله

ويمشي وما يكرر يتحرك

دم الاطفال اهواي مثكله

ايهدف يلزمهه الفالاح

وتتفجر كل اماله

طلعت طوبتهم موقوته

ومات اليتحلم بالثوره

وطاحت كبله ادموع اطفاله

"تقرير"

طك السنبل بين اضلوعه

ومر الليل بكلبه الطيب نهر احزان

ما ميت لليموت بسينا

ايخضر ورده اعله الجولان

وتكبر هاي الورده اعله الدم

والهم والبارود

تاخذ طبع الجندي وتعرف

شني اسلاح ايام السود

عرفت غابات الطيار وليل الغاره

وطكت ورده از غيرء بصفهه

الوجه ابنيه ابغير اخدود

تكبر هاي الروح الورده وترجع زلمه وللرجعيه

وتلعب طوبه وتلاعبهم بالبارود

يا باب الدفو المسدود

اشكد اعياد بغبار السنين امحزمه
ونوك الحنين اتنود
مدري اشجم شمس بالوجنه لفهه الليل
مدري اشكد فرح جوه الهدوم السود
يلتف الشته وياهه
وتصيح افيش يا باب الدفو المسدود
يا ما بكل صبح تلج انملايه ايطيح
ياما بليل شبت وانطففت نيران
والوجه الصبح تلكه الرماد انهود
لن غيم الحنم يسكي العطش بالليل
ومن تقز يرد غيم العطش
يكطع الماي اردود
وشكد سمعت احجايات
من الناس :

شاعر كال : عونہ الحاش رمانك

يصدر الريم

شامت كال : جم موسم حزن

وانتي برجه الحاصود

صبي غنى الحلو لومات

جسمه ايظل نصيب الدود

لا وحياءة عشريني وداعة طبيبك " يحمود "

اتمنى الجهامه .. الطيف

اتملى حشر الراس تمتد تنعصر لزنود

اتمنى ولو سطرة زعل

بس يكون جف رجال

تشتم ريحته لخدود

بسك يا عذاب الليل

كل جرح وراه تسكين جرحي بيا وسيله ايهود

ومعانتت انه اويه الروح

اطاوعهه تذب اجدامي فوك النار

تطاو عني تموت امن العطش لورود
 يا سجه التم دربي وضميري ابخنجر ايزرتي
 ويحط طعنات بيه اشهود
 اتمشى الشوارع مالي بيها انسان
 ورد لتراب باب البيت
 بيه ادفن شبابي اردود
 اتمشى بغرفتي بخطوة الجناز
 وافتح طلقة الشباج المزنجر لن اسنين ظل مسدود
 احسد جارئي الحلت كصايبها
 اعله متن الليل
 وازعل عاليخير غرفته انعريس مره يعود
 انا الجانو يحسدوني شباب وكيف
 كمت احسد عجوز البيت
 جي شاييبها يممه امثر وممدود اتمنى بكثر ناس التمنوني
 اتمنى اصير بحالة " ام جلود "
 من كال هيه مسودنه "ام جلود "

مو غيره ولا حالة كره للناس لا حاسد ولا محسود

خفكة روح بت عشرين

طير امخيط الجنحين

اؤ فك الخياط ايشبه ما يرجع السجنه اردود

اشكد انتظر؟؟ هوه العمر مثل الخرز معدود

جا ميت .. وكول انساء ؟

جا غايب وكول ايعود ؟

كل جرح وراه تسكين جرحي بياوسيله ايهود

الغابه

عن دول الجوار

كلشي ولا تجنون اسلاح
كالو لتصنعون اسلاح
واحنه بغابه ودابير ماديرنه انيابيه
ودابير ما دايرنه انيابيه
وهتاك اعراض وسفك ارواح
وكل جار يز اوينه انيابيه
وكل جار ايسمن بجلابيه
ويحد خنجر ذباح
بوسط الغابه الشرك امكهرب
والغار امسكف برماح
وطيور بكاع المحتركه وياويله الما عنده اجناح
مناه ظلمه ومناه ظلمه
بس عنده اينور مصباح

كلمن بيده احجار وهدو نص الليل
ويا ليل اشكد بيبك اشباح
واليكصد بغداد بغاره باسطنبول يرد يرتاح
وبسوريه الثعلب ماکر
ماکر جدا ثعلب هجاء ومداح
ماکر جدا مو حواء الغشت ادم
هو القدمله التفاح
وذاک اللي کاعد يتفرج
هذا اتصوب ذاک الطاح
ومن روجات البحر الاحمر
شفنه الدم وشفنه الکاتل
ومعکل جان التمساح
ويا بستان الماجر حصره يا عود الما ون وناح
هضبه نجد وربع الخالي
خلو کاع الله الخضره وهيمه ومبزل للاملاح
کطره وطاحت شیرد ماي الکصه الطاح

وشلون ابنادم يرتاح

منهو يعيش بهاي الدنيا ومامش جوه الراس اسلاح

شافو بغداد ابغزته يوميه الناس اتزف عاشك

وحزن الحنوه ابصير اقراح

ما فادتهم هاي الفكره ورادوه ابطيح وما طاح

ما يعجبهم يكبر سنبل ويصير ابطول الفلاح

شافو شمس الديره اتعلي اتعلي اتعلي

وبحجارتهم ما تتلاح

كالو لا تجنون اسلاح

واحنه بغابه

وداير ما دايرنه اتيايه

وهناك اعراض وسفك ارواح

خريطه بدم

رسمنا لك خريطه ابدم
وعلى بابك صهيل خيول شكره
وفارس ملثم
بنينه اكل كلب تمثال
تمثال اكلب هيهات يتهدم
يا بيت المحبه ومن يصير اغروب
نصير اطيور
كلنه بكابتك نلثم
وردنا الماي من بير المنايا اعليك
من تتفتح الحيه ابير يتسم
وتحزمننا بليالي مطر زات اجروح
هنياهه العليك اجر ح :
يتحزم

يا ربعت عمام وبيت المعازيب

بيك ارواح كبل الزاد تتقدم

نسوي اعليك حد ما صار

ونخلي المنايا سابعه بالدم

اهو واحد وطنه اليوم

اهو واحد عراق اليوم

ما يقبل القسمه اشلون ينقسم

ما يقبل القسمه اشلون ينقسم

يا هو انتّه ؟؟

يا هو انتّه ؟؟

يا هو انتّه ؟؟

انهه سالوفة زمانه

انه من فرشو مهجته ابساط لجدام الخيانه

انه يا مره طبع

لمرورتج حلوه بلسانه

اني كاظم يفلانه

اني هو الزفج بيوم الخميس

وضيعج مصباح حمعه

وجيتج امصوب دليلي

وردت يم بابج سهم بلواج انزعه

ودفعتج ترست ضوه عيوني مهانه

ضيعتتي وفشلتتي

شالت امن اضلوعي كلبي

وصكته حيل بمجانه

يا فسلتي ولمة الجيران

ومنادس ضحكهم

من سالتيني اعله اسمي

يا هو انه

وشرد اكول

احجاية المظلوم خرسه

وتعثر بطارف السانه

اني كاظم يا فلانه

ضيعتيني مثل ما ضيعت

وياح عمري

وسجة اسنين عبر منها العذاب

وضاك بالدخان صدري

والله من صلح ربيع ربيع الحجي

وخله الخاك بالقصه تدري

انه اروح ويبقى طيفي ايصيح باذنج
كاظم انه ... كاظم انه ... كاظم انه

تذكروني

تذكروني ...

من يجي الليل وصوركم يا هلي
اتكابل اعيوني

من تجي الناس الها
وعذر عدكم ما تجوني
من يوج تتورنا ومن تخيز امي
على دخانكم حنت اعيوني
من تمر يمكم حمامه

اتذكرو كسرة اجناحي
والله لا ينطي الذي منكم خذوني
يا اتذكروني

اتذكروني بدمعه بحجايه بجكاره
حتى اكولن ما نسوني

خطوه مجنونه خذنتي بشارع اظلم
ليل والغربه صفت بيع وشره ...يهلي اشتروني
" يا غريب اذكر هلك " وتذكرتكم
هلي يامن ضيعوني
هلي شمدر يكم انه اتجوى بالنار
ذكرتوني وبجيتو الخاطري ادموع
شفت ظيم الليالي وتعب الاسفار
وضكت طعم الخناجر بين الضلوع
طحت بمرض مثل امراض الاشجار
سكتاوي الالم ما تكدر اتلوع
وحك حزن الغروب ودمع الاشعار
انه بكلي غصن للفرح مكطوع
ردت اشترى الرحه بغربة الدار
وشفت روحي ونا الشراي مبيوع
انسى الموضوع كله وذيح الافكار
وشفت روحي التيهت بغير موضوع